


PFUMO RAMUCHADURA



PFUMO RAMUCHADURA

Written by Phibie Mandongwe

Call or app...

0714160957

0774512473

Pdf by VaDeny

PAMUZINDA PA MAMBO GOTORA

CHITSAUKO 1

Mambo Gotoru vanoyeverwa ne
Jinda ravo iro rayiita kukakanyara
sehoromba ye Gudo iri kudzika
materu . richiuya pa dare pavainge
vagere . Muruoko rainge rakabata

bvumo rayionekwa kupenya
serunambi rwemoto uye utesvero
hwacho hwainge hwakaita
semunzwa wenungu . Rakasviko gara
pachigaro chainge chiri kurutivi
rweruboshwe rwamambo .

"Pachipamwe mambo wangu".

Rakadero Jinda ravo . Mambo
vakabva vapindura neinzwi rairatidza
kuti pahuro pavo pane masese
nokuti kumberi kwavo kwainge
kwaka gadzikwa Chirongo
chairatidza kuti chine maheu . sezvo

chainge chine musodzi yainge
yakaomera pamatama acho uye
rumwe ruoko rwavo rwainge
rwakabata mukombe wedeteni .

"Zvawauya zvanaka nokuti ndanga
ndichada kutotuma munhu kwauri
kuti akudaidze".

Vakadero Mambo

"Zvakanaka mambo Saka
ndatofemerwa kuuya , Chindipirai

dama renyu ndinzwe".

"Nyaya iri pano Zuva riya
ratakapangana rasvika rokuti tino
sakura zviyo zvangu zvekujinga kwe
chikomo kuMadidi sehurongwa
hwedu". Vakadero mambo .

" Zvakanaka asi handioni
tichabudirira nokuti ndabva nekumba
kwamai Muchadura uko , vatotanga
hunenge nenge hwavo huya
hwavanosiita mazuva atinenge
tatarisana ne Nhimbe yenyu . izvozvi

kutaura kuno ndasiya vaka undunda
seshiri yarohwa nechimvura mabwe .
asi muono wangu kuzviitisa nokuti
seyi vachingo rwara tatarisana ne
nhimbe". Rakadero Jinda ravo iro
raidaidzwa nezita rokuti Jangara .

"Haa avo mai vanoshupa wangova
mugariro musoro weshuro kushaya
nyanga, asi nhaka handijaidzi
makudo neano kamhina munhu rudzii
asinga fariri basa , ndizvowo ne
murume wacho nezuro ndakamuona
akasunga ruoko ne bote . Saka vanhu

ava vava kuda kutijairira zvikuru . asi
rwendo rwuno vachataura
chakatadzisa imbwa kuseka iyo
kunyenama ichigona, tava
kungomirira zuva racho " .

Vakadero mambo Gotora
vachisimudza simudza ruoko rwavo
urwo rwainge rwune mukombe .

" Hapana zvimwe zvandinoona
zvinoindirana navo kunze kwerufu .
nokuti vamwe vangazoto tevedzera
nhodzerwa dzevanhu ava" .

Anotaura Jangara .

"Hatichadi kupedzera mbambo pachitehwe cheshindi , Nyaya iripano heyino . Handiti iwe unoziva kuti handi nyanyi kufarira nyama yemombe . Saka ndiri kuda kuti usarudze Majaya gumi atingatuma kunondi tsvakira nyama ye Mhara inova yandichazodya musi wenhimbe chishanu ichochi. Asi imi ndinokubayirayi mombe ".

"Zvakanaka mambo wangu regai ndinomadaidza majaya acho awuye pano".

Akadero Jangara achito simuka
pachigaro chake . ndokukanyaira
akananga kwaiva nemajaya ayo
ayinge akaita zvikwata zvikwata .
vamwe vaiveza maturi vamwe vaiva
mushishi rokusukuta matehwe
okugadzira nhapa pamwe ne
shashiko . Jangara akasviko tora
Majaya gumi ayinge akagwinya
kusanga nisira mwana komana
wamambo a yinzi Tinarwo . ndokubva
vatotunga midzana vakananga pa
dare kwainge kugere mambo .

Majaya ose anosviko zvikandira pasi
nhembe dzichizara guruva .

" Chivapirai nyaya iya momene
mambo Majaya aya asvika "

Akadero Jangara achi anyarara .

Mambo vakabva ambokosora kwe
chinguva , ndokutora chitenge chaiva
muzasi mechigaro chavo ndokupfira

chikararwa chavo icho chakabuda
nezviropa . ndokubva vambo rova
rova chipfuva chavo . kwakutora
nhekwe ye pfodya yavo
kakugugudzira paruoko rwavo
ndokuchizo tsunya vachiisa mumhino
vakabva vahotsira kaviri chete .

"Yaa maita zvakanaka Nhau iri pano
inyaya diki diki pakunzwa asi ihombe
pakuira". Vakabva vanyara vachiringa
majaya ayo anga agere pasi sezvo
vanga vasati vanyatso kuvaona .
ndipo pavaka songanidzana meso
avo nemwana wavo Tinarwo .

" Tanarwo Haafanirwi kuyenda kwandiri kuda kukutumai nokuti ndine zvandinozoda kuti ayite musi wenhimbe . Saka tsvakai mumwe wamunoziva panhau yekuregedza museve achatsiva Tinarwo sezvo nhau iri pano ndoda kuti muende musango kuno vhima. saka iwe Tinarwo simuka udzokere kwawanga uri".

Vakadero Mambo ndokubva vatonyarara .

Tinarwo akabva atosimuka
ndokudzokera kwaanga ari .

"Saka angatsiva apa ndiyani".

Akadero mambo neinzwi raiva
pamusoro vachibvunza Majaya avo
ayo anga akatsikitsira .

Majaya akaramba akanyarara
sokunge asina chaanzwa. Zvinova
zvakaite kuti Jangara ataurwe .

" Ko mukagoita semakatsveta zvimiti

munzveve asi zvabvunzwa na
mambo hamuna kuzvinzwa " .

" Kwete asi tiri kuyedza kuona kuti
tingatora ani , panevasara . Asi ini
zvangu ndinoona kuti Muchadura
akakodzera kunge aripowo sezvo
imhare pakukanda miseve " .

Rakadero jaya rainge rigere
nechekumashure

Raidaidzwa kunzi Tumbare .

" Chitosimuka unomudaidza nokuti
nguva ndoyapera muno fanirwa
kupinda musango nhasi uno
mozodzoka mangwana manheru".
Vakadero Mambo .

Tumbare anosimuka paanga agere
ndokumanya akananga kugota ra
Muchadura . asi anosviko wana
musiwo wake wakapfigwa zvaireva
kuti hamuna munhu. Anobva amira
achitarisa mativi ose achimanyisa
meso ake . ndokuchiita mahwekwe

naye achipinda muyimba yamai vake
yokubikira . Tumbare akabva
atomanya achiyendako , anosviko
pinda achifemerredzeka sembongoro
yakasungwa asina kumbo dododza
pamusiwo . anosviko ona Muchadura
agere parutivi pamai vake avo
vaingoungudza uye baba vake vainge
agere parutiviwo nomukadzi wavo
asi vairatidza kurwadziwa neruoko
rwavo rwavanga vakasunga negavi .
uye Tariro anova hanzvadzi
yaMuchadura ayinge amire mberi
kwechikuva asi meso ake ayinge
akatarisa mai vake . Zvinova
zvakashamisa Tumbare kuti seyi

vanhu vari muno vakangoti una una
kudero . asi nguva vekuti abvunze
akaishaiwa nokuda kwekuti ayiva
shure kwenguva zvakanyaya uye
kutya mambo wake sezvo ayivaziva
kuti vane moyo mupfupi .

"Pamusaroyi ndombo kubatayi
muromo zvishoma , Muchadura uri
mudiwa na Mambo kudare".

"Kwakanaka here".akabvunza
Muchadura .

"Ndinoona sekunge tiri kuda kupiwa
rwendo , zvizhinji uchanonzwirako
nditevere izvozvi".

Tumbare ayitotaura achitosimuka
kuratidza kuti ari shure nenguva
.Muchadura akabva atosimukawo
ndokudunga midzana vakananga
kudare pasina nyaya dzaitaurwa.

Vanosviko gara pasi kuti vanzwe

zvinotevera .

" Yaa machinda ndiri kuda kuti
mupinde musango munondi tsvakira
mhara inovu yandichazodya musi
wenhimbe nokuda kwenguva
dzatekaira chisimukai muchinotora
zvombo zvenyu uye mbuva yokuti
mufambe muchidya". Mambo
vakabva vanyarara .

Majaya akabva asimuka sengoza
ndiri kubva pahundi , mumwe
nomumwe akabva ananga kuyimba

yake kunotoro zvombo zvake.

Muchadura anobva ananga kuyimba
yokubikira uko kwaayinge asiya
vabereki vake vakangoita mazvake
mazvake . anosviko pinda
ndokugara pasi asi kuri kumberi
kwevabereki vake .

"Baba na Mai Ndichambopinda
musango nevamwe vangu , tatumwa
na mambo kunovatsvakira Mhara
ichava nyama yavo yavati vanoda
kudya kuswera mangwana musi
wenhimbe ".

Akadero Muchadura akabatanidza

maoko ake .

" Zvakanaka mwanangu wofamba wakachejera nokuti musango mune zvikara zvinorura . ndichasara ndichipepa amai vako ava". Vakadero baba vake .

Muchadura nguva iyi anonzwa kushevedzwa nevamwe vake . anobva asimuka ndokutambidzwa mudzonga mishanu yenyama na Tariro ndokubva atobuda . asi moyo wake wainge usingadi kusiya vabereki vake . Anofamba akananga

mugota make , anosviko tora bvumo
rake ndokuri bata muruoko ndokutora
museve yake kwakuyibereka
kwakuchitora bakatwa rake raanga
akabayirira muuswa. Ndokuri
sungirira muchiuno make umo maiva
netambo yainge yakasunga nhembe
yake . kwakubva atobuda
ndokunanga kwainge kumire vamwe
vake avo vainge vatomira negumbo
rimwe....

Comments

***KUPERA KWECHITSAUKO* 1**

*Team rangu book redu iri riri kuuya
kana ndapedza PARUMANA
NZOMBE*

*NDOKUDAYI MOSE VATSIGIRI
VANGU*

[4/10, 17:33] +263 71 416 0957:
[https://chat.whatsapp.com/L5QDFQ
SS1W6KU6jKXwRJGL](https://chat.whatsapp.com/L5QDFQSS1W6KU6jKXwRJGL)

PFUMO RAMUCHADURA

***WRITTEN BY PHIBION
MANDONGWE***

Call or app....

0714160957

CHITSAUKO 2

Kubuda kwakaita vana Muchadura

mambo vanosara vagere nejinda ravo
pa dare vachitaura zvavo nyaya .

"Ko iwe hauchandiyechidzi seyiko
hona ndatokoshiwa kuti ndine
zvandainge ndakapangana na
mambo Mafuratidze".

"Aaa kukoshiwa zvinotiwandira izvi
mambo tarirai zuva racho

ratodondekana nerekunhimbe saka
tozvifambisa seyi ".

akadero Jangara achibvunza mambo
vake .

"Handingatadzi chirangano changu
chandakaudzwa nagodobori wangu
kuti ndinofanirwa kudya hambakubvu
kuti makore angu awedzere asi nhau
yacho yakanaka ndinovimba kuti
mambo Mafuratidze vanayo ".

" Saka hazvichanetsi ,chava pano ndechekuti todii sezvo hazviiti kuti ingouya pasina muripo" akadero Jangara.

"Tinofanirwa kutuma nhume ikoko dzondonzwa muripo wacho . uye ndovimba kuti Mafuratidze haandidhuriri sezvo ndichi dyidzana naye pazvizhinji".

"Saka kungayendwa zvarini ikoko , asi chandinoziva muripo wehambakubvu mutonovapa mhandara svinu uye yakanaka, hino zvamusina mungamupa mhandara ipi imi musisina mwana sikana , vose zvavakapera kuroorwa" .

"Izvo hazvinetsi Jangara vhurika meso mhani iwe . mhandara hadziperi pano" .

"Zvakanaka mambo wangu asi zvee
mazano marairanwa uye kutsva
kwendebvu tinodzimirana saizvi .
madi mangotaura yamunoona
yakakodzera kunopa Mambo
Mafuratidze".

" kana achinge ati anoba mhandara ,
tototoro Mwana sikana wababa
Muchadura uya wekunaka ,
ndakangamwa Zita rake zvangu".

"Murikureva Tariro here mambo".

" Hongu , Baba na mai vacho
tovaparadza kana vakakura musoro
uye jaya ravo risati radzoka
kunovhima". Vakadero mambo .

"Zvakanakai mambo wangu . Saka
chiregai tizozviita mangwana

zvekutuma nhume dzedu kwa
Mafuratidzwe sezvo nhasi hazviiti
toda kuti vambovanga mapadza" .
akadero Jangara .

"Zvakanaka , Nyaya yava pano
ngatichimbo twasanudza makumbo
tichimbonoona kuchange
kuchizosakurwa musi wemhimbe".

" Ose machena handeyi zvedu".

Vaviri ava vakabva vatosimuka
padare apa . ndokuchinanga ne divi
rekumavirira kunova ndiko kwaiva
nemunda wacho .

Mambo vainge vakabata bvumo ravo
,rinova ravaiita semudonzvo
vachifamba .Jangara anga aka
bereka rake kumusana . Vaifamba
vachiita zvishoma zvishoma
vachiyeverwa zvavo nemuzinda uyu

wainge wakaisvo naka chose .sezvo
muzinda uyu wainge wakavakirwa
mubani uye wakapoteredwa
nerusvingo rwemabwe anga akayita
sehwendefa . nechekuzasi kwawo
ndiko kwaiva nekarukova kaiverera
mvura yainge yakachena iyo
yainyuka muchitubu chaiva mujinga
rekakomo kainzi Zviriripiri , uye ndiko
kwaimwira zvipfuwo zvemumuzinda
umu pamwe chete nokugeza .
Matanga ayinge akavakirwa kudivi
rekumaodza nyemba.

Mambo Gotoru vaiva nemukadzi
mumwe chete . uye vaive nevana
vatatu , vasikana vaviri kozouya
Tinarwo jaya ravo . asi vasikana vavo
vose vainge vakaroorwa kumuzinda
imomo .

Varwi va Gotoru vainge vakawanda
uye vazhinji vacho vainge vakasviba
sehari dzabikirwa mbeva. Zviso
zvavo hawaitarisa kaviri,zvaitoda
vakashinga . Mukuru wavo ndiye

ayinzi Jangara ayiva mutevedzeri
wake ayinzi Rugara kozotevera
vamwe nouwandu hwavo . Jangara
ayiva noutsinye samambo wake
Gotoru hapana ayisazviziva
pamuzinda wose .zvinova
zvaitofarirwa na mambo vake nokuti
ayiita zvavaida .

Mambo na Jangara vaiwirirana
zvikuru waitove mukombe
Nechirongo

Vanokwidza vakananga kuma Didi
kunova kune munda wavo , pasina
nguva vaininge vatosvika zvavo .

=====

=====

Vakomana vanobuda ne divi
rekuchamhembe varigumi .mumwe
nomumwe akabereka zvombo zvake
uye nhava dzakanzi koche koche
pamapendekete dzainge dzakati
shutu nenyama yaiva zvimukuyu uye .
Muchadura ndiye ayiva kumashure .
pfungwa dzake dzaisava panevamwe
,ndaitova kumuzinda kunova kune
vabereki vake avo vaidzimbikana .
ayida kuramba kutomboinda
kunovhima uku , asi akaona kuti
munhu wacho ayida kubatirwa Mhara
ayiva Mambo saka zvaisaita kuramba

.

Zuva ranga rava kuchirova
nhongonya Majaya ayiita kukanda
nhano sezvo vayida kuti zuva
rizonyura vava kusvika kana kuti
vatosvika kwavaida kutandira
kuvhima . sezvo mhara dzinonyanya
kufarira kune mapundo makuru
kunova kwavaitonanga .

"Vakomana chatinoda kuno , munhu akamutsa hayikona kupotsa, toda kukasika kudzoka nokuti hapachina mazuva kuti nhimbe iyitwe mambo vanenge voda Nyama yavo . uye tikanonoka kudzoka tinondooneswa chitsvuku na Jangara".

Akadero Tumbare sezvo ndiye ayinge arimukuru .

" Zviri munzeve asizve zivayi kuti misi hayifanani, tongona kungomutsa mapanya chete".

Akapindura Pfumbirai .

"Pfumbirai usangofunga
zvekusabata , unotisimudzira
munyama apo , ziva kuti tinobata
chete uye ndiwe wekufamba
nemunyu munhava hautorina ipapo?".
Akadero Muchadura achitofambisa
kubva kumashure kwaanga ari .

" kwete handina zvangu" .

Vapopinda nemumakoronga kuye
munagoro godo. Vaisanzwa
kurwadziwa sezvo vainge vajaira
kufamba nzimbo yavo iyi . vanopinda
nepamupata pezvikomo zviviri
zvaiva mberi kwavo. Pasina nguva
vanga vatopa seri kwazvo kunova
kwavaisi vhimira . asi nguva iyi
vakatadza kuita basa ravo nokuda
kwezuva iro ranga ragara makomo .
vakabva vatsvaka pokuzorora
tozosimudzira mangwana acho

COMMENTS

KUPERA KWECHITSAUKO 2

[4/10, 17:34] +263 71 416 0957:

<https://chat.whatsapp.com/L5QDFQ>

SS1W6KU6jKXwRJGL

PFUMO RAMUCHADURA

Written by Phibion Mandongw

Call or app....

0714160957

CHITSAUKO 3

Vana Muchadura vanomuka
rungwanani kudzika mumiti
mavainge vakakwira. Ndokuravana
sezvo vaida kuona kuti vakakwana
vose here.vachipedza Mumwe no
mumwe akabva atora zvombo zvake
ndokuchitanga kuvhima sezvavainge
vavinga . vaininge vakati farara
nesango umwe uko mumwe
uko.vaisada kuungana seNyuchi uye
zvaiva batsirawo kuti vakasire
kumutsa. Vakomana vairova

makwenzi netsvimbo kuitira
kuvhundutsira dzainge dzivete ...

Zuva rakasvika pakubuda vasina
chava mutsa, asi havanda kuda
kukanda mapfumo pasi. Vanofamba
vachigumha mumajinga mema komo
uye nemakaita magutu gutu , zuva
rakasvika pakurova nhongonya
masango angori matema . vakabva
vambo zorora vachidya sezvo nzara
yanga yava kuvavhiringa. Vachipedza
kudya ,havana kuda kuti matumbuavo
aserere vakabva vatosimudzira basa

ravo .sezvo zuva ramangwana
vaifanirwa kupetuka kumuzinda kana
zuva ravira , nokuti ndiro zuva
ravakanzi vanofanirwa kudzoka.

Vaivhima vachidzira kwainge
kwakadenukira. vati fambeyi
chinhambwe vakabva vaita
mahwekwe ne chitsime chainge
chizere mvura . vakomana vakabva
vatoti vadzimu vatinzwa vanobva
vatonanga ipapo . vanosviko tsinatira
vese ndokumwa kusvika vaguta

matumbu kuti tashu , zvokuti
kufamba chaiko kwainge kwava
kuvanetsa zvotiwo nekuneta zvainge
zvasangana . vanoona patsimwe apa
pazere matsimba emhuka
dzakasiyana siyana . asi
zvakanetsa kuti dzinombova payi
chaipo sezvo tisina kana imwe
yatambomutsa .

"Varume ngatizororeyi pa gutu gutu
iro. timbo zorora tozosimudzira kana
kwati shavava ko tonhorera".

Akadero Tumbare sezvo ndiye ayinge akatunga mirira chikwata ichi .

" Wabaya Dede nomumukanwa wena tanga tatonetawo". Chakadero chimwe chikomana chainzi Muchodo .

"Asi tofanirwa kuyeuka kuti mangwana tiri kudiwa kumuzinda , Saka zvekuzorora izvi tongoita murayiro chete ". Akadero Muchadura

.

Vakomana vanobva vatonanga pa
Gutu gutu ranga riri parutivi pavo .
vakasviko zvikandira pasi ndiye kubu
nhivi pasi. Zvimaoko zvakarashirwa
kwakadero uko . zvaireva kuti vainge
vaneta . hope dzakabva dzabata
kunze Kwa Muchadura chete uyo
akasara akagara achifunga mai vake
vaakasiya vachirwara. Anoti ari pakati
pendangariro kuderu . anonzwa
mutsindo yaibva necheseeri kwe gutu

gutu ravainge vagere . anobva ati
kwadada pasi sekuvata kwanga
kwakaita vamwe ziso akaita
kuudzvura iro ranga raita sechiropa
chembongoro . anoona dziri mhara
dzaito manyirana dzakananga pa
chitsimwe chiya . paakaona kuti
dzadarika akabva akweva dati rake
rainge rizere miseve . ndokuti kwara
kwashu gonga uta rake ndiye
kwambatire . heye nyahwa nyahwa
neseri kwemakwenzi apa ayikwenya
mhuno nekasiyanwa kuti asaonekwa
nadzo sezvo mudzimu isingapi kaviri.

Akati ava kusvika ndokupinda pakati
pegwenzi remuroro ndokuchiringa
pakanaka paayinyatso kuona , akabva
atoona dzakatsikitsira dzitori
mushishi rokumwa mvura . haana
kuda kutambisa mukana . akabva
avhura ziso rimwe ndokuzhara rimwe
akabva awutepfenyura wakananga
kuzimhara racho ziguru , uchisvikoti
tibvu muhuro ndiye dhii hayina kana
kumbo pfanhura bodo . dzimwe
dzacho dzakashaiwa kuti chii chiri
kutora nzvimbo dzakabva
dzangosimudza musoro yadzo

nzveve dzakabva dzanzi kwangwa
saTsuro magen'a kaona imbwa.

Muchadura akabva atsveta umwe
zvakare ndokuuregedzera zvakare
uchisviko baya zvakare . dzimwe
dzakabva dzatotiza nguva iyoyo.

Muchadura anofara zvikuru nechiitiko
ichi.

Anobva atomanya
ndokuchinopedzisa ne bakatwa rake
riya ndokudzikwevera panemapundo
patsangadzi . ndokuchidzoka painge
pavete vamwe vake , anosviko
shatirwa kuwana vachitoridza
ngonono.

"Imi vakomana imi !, Heyi mhani hamusi kundinzwa here apo. Seyiko muchivata sematahwa munoziva chamaka uyira kuno here?, kasirayi kumuka nokukasira izvozvi".

Akadero Muchadura neinzwi rainge rakakwasharara uye riri pamusoro , chiso chakaitwa kushatiswa uye maoko ake akazara ropa.

" Taposha hope ndidzo dzangadzati kurira ". Akadero Tumbare achikumbira ruregerero .

"Ini kana ndichinge ndakumwa nevanhu munofanirwa kuyita sevarume. Nokuti tiri musango munezvikara zvinorura , simukai muuye kuno izvozvi".

Akadero Muchadura achitotendeuka
kudzoka kumhara dzaanga abata .
vamwe vake vakabva vati
kwarakwashu pavaive vakarara
ndokuchitevera Muchadura .

=====

=====

Vanobva vatopinda zvavo mumunda
ndokutenderera tenderera vachiona
rukweza rwavo rwunova
rwaizoshandisa pakupira mudzimu
uye nekuita mikwerere yemvura.
Pavakaona kuti vaneta mambo
vakabva vanogara pa bvute
remusharu . Jangara akabva atanha
mavisimaviri , ndoku yenda nawo
painge pagere mambo . anomaputsa

ose achida kuona kuti akatsvuka
zvakanaka here . anoona ari achinje
ose ndokutambidza mambo ravo iye
ndokusara nerake.rimwe raanga
aputsa akabva ari bayira zvimuti kuti
risafuruka. Vakazochisimuka kwati
shavava matumbu azvimbirwa
nemuto . ndokuchi nanavidzana
vakananga kumuzinda . Havana
kutora nguva yakakura vakange
vatosvika .

Mambo vanonanga muyimba yavo

munova mavayizororera nguva zhinji .
Jangara akabva ananga kumajaya
zvekare , anosviko vawana varipo
vose.

"Yaa ndipeyi nzeve dzenyu
machinda".

Akadero Jangara achito gara
padombo ranga riripo .

"Nyaya yavapano mochiyenda payimba ine mapadza mumwe nomumwe ovanga ake gumi zuva rino fanirwa kuzopinda muna mai varo mapedza . saka chisiyayi zvamuri kuyita izvozvo mochiita zvandareva".

Machinda anomhanya akananga kuyimba yarehwa. Mumwe nomumwe akabva atora ake basa ndokuchitanga.

Jangara akabva adzokera kwainge
kuyina mambo . vanotanga
kutaaurirana kuti vachituma vanhu
nguvai kwa Mambo Mafukidze .

=====

=====

"Zvaita seyi nhayi mai Muchadura
mava kungo gomera"

"Muviri wangu warwadza kuti
ndichaporawo here ini. Ko. Madi
kumbono taura na mambo vaite kuti
muyende neni kwa Dzomurumbi
n'anga yemuno yandirapa".

"Zviri munzeve asi handifungi kuti

vangada nokuti havasi kutofara
vachindiona ndichirara , vanotoda
kuti nditevere baba vangu kunyika
dzimu, uye zve chiri kuvatadzisa
kundipa humambo hwangu
wavakasiirwa na baba vangu chii,
kwakuzoti ndikataura yekurwara
kwenyu mai mwana handioni
pachibuda chisvinu".

" Zviro zviyedzwa chembere yekwa
chivi yakabika mabwe ikamwa muto .
Endayi munonzwa kuti vangaramba
here , Zvehumambo izvo

mochitoudza dangwe renyu
Muchadura azopedzerana navo".

"Mungati ndipo pavachanondi
nzwisisa here ,Shiri ine muririro wayo
hayiuregi, regai ndinovapira shoko
racho pamwe ndinga shora mbodza
nerino zvimbira ".

Baba Muchadura vakabva
vatosimuka ndokunanga kuyimba
yainge ina mambo .

. vanoti vava kusvika ndoku
chonjomara vanobva varovanisa
maoko kuuchura zvaiva nemutsindo.
Nguva iyoyo vakabva vadavirwa
neinzwi raiva pamusoro soro zvinova
zvakava kachyamadza.

Comments

KUPERA KWECHITSAUKO 3

[4/10, 17:35] +263 71 416 0957:

<https://chat.whatsapp.com/L5QDFQSS1W6KU6jKXwRJGL>

PFUMO RAMUCHADURA

Written By Phibion Mandongwe

Call or app...

0714160957

&

Added by Patie

+278346691280

CHITSAUKO 4

Mambo na Jangara vanoti vari pakati pokutaurirana , vanonzwa kuombera kwemunhu panze , asi Jangara akabva aziva kuti mauchiriro arikuyita munhu uyu Ndi Baba Muchadura chete. Vakabva

vazevezerana na mambo
zvaisanzwikwa neayiva panzwe .
Jangara akabva adavira.

"Ndiyaniko arikutiitira ruzha nguva ino
isu tiri panhaurwa dzakakosha
namambo, svika nokukasira uti daku
daku nyaya yako ubve pano
uchichimbudzika".

Baba VaMuchadura vakabva vapinda

mumba Maiva na mambo .munova
mavanzi vapinde, asi hana yavo
yakanga yatovhunduka kare isisina
kutogadzikana .

" Maswera seyi mambo wangu"

Vakadero baba Muchadura
vachimutsa Mambo .

"Chimbomira zvekundi mutsa . tipire
zvawavinga kuno".

Vakadero Mambo vakabudisa
mananda avo pahuma .

"Mukadzi wangu adzimbikana
nomuviri mambo . Saka
ndinokumbirawo kuti timuyendese
kuna Dzomurumbi N'anga yedu .
pamwe vangaita zvirinane".

" Ndachiti une nhau kwayo ini
ungandiudza zvomumba mako ini
hazvineyi neni izvozvo . asi kana
uchida kuti mudzimai wako
timuyendese ikoko wotondipa
mwana sikana wako Tariro " .

Vakadero mambo vachisunga chiso
semunhu ari kutumburwa munzwa .

"Kange mbeu kurima kwandikona
mambo wangu muripo wenyu
wandigura kunorira ndazvitadza ini".

" Saka chimbidza kudzokera
parizvino Dzomurumbi akabatikana
zvikuru asi kana mabvuma
zvandareva hakuna kuipa".

Baba Muchadura vakabva vasimuka
pavainge vagere ndokutekaira
vonanga kumusiwo ndiye dhugu
shungu dzizere pahuma vaine
vakatsikitsira misodzi ichiwira
patsoka dzavo asi zvaisa onekwa

nevanhu . vanobva vananga kwainge
kwasara mukadzi wavo

Kusara kwakaita mambo na Jangara
vakasara vachisimudzira nyaya vavo
yavanga vachitaura .

"Saka zvava pano tochituma
vakomana mangwana kwa
Mafuratidze tigare taona kuti muripo
wacho wakamira seyi".

akadero Jangara

" wataura dama kwaro ipapo".

Zuva rakanga rachitsvuka zvino
makomo mazhinji ayinge achisvibira
nokuda kwebvute rainge raputira .
vakadzi vainge vochimanyirana
kunochera mvura zvirongo zvainge
zvakadengezerwa ne mhandara .

Ndiyo nguva yakabudawo Jangara
mumba maiva na Mambo akananga
kunoona kuti vakomana vaya
vekuvanga mapadza vava papi .
anonanga kwavainge vachiita ruzha
pamwe nokugogodza . anosviko
nyemwerera nebasa rainge rabatwa
zuva rakabva rachipinda muna mai
varo

=====

=====

" Ndiri kuresva kuona here kana kuti
ichokwadi , nhai Muchadura , inga
zvauri hombarume yemandorokwati,
ko wanga wadzibaya nenguvai".

Akadero Tumbare achiratidza
kukahadzika mushure mokuona

mhara mbiri dzakati rimbindi
patsangadzi uye miseve yakati svata
svata munyama .

"Ndaseka vakuru vakati sango rinopa
Waneta imi motombowana nguva
yekutsveta nhivi pasi , asi
makangamwa kuti Gotoro
haaonekwi zino rake kana achinge
adumbirwa , musazozvipamha
zvakare .chitakurayi mhara idzi
tichitodzokera kumuzinda izvozvi
tichavata tichifamba nekuti zuva

rinofanirwa kubuda tava kusvika , uye kana kutosvikirana naro richibuda , ini handitakuri mhara idzi kusvika tisvike , ndiwo uchava mutongo wenyu iwowo muchaziva kuti kana tanzi kunovhima hakuvatwi , chiitayi nokukasira mandigumbura chose ". Akadero Muchadura achiratidza kuti shungu dzakamuzadza . sezvo ayisagona nokutaura kwacho .

"Nhayi Muchadura ingawani takumbira ruregerero , uye mambo

vakati tinofanirwa kudzoka
mangwana kwete nhasi , ngatichingo
vata tozomuka mashamba nzou
tochiita nhereka zvedu". Akadero
Tumbare achizvinipisa.

" Zvamambo ndezvavo isu ngatiiteyi
zvedu . hatingagari musango isu
tadzimba . imi kana musingadi kuti
tiyende sarayi zvenhu ini ndiyende
nokuti zvandiri kunzwa munyama
dzangu zvinoreva kuti kumuzinda

hakuna kumira zvakanaka ,asi kana muchisara ini ndochiyenda ne mhara dzangu zvangu".

"Kwete Muchadura kungotaurawo zvangu, ngatiyendeyi zvadu ".
Akadero Tumbare.

Muchadura akabva atovhomora miseve yake yainge yakabaya mhara

dziye . ndokuyi pfekera mudati mayo
kwakuyibereka. Bakatwa rake ndi
koche muchiuno . kobva atotanga
kufamba akananga kumuzinda.

Vamwe vake vachiona Muchadura
akutoyenda . vakabva vatosimudza
mhara dziya ndokuchiteverawo
Muchadura uyo ayinge akadumbirwa
zvikuru . Pasina nguva vainge
vatomubata . ndokuchitanga
kufambidzana zvavo vachiita
nhereka nhereka.

Vasina kure kwavati vayenda zuva
rakabva rati ngori muna maivaro asi
Havana kuda kuzorora sechirangano
chavo

COMMENTS

KUPERA KWECHITSAUKO 4

[4/10, 17:35] +263 71 416 0957:

PFUMO RAMUCHADURA

<https://chat.whatsapp.com/L5QDFQSS1W6KU6jKXwRJGL>

PFUMO RAMUCHADURA

Written By Phibion Mandongwe

Call or app...

0714160957

&

Addited by Patie

+27836691280

CHITSAUKO 5

Baba muchadura zvavakabva kumba
kwamambo vakabva vananga
kuyimba kwavo kwavainge vasiya
mudzimai wavo pamwe chete na
Tariro . Vanosviko nanga pachituro

chavo chainge chakaita semudzi
wemubvumira . ndokugara zvovo
vakabata rushaya uye vakayeva
panzvimbo imwe chete, zvaireva kuti
kwaiva kuratidza kukahadzika
nemanzwi avainge vaudzwa na
Mambo Gotori pamwe chete na
Jangara wavo .

"Ko nhayi baba zvamangosvika
nekuto bata rushaya uye kurereka
musoro pasina chamatipira chabva
kuna mambo uye muri kuratidza kuti
murikufunga parefu .kwakanaka here
Baba".

Akadero Tariro achitovhunirira huni
muchoto kuri kugadzirira zvokubika ,
sezvo zuva rainge ragara makomo .
shiri dzava kuchinzikwa dzichiimba
ndire ndire kuri kuonekana nezuva
iro ranga ratsvuka se muchochororo
we Jongwe.

"Mashoko andapirwa na mambo
andirwadza ndikakuudza handifungi
kana ukafara nanzo nokuti,,,,,,,,," .
vakabva vamira kurondedzera
mushure mokunge

vanzwa kufamba kwemumhu panze .
ayitoratidza kuti arikuuya mumbamo .

"Tisvike tisvike Mhuka huru". Akadero

Rugara anova mutevedzeri wa
Jangara achito pinda mumba .

" Svikai svikai Chitova . kwakanaka
here kwananditsikawo nhasi".

"Kutsvene chose ".

Rugara ayitotaura chaigara pachituro
chaayinge atambidzwa na baba

Muchadura .

" Handisi kuda kugarisa zvangu sezvo kwadoka ndine zvandinoda kumanyira , Saka ndanga ndangouya kudongorera zvangu mudzimai wenyu ndinzwe kuti aswera seyi nokuti ndanzwa kuti arikudzimbikana nomuviri " .

" Hazvina shanduko izvi Chitova . ndivo vamurikuona vavete apo" .

"Kutsva kwendebvu varume
tinodzimirana sezvo mazano ari
marairanwa . pane
chamambovapawo here chero
mushonga zvawo uye kuyendawo
navo kuna Godobori". Akadero
Rugara .

" Kuna Godobori handina sezvo
kwanzi kunoda muripo kuti varapwe.
Hino zvandiri shuro wo kudayi

ndoripa neyiko .". Vakadero Baba
Muchadura misodzi ichiratidza
kunjenga mumaziso avo.

. "Aaa murikureva kuti munhu
wemumuzinda uno kana arwara
anoripa kana achida kurapwa here ?".

"Ndozvavareva mambo pamwe na
Jangara pandayenda kunovapira
nhau iyi".

"Pamwe vachadzora moyo wavo
vachinge vaona urwere hwacho
nokuti zviri kuoneka kuti mudzimai
wenyu arwadziwa sezvo munhu
haanga iti maune kugomera saizvi".

" Tichaona kunowira tsvimbo
nedohwe Chitova".

"Ndichadzoka mangwana zvakere regai ndimbomanyira zvandasiira munzira uko sezvo ratovira iri" .

Rugara akabva atosimuka ndiye dugu onanga kuyimba kwake . ayifamba achipota nemadziro kuti asaonekwa kuti arikubvepi nokuti nguva dzainge dzatekaira.

=====

=====

Jangara anomuka mangwanani
ngwanai kumutsa varwi vose
sokutaurirana kwavakaita na mambo
nezuro . vanoungana vose pa dare
vachimirira kuuya kwamambo vainge
vanoshevedzwa na Rugara . hapana

kutora nhambo yakakura mambo
vanosvika vakadungamidzana ne
Jinda ravo Rugara. Vanobva
vatogara pachituro chavo icho
chainge chasano swededzwa pajinga
pemoto . machinda anobva atomutsa
mambo nguva iyoyo maoko achirira
kunge tyava.

"Maita zvakanaka kukasika kumuka
sezvo zuva ranhasi ndiro ratiri
kufanirwa kugadzirira

zvichashandiswa mangwana zvese
zvive panzvimbo yakafanira".

Vakambomira kutaura mushure
mokunge danda ranga ririmumoto
rapikinyuka zvinzvari zvikatwitiitika
zvichipisa vanhu kusanganisirawo
naivo mambo . Vakazosimudzira
vaona kuti zvateramira .

" Ndovimba kuti basa ramayiita

nezuro hamusati mapedza saka
vamwe mochienda ikoko . asi pano
ndinoda vakomana Vaviri chete
vakagwinya.

Kune kwandinoda kuvatuma".

Jangara semunhu ayiziva rwendo
rwacho akabva atonongedza
vakomana vaviri Chorwira na Dzikite .
vamwe ndokuchisimuka vonanga

kunopedzisa kuvanga mapadza
pamwe nokuurura mupinyi .

"Yaa vakomana zvamasarira pano
ndinoda kukutumai kumavirira uko
kwamambo Mafuratidze nenhau
yangu yandakambo vaudza
maererano nezve Hambakubvu, Saka
mondonzwa dama ravo kuti vonoda
muripo wechii uye vachida
kuugashidzwa zvariini".

"Zvakanakai mambo wangu . tinoita sekudero".

" Yaa ndovimba kuti panobuda
mwedzi wemauro unenge
matodzoka kana kuti jongwe
rokutanga rinorira matodonha pano .
sezvo mangwana tine basa guru
kwazvo . Saka mofamba
semakayamwa kukaka mukaguta".

"Zviri munzeve mambo wegu".
Akapindura Chorwira.

" Chisimukai muchiyenda
achimangwanai ndovimba kuti zuva
parinenge rava kurereka munenge
matosvika".

Vakomana vaviri ava ,vakabva
vatosimuka vano nanga mumwe
nomumwe kugota kwake kunotora
zvombo . ndokuchipinda munzira
vakananga kumavitira kunova
kwaiva nomuzinda wa mambo
Mafuratidze . Vanoti vachangoti
taramukeyi chinhambwe Kubva
pamuzinda Dzikite akabva amira
kunge awona chinotyisa sezvo ndiye
anga ari mberi.

"Ko wamirireiko Dzikite ". Akadero
Chorwira .

" Handioni rwendo rwedu
rwuchifadza kufamba , hona
takangamwa chokufamba tichiisa
mudumbu ".

" Haa Saka ndizvo zvaunomira kunge
waona shumba here, uye
Chokufamba tichidya chingava
nebasa reyi , hauna kunzwa
matauriro anga achiita mambo here ,
kunenge kusiri kure kwatiri kuinda
uku, Seiko une ruzhara zhara serwe
mukadzi". Akadero Chorwira .

"Chorwira yeuka kuti muromo
hauzarirwi nerwizi nokuti
unongotaura chero chawada . Asi iwe

wabva watsiga dumbu rako kani".

"Kwete !, Hazvichanetsi Dzikite tayita rombo rakanaka kuti divi ratiri ndiro rine munda wamambo ngatichiyenda ikoko tinotsvaka ma gaka nepwa tofamba tichivarairwa zvedu".

Ranga riri zano ra Chorwira iri .
mumwe wake akabva angogutsirira musoro kuratidza kufarira zvataurwa nemumwe naChorwira.

Vakabva vatonanga ikoko , pasina
nguva vainge vatosvika zvavo .
ndokupinda mumunda vachiita
kukwakuka . mumwe nomumwe
akabva avhuna svinga rake repwa ne
magaka anga akawanda . mavisi
vakangodya mashanu mashanu
vakazotobuda matumbu avo ati
tashu , ndokuchipinda
munzira .vakachitanga kukanda
nhanho zvokuti waitoda kukasira
kusvika vanogura mitunhu yakati
wandeyi asi.....

=====

=====

Mazuva aya Jena guru rainonoka
kubuda , asi hazvina kutadzisa vana
Muchadura kufamba rwendo rwavo
rwekudzoka kumuzinda . Kunyangwe
zvako kwaiva nerima rinenge usiku
hutatu . vaifamba vachiparwa
neMitataunga uye neimwe miti
inoboya . Tumbare ndiye ayiva
akadzvara imwe Mhara panguva iyi
ne mumwe ayinzi Muchodo .
Vakomana ava vairemerwa zvikuru .
asi kuti vati bufu zvaisaita nokuti
vaitya Muchadura uyo ayinge akango
nyarara Kubva pa vaininge vatakura
Mhara idzi.....

Vamwe ndivo vainge vochifamba
zvishoma zvishoma nokuda
kwekuneta pamwe chete nenzara
sezvo vainge vasina chokuyisa
mumukamwa . nokuti muchero
havana kumbobvira vasongana nayo
kuchakachena . Nduva iyi Muchadura
akabva achitanga kukanda nhanho .
vanopfuura nepanechimwe chiruware
panova pakapuwirwawo vamwe
Mhara kuti vatakurevo

.Ndokuchiteremuka mudzaswa
wechiruware ichi kusvika vachipedza .
ndokuchipinda musango rainge
rakapfumvutira miti . nguva iyi
Muchadura akabva amira
ndokuvhomora museve wake mu Dati
raive kumusana kwake munova
munochengeterwa museve .
ndokubva awupfekera pawuta hwake ,
achipedza izvi akabva achifamba
sezvo ndiye ayiva mberi . Nhambo
idzi ndidzo dzakabudawo Jena guru
asi rayisanyaya kuvheneka sezvo
mudenga maiva nemakore . ayipota
achivharira.....

Vanoti vava pakati pesango iri
Muchadura anobva ayerekana anzi
Go-o nechinhwa chaasina kuona kuti
chii . akarumwa nechepa chitsitsinho
ndiye

"Yowe yowe" achibva agara pasi
kwakubata gumbo rake
rokurubashwe mhere achiipangura

Vamwe vake vachiona izvi pamwe
nokunzwa mhere iyi vakabva vati
chitsoka ndibereke vakananga
kunokwira mumiti . Kunyangwe
nevaiva vakatakura mhara
vakadzijatira pasi sezvo hapana ayida
kufa panguva iyi . Vaimanya vachiita
kucheuka cheuka sezvo vaisaziva
kuti chii chadonhedza Muchadura
pasi . pasina nguva vainge
asingachaoneki zvaireva kuti vainge
vatomanyira mumiti

Pakaita chimwe chikomana chimwe
chete Chainzi Pomerai . chakaona
kuti tose zvatava kutiza tisina kuona
chadonhedza mumwe wedu hazviiti .
Chakabva chadzoka painge pavata
Muchadura. .Pomera

i anga ashinga zvake kuti zvirinane
kuti ndife nemumwe wangu . Anoti
achisvika anoona chinhu chaitopenya
Chichi pinda (mumusingwi)

mumwena waiva parutivi RWA

Muchadura . akabva aziva kuti iNyoka
iyi chete . Anobva adambura tambo
yainge yakasunga nhembe yake
ndokusimudza Muchadura paayinge
ari . kwakuno muradzika nechekure .
anobva asunga gumbo raayinge
arumwa racho . iyewo Muchadura
ayinge angoti rabada.....

COMMENTS

KUPERA* *KWECHITSAUKO 5

[4/10, 17:36] +263 71 416 0957:

<https://chat.whatsapp.com/L5QDFQSS1W6KU6jKXwRJGL>

PFUMO RAMUCHADURA

Written By Phibion Mandongwe

Call or app...

0714160957

&

Addited by Patie

+27836691280

KURAPWA KWA MUCHADURA

CHITSAUKO 6

Muchadura ayinge ongoshanyarika
sembongoro iri kuumburuka
mumadota Pomerai anoedza kuda
kutura naye asi muchadura haana
kudavira kwaingova kugomera chete
.Anobva agara pasi nguva iyoyo

ndokutora musoro wamuchadura
ndokuutsveta pamakumbo pake
misodzi yakewo yakatanga kuti
mokoto ichiyerera nematama ake
akayeva Muchadura vanoita chinguva
vakagara ipapo uye paiva pasi
pemuti Pomerai anovhunduka
mushure mokunge atemwa musoro
wake nechinhua chaasina kuona kuti
chiii icho chakasvikowira
pamakumbo ake akabva achinhonga
achida kuona kuti chingava chiii
ndokuona chiri chinhua chidoko asi
chairatidza kuti muchero akabva
achiisa pamhuno pake anzwe kuti
ungava muchero rudzii sezvo

zvaisaonekwa nekuda kwerima
raiveko sezvo mwedzi waipota
uchibatwa nemakore

Pakangotsveta pamhino akanzwa
kunhuwira kwacho ndokunzwa iri
tsvubvu ndokutoziva kuti inga
zvandiri muzasi memutsvubvu nhai
moyo wake wakabva wanyevenuka
sezvo pane zano raanga atofunga
panguva iyi anoyikandira mumuromo

make ndokutanga kutsenga
achipukuta misodzi yake yaiva
pamatama anobva atsveta
muchadura pasi anobva atosimuka
nguva iyoyo anosimudza musoro
wake akatarisa mudenga ndokuona
zvechokwadi mutsvubvu anobva
asvasvavira davi raakaona senge
rakaona sezvo rainge risina mashizha
harina kunetsa kuvhunika sezvo
rainge rakatooma zvaro anobva
atonongerredza zvitsotso zvainge
zvakati warara pasi pamwechete
nemauswa aakaona anobva
adzokera pana Muchadura
andokusviko tonona zvake anotanga

kuvhuna vhuna twutsotso twake
pamwe chete nehuswa huya anobva
atora chimuti chine mhandi chiya
chainge chiri chemutsvubu
ndokutsemura nepakati asi haana
kusvika kumapeto anobva atora
chimwe zvekare chemutsvubu
ndokuchipfekera paatsemura paya
zvaireva kuti chiya chakatsemurwa
chainge chamana chisina
kutsemurwa anobva azviisa muzasi
mehuswa huya pamwe chete
netwutsotso anobva atanga kusika
chitanda chaapfekera chechikwizana
nechakatsemurwa anoita nguva
yakati kuti achingosika panoti pava

paya anoona chiutsi chotanga
kupwiritika ndokuramba achingosika
moto wakabva wazoti ngandu papera
chinguva zvinova zvakamufadza
anobva asimuka ndokusimudza
Muchadura uyo ayi ratidza kuti ayinge
atobiwa nehope kare vanobva vagara
pajinga pemoto akaisa musoro
waMuchadura pamakumbo ake
sezvo nguva iyi rwumhepo rwainge
rwofefetera rwaiva nechando, uye
deva ranga rave kunzwikwa
pamapundo sezvo ayinge anyorova

.....

Hweva payanga yati kwirei uye
hutunga hwatotsvuka kumabvazuva
zvaireva kuti kwanga kwave kuda
kuyedza ndiyo nguva yakasvinura
Muchadura asi zvaiva
zvekuzvishingisa ndokuona avete
pamakumbo aPomerai vangori vaviri
badzi zvinova zvakaita kuti abvunze
mumwe wake

"Ko vamwe vainda kupi zvatingori

vaviri tega pano " vakabvunza
Muchadura achiita kutsenga rurimi
zvaireva kuti kwaive kuzvishingisa
kwemurume

" vamwe vatiza vaonawawira pasi
pamwe nokuridza mhere kwawaita
Havana kuda kuti vazive chaitika
pauri ,nokuti gwara harina mboje "
akadero Pomerai asi muchadura
hapana chaakazotaura kana
kupindura akabva atotanga
kugomera zvekare

Shiri padzanga dzochitanga
kushedzana dzimwe dzichimutsana
ndiyo nguva yakatanga kudzoka vaya
vainge vatiza vachiita rimwe rimwe
kusvika vakwana vanosvikogara pasi
vose zvakaita denderedzwa kunge
vanhu vari padare vakakomba
muchadura pamwe chete na Pomerai
hapana akakwanisa kubvuza kuti
chiichaitika meso yavo yakatarisa
gumbo raMuchadura iro rainge
rachizvimba

Pomerai hapana chaakakwanisa
kutura navo kuti chii chainge
chatora nzvimbo nguva iyi Pomerai
anobva atsveta muchadura pasi

ndokusimuka anobva atora zvombo
zvake ndokunanga kudivi
rekumavirira asina waataura naye
sezvo ayinge afunga kunotsvaga
mushonga wekurapa Muchadura
hapana waakadedza sezvo akaona
kuti mbeva zhinji hadzina marushe
mushonga wekurapa nyoka ayiuziva
anoti achangoti fambe chinhambwe
Kubva panevanwe vake anobva ayita
mahwekwe chinuti chinonzi
chimugomarara akabva acherwa
ndokutora mudzi yacho .

Kamuti aka katete kanobaya uye
kasingarebi kanetwushizha twakaita
setwemupangara kutetepa kwatwo.

Anoramba achifamba sezvo
mushonga yacho yayinge isati
yakwana kwaidiwa miti mitatu haana
kure kwaakasvika zvekare akabva
aona gwenzi remutarara anobvaatora
emuzasi .akanga achisarirwa nemuti
mumwe chete kuti ikwane mushonga
wacho anokwidza ne divi reku
maodzanyemba sezvo kuti uyu
wainge usingaonekwi ayifamba
achiringaringa mativi ose asi haana
kuwuona anoyerekana asvika
panerusosa anobva amira anotarisa
mukati merusosa rwuya anobva aona
kuti munda anoramba akatarisa
mumunda umu ndokuona kamwe

kamuti kainge kari pakati pemunda
anobva afananidzira chimuti chiya
nemuti wainge achitsvaga anoramba
akatarisa chimuti chiya achida
kunyatsoona kuti muti rudzii anobva
atsvaga pekupinda napo kuti
andonyatsoona zvakanaka anofamba
nhanho shanu ndokuona matombo
matatu ayinge ari mujinga neruzhowa
uru anobva amatora ndokukanda
paaida kupinda napo sezvo ruzhowa
urwu rwainge rwaka soswa
zvakaipisisa achipedza kukanda
natombo iwayo anobva atopinda
ndokunanga pa chimuti chiya achida
kunyatsoona kuti chimbori chimuti

rudzii anofamba kusvika asvika pa
chimuti chiya anobva aona kuti
zvechokwadi ndanga ndesingaresvi
kuona ndicho chiMuzuwazuwa
chandanga ndechitsvaga nhai akabva
atonona ndokutora makwande
achimuti chiya ndokumabatanidza
nemimwe midzi yaainge anayo

Achipedza izvi akabva asimuka
ndokutendeuka kuti adzoke
kunobuda nepaanga apinda napo

paya asi akangorova nhanho nhatu
chete ndokunzwa manzwi maviri ayiti
hiri hiri kudivi raabuda nako anobva
atendeuka ndiye chitsoka ndibereke
akananga kudivi rekumusoro kuti
anotsvaga kwekubuda nako anoti ari
mukumanya kudero anobva
agumburwa nezivisi zvinova
zvakamutsamwisa sezvo ayinge
adonha zvinorwadza haana kuita
nguva akavata akabva amuka nguva
iyoyo moyo wake wakarwadza kusiya
visi iri akabva aruma midzi iya
ndokubata visi nerwuoko rwumwe
rwumwe rwakabata uta nemuseve
yake anobva ayitarombo rakanaka

kuona chimuti chainge chiri
muruzhiwa asi chakarereka kuseri
anobva atopotsera museve yake
kuseri ndokutokwira mumuti uya
akabata visi rake anobva atosvetukira
seri ndokutora museve yake
ndokupinda nemuchikoronga
chaivepo asi chainge chisina mvura
anobva ayambuka ndokuchinanga
kudivi raiva nevamwe achangoti
fambei anobva asvika panechimwe
chiruware ndokugara pasi akaona
kuti asvike nevisi iri kunevamwe
ringandoita pamuromo akabva
atoriputsa ndokuona rakatsvuka .
anodya demhe rimwe chete achisiya

muto . awona kuti aguta akabva
atora rimwe demhe ndokuvhura visi
riya achisvinira muto munerimwe
demhe . sezvo muto wacho ndiwo
waanga achida . akabva achitora
midzi iya ndokuyi tswanya tswanya
achipedza ndokuyikandira mumuti
muya . shasha yakabva vachisumuka
ndiye tande kune vamwe vake .
akasvikowana vamwe vake vari
kumadya husvi hwemu tsubvu .
akabva atonanga pakange pana
Muchadura ndokumumutsa iyewo
haana kunonoka kumuka .akabva
amumwisa muto uya wakazangana
nemushonga. Muchadura akabva

amwa asi ayisunga chiso zvaireva
kuti waivava, asi hapana chaakasiya .

Nenguva isipi gumbo rake yakatanga
kuserera sezvo mushonga uyu
unesimba rakanyanya zvokuti hauyiti
muswere wese wezuva unenge
watopora . zuva parainge rochirova
nhongonya Muchadura akabva

asimuka paayinge ari ndokuto famba
zvinova zvakafadza Pomerai .

"Ndidanire vakomana avo vauye pano
nokukasira " .

Akadero Muchadura chiso chakaita
kuunyaniswa seche Nyati , achibvira
Pomerai . Iyewo akabva atoshevedza
Vamwe vakenguva iyoyo .
ndokudzoka vachigara pasi .

" Tumbare ndiwe munhu mukuru
pano asi handioni hukuru hwako
nokuti uridera . munechokwadi
kundisiya ndichitambudzika
chokwadi , inga wani zvinonzi kutsva
kwedzebvu tinodzimirana . Handina
kufara nezvamakaita manheru . kufa
kwemurume hubuda ura , munga
kurirwa ne rusvava urwu here ? ,
ikozvino handichafambi nemi nekuti
muri kuradzidza kuti muri vakadzi .
Chisimukayi tiyende kumuzinda
izvozvi Mhara dzisati dzashata Idzo .
asi zvaitika kuno ngazvipererere kuno " .

Akadero Muchadura achitaura
neshungu . Vakomana vakasimuka
sengozha dziri Kubva pa hundi.
Ndokuchitakura mhara dziya
ndokuchinanga kumuzinda asi
Muchadura ayingo tsvadika
zvakaoma kuderu . Havana kutora
nguva vainge vatosvika pamuzvinda .
asi Vakomana ava pamwe na
Muchadura vanokahadzika mushure
mokunzwa inzwi raichema
riripamusoro vanomira kuti vanyatso
kunzwa sezvo vainge vasati vasvika
pachivanze , ndokunzwa ririra.....

=====

=====

Dzikite na Chorwira vaifamba
sevanhu varikuinda ku hondo hapana
ayitaura nomumwe sezvo miromo

ndiyo yayitaura nemagaka pamwe
nepwa dzavaiva nadzo . nzira
dzavaifamba dzaisaratidza kuti
dzinofamba vanhu bodo , asi dzaiva
dzemakudo pamwe chete ne
mapere . asi vaisazvitya izvo nokuti
vanga vakatokwana pazvombo .

"Chorwira hana zuva zvarava
kutorova nhongonya tisati
tambonzwa kurira kwemachongwe
kana kukuma kwana Manzuma
dzoda vana vadzo. Ukati hatina

kurasika here".

Akabvunza Dzikite .

"Kuti nditi tarasika ndinganyepa uye
kuti nditi hatina ndinganyepa zvakare ,
sezvo kuno handina kumbokuuya".

Akapindura Chorwira

"Handiti ndiwe wainge wakateerera
mambo vachitaura here ". Akabvunza

zvakare Dzitike .

" Tose tanga takateerera wani
vachitaura,".

"Ehe asi ini pane zvandanga
ndichifunga zvangu".

" wanga uchifungeyi rusvava
rwakadero uchitadza kuteerera
mashoko amambo ".

" ndanga ndichifunga chisikana
changu wena . chakanditora moyo ".

" Usandinakidza iwe !
Ngatimbonokwira muchikoma icho
chiri mberi kwedu ,pamwe
tingangoona kwatiri kuyenda ".

Akadero Chorwira.

Ndokuchitofamba vakananga
kuchikomo chiya . Havana kutora
nguva vainge vatosvika pa chiri
.ndokukwira panhanza pachosho ,
ndokutanga kuringa mativi ose .

" Dzikite tarisa pachikomo icho
uwone,,,,,,,,,

COMMENTs

KUPERA KWECHITSAUKO 6

[4/10, 17:36] +263 71 416 0957:

PFUMO RAMUCHADURA

Written By Phibion Mandongwe

Call or app...

0714160957

&

Addited by Patie

+27836691280

KUFA KWAMAI MUCHADURA

CHITSAUKO 7

Kubuda kwakaita Rugara mumba ma baba Muchadura . Baba Muchadura vanosara vagere ne mwana wavo sikana Tariro Vachimirira kudya kwemanheru . Asi waingoona kuti murume uyu pfungwa dzake dzaisava pa nzimbo iyi . Tariro

anopedza kubika sadza ,
ndokupakurira baba vake pamwe
chete na mai vake avo vainge varere
akaona kuti handingavamutsi ayida
kumbo vasiya vambiti vate ozoti
vamuka ivapa Saka ravo akabva
ariisa pa jinga nemapfihwa kuti
risapora .

"Baba idyai sadza richapisa"

Akadero tariro achitambidza baba
sadza ravo .

"Tsveta zvako pajinga pemoto

pawaisa ramai vako ,ndichazodya
zvangu pamwe navo vamuka " .

Tariro akabva ayita zvainge
zvareketwa na baba vake.iyewo
akabva achifunya chibondokoto
ndokuchidya rake . achipedza kudya
akabva asuka zvindiro zvake nokuti
ayisadza kufuma achuita basa .

Mumuzinda mainge machinzi ziro
zvino , ndiyo nhambo yakazowoneka
Tariro avakuchiyenda kunhanga
kwake kunotsveta nhivi pasi ,
achisiya baba vake vagere zvovo asi

mai vainge vachakangovata sezvoo
musi uyu ndimo mavakarara nokuti
Mai Muchadura vaiti vari kupindwa
nechando. asi pavaviri ava hapana
akazomukira chikafu kusvika
kuyedze,

Baba Muchadura vanomuka
rungwanani kukuhwidza moto ,
ndoku gadza chikari kwakudira
mvura yavaida kumwisa mukadzi
wavo vachifunga kuti zvingaita nani
sezvo vakarara vachi kosora husiku
uhu. payakavira vakabva vayedza
kumutsa mudzimai wako kuti
vachimupa mvura iya asi havana

kukwanisa kugara voga zvinova
zvaka netsa baba Muchadura kuti chii
chiri kuzama kuyitika zuva ranhasi asi
nhinduro vakaishaya . Vanonzwa
kushevedzwa kwemajinda na
Jangara ayo ayinzi awungane pa dare
. asi ivo vakaona zvisingaiti kuti
vasiye mukadzi wavo oga bodo

Tariro paakapekuka munhanga make
iyo yainge iri pajinga nedare ,
anonzwa manzwi evanhu vaviri

vachitaura pa dare , asi viita kunge
vari kuzevezerana akabva ada
kunzwa kuti vangaiita vavani uye
vachitaura nezveyi. Ndokusimuka
paanga avete ndokuyendza kunoti
kwati kwati nechidziro chenhanga
yake kwakadziva kudare kuti
zvinyatse kumwirira munzeve dzake
zvaitaurwa izvi . anonzwa mashoko
akamurovesa nehana amirepo ayiti
"Nhayi Jangara kuti ndingava
ndaresva kuona here ? , Baba
Muchadura vanga varipowo here
panga pakaungana vamwe".
Vakadero mambo vachibvunza jinda
ravo.

"Kwete mambo handina kubvira
ndaona chiso chavo pano".

" Zvichireva kuti havana kubvira
vanzwa shoko here rokuti munhu
wese arikudiwa pano padare ".

" Kuzvinzwa vazvinzwa asi zivai kuti
panyamba hapashaikwe nhire".
Akadero Jangara.

"Handidi kupindwa munhembe
nerusvava rwakadayi mhani ini
ndagumbuka zvino ndakazviona kare
kuti anozvitutumadza hino nhasi
ayigochera pachiutsi simuka
unoshevedza machinja mana
akagwinya muuye pano iyezvi , nhasi
ndoda kumubaya panyama nhete".
Vanotaura mambo vachiita
kukakama neshungu dzainge
dzatibuka .

Tariro anonzwa kusimuka
kwaJangara uyo ayifamba achiita
mutsindo nemujinga menhanga yake .
haana kuda kukasira kumedza
kutsenga achada , akamirira kudzoka
kwaJangara anzwe zvaida kutaurwa
zvakare . hapana kuyita nguva
anonzwa kufamba kweshoka dzati
wandeyi , akabva aziva kuti Jangara
adzoka .

" Yaa machinda angu pane munhu
ava kuzvitonga muno uye
handichazivi kuti arikumbozviita ani
chaiye ,". Vakadero mambo
vachiratidza kushatirwa.

"Ndiyaniko asimudza gonye rengu
kudero mambo wangu ".

Akabvunza mumwe murume ayinge
ari shure kwevamwe .

" Handiti hamuna kuona chiso
chababa muchadura pano".

"Hongu mambo".

" Yaa ndiye munhu avakuda kundishatira pamuzinda pano , Saka zvandava kuda mhanyayi munovatora pamwe nomudzimai wavo zvimwe ndiye ari (kufurira) kunengera murume , nhasi mumwe wavo anosiya nyemba ". Vakabva vatoisa muromo munhino .

Tariro achinzwa izvi anobuda munhanga make ari barawamhanywa zvititsitsini zvichirova gotsi mabvi

achirova dumbu akananga kuyimba
yamai vake yokubikira anowana
gonhi rakaita kutsedeurwa ndokubva
arirova richibva rati barengende
zvinova zvakavhundutsa baba vake
avo vaitomwisa mukadzi wavo zvinhu
zvaiva mumukimbe wedeteni .
anosviko ngopira nyaya yake achiita
kufemedzereka sembongoro iri
pajoko.

" Baba na mai penyu papera izvozvi
mambo vatuma varu,,,,,,,,,,,,,". Hana
kupedzisa zvaayida kutaura mushure

mokunge varume vana vaya
vatopidza vachiita ruzha semachesa .

"Unotogara zvako muno muchidya
nyaya nerwumukadzirwako rwuvete
ipapa muchitadza kuuya
kwamadayidzwa namambo nhino
nhasi wairasa " .

Vakadero varume vana vaya , vamwe
vaviri ndokubata baba Muchadura ,
vamwe vaviri ndokubata Mai
Muchadura kwakuyita vekukwekwe

redza vakananga kudare kwaiva
namambo , ndokusviko kandirwa
pamberi pechiso chamambo avo
vainge vachitsvukisa meso sechiropa
.

"Nhire dzenyu tauya nadzo mambo ".
Akadero murume Uya
wekumbopindura pakutanga .

"Maita zvakanaka Nhasi vachataura
chakatadzisa imbwa kuseka iyo
kunyenama ichigona , zvino
chikokorodzayi vanhu vose vauye

vazozvionera pamhino sefodya kuti
handiitirwi zvinyangadzo mberi
kwangu".

Vakabva vanyarara zvavo

Pito yakabva yaridzwa vanhu vose
vanomhanyidzana kuuya pa dare
kusanganisira na Tariro anouyawo
pane vamwe

"Garayi pasi mose munyarare kuti
mwiro hatidi kunzwa anoti bufu
chenyu kuona badzi".akadero
Jangara .

Vanhu vose vakabva vanyarara
semvura yemuguvi , ndokuchiteya
nzeve kuti vachinzwa zvavadaidzirwa .

Jangara anonanga painge pagere
mambo , anosviko tsveta nzveve
dzake pamuromo wamambo ,
Mambo vanotanga kuzevezera
Jangara kwechinguva zvaisanzikwa
nevamwe vose. Achipedza kuudzwa
mashoko , akabva adzoka pamberi
pechita chanhu .

" Heano mashoko ataurwa namambi ,
Ndovimba kuti mose murikuona
nhubu mbiri dziri apa idzi murume
no mukadzi uyu avete apa , ari
kutonyepedzera kuzviita ndonda isu
tichida kuti agare , asa Mambo vati
mukadza uyu ndiye watichapfuudza
kungwara kwake kwese tiri
kukutsvaira. Saka iwe mujaya
simuka utore bvumo rangu
rakasendamudzwa patsapi iro uwuye
naro pano nokukasira".

Akadero Jangara achireva chimwe

chikomana chainge chakadzvutura
meso chakamutarira , hemo kuti
chaifungei. Icho nokutya chakabva
dzati sumu tande chakananga
kutsapi kuya , hachina kupedza nguva
yevakuru chainge chadzoka
ndokutambidza Jangara bvumo riya .
iyewo akabva aripfuudza kuna
mambo . sezvo ndivo vaida kubaya
vomene , Mambo vakabva
vachitosimuka nguva iyoyo sezvo
vainge vatononokerwa nekuti
pahuma pavo painge poonekwa
kutamba tamba senhova yekacheche.
Zvekuchabvunza painge pasisina
vakabva vatofamba nhambwe nhatu

badza vakananga painge parere mai
muchadura ndokusviko simudza
bvumo ravo mudenga vakaruma
muromo wepazasi . vanobva
varidzisa semunhu arikutswa
mashazhari , richibva rati svata
pamusana pa mai Muchadura
richinobudikidza nekuchifuva richibva
rapinda muvhu ndokuri zeyesa
kamwe , mai Muchadura vachibva
vatosiya nyemba nguva iyoyo .Tariro
achiona izvi akabva ayikwetsura
nhere yakavharisa muzinda wese
pamwe chete nemakomo
akapoterredza , ukuwo baba
Muchadura misodzi yainge yangova

rukova ichitenuka nematama avo .
Mambo vakabva vatotendeuka
ndokudzokera pachigaro chavo
vachisiya bvumo riya rakati svata.

"Yaa ndiwo mutongo unopiwa nyasire
dzisinga teereri uyu , Saka
chisimudza chitunha ichi
munochipisira kujinga kwe chikomo
icho kwakadziva kuma bvazuva".

Akadero mambo nokuti pavo vainge
vasakura pamwe nokuzunza .
Machinda akabva ayita kunzwa
nokuyita ndokusimudza chitunha ichi

ndokunanga nacho kuya kwarehwa .
ndiyowo nhambo yaka onekwa
vakomana vaya vakanga vaima
kunovhima vachibva ne divi
rekumavirura vakatakura mhara
vakananga kumuzinda

COMMENTS

KUPERA KWECHITSAUKO 7

[4/10, 17:37] +263 71 416 0957:

PFUMO RAMUCHADURA

Written By Phibion Mandongwe

Call or app...

0714160957

&

*Edited by,,,,,,Thandie Shalom
Ncube*

+27643995530

*KUBATWA KWA CHORWIRA NA
DZIKITE*

CHITSAUKO 08

"Uri kumbonongedza papi pacho iwe". Akadero Dzikite .

"Asi hauchina meso kani , tarisa nechepamhanza pechikomo icho uwone kupwiritika kwechiutsi". Akadero Chorwira kune mumwe wake uyo ayingo svisvina muto weipwa .

"Hoo apo ndachiona, ndinoona sokuti ndiko kwatiri kuyenda ini".

"Yaa ngatichidzika zvedu gomo rino tinange ikoko sezvo nguva ndiyo yatisina". Akadero Chorwira .

Vakomana vanoteremuka zvavo vonanga pasi pegomo, waingonzwa zvitombo kukunguruka mushure mokukaviwa .Pasina nguva vainge vatove muzasi macho .
ndokuchitanga kufamba zvavo vonanga kwavainge vaona chiutsi chiya .Vanobva vasvika painge panerwizi asi vakaita rombo

rakanaka kuwana musina mvura
zvamo, ndokuyambuka zvavo. Nguva
iyi zuva rainge rorova nhongonya
kureva kuti nhambo dzaiinge
dzatekaira, sezvo vakomana ava
vaifairwa kudzoka zuva iroro

Vakomana ava vairatidza kufara
zvikuru , ndokupota chimwe chikomo
chaiva chokupedzisira kuti vasvike
kwavange vaona chiutsi. Vakabva

vapinda nemuma ziuswa ayiva svikira
muzviuno vose , kwainge kwangova
kusvetuka-svetuka sezvo vaitya
nyoka. Vanoti vava kubuda
mumauswa aya , ndokubva vati
dhuma dhuma nemunda wainge
wakazara ipwa pamwe nemavisi.
Dzikite akabva atomira nguva iyoyo
chiso chake chichi ratidza kufara .

*"Hatinga dariki tisina kumbodya
mavisi aya sezvo kwatiri kuyenda
hatisi kukuziva kuti tasara
nemufambo wakareba zvakadii".*

"Aaa hazviiti kuti tipinde mumunda matisingazivi tofanirwa kufambira chimwe Dzikite".

"Usangotyawo iwe ndozvandisingadi izvozvo kufamba nemukadzi".

"Wambopedza dzaunadzo ipwa here idzo?, Takarasima kuda zvimwe unoti ndikok,,,,,,,,,"

*"Ndimi vanani imi uye zvamakabata

mazviwana kupi? Maoko mudenga
izvozvi nokukasira kusatipedzera
nguva!"*

Raiva inzwi raibva munechimwe
chitondo chaiva kurudyi kwavo ,
zvinova zvakavhundutsa Charwira
akatadza kupedzisa zvaanga achida
kutura . Kwakava kugeda geda
kwemeno Dzikite achiti kwati-kwati
na Chorwira uyo anga ava kutadza
kucheuka shure kwake .

*"Ndati simudzai maoko mudenga
uye isayi zvamakabata pasi!!".*

Rakadzokorora zvakare inzwi riya
zvinova zvakaita kuti vakomana vaviri
ava vayite zvavainge vaudzwa.Nguva
iyoyo mumauswa makabva mabuda
marume ano ayinge akapakata
miseve, zviso zvavo zvainge
zvichipenya kunge kwakazorwa
dzukurwa .Vakasviko bata vakomana
avo ndokuvasunga nemakavi .

*"Ndimi vanani uye mabvepi ,

muchiyenda kupi? Uye tayishaiwa
kuti ndivanani vanoba mavisi kuno
izvo ndimi.Hino nhasi manyangira
yaona , gava radambura musungo,
muchataura zvakanaka!!"* Rakadero
rimwe zirume rairatidza kuti ndiye
mukuru apa.

*"Tabva kwa Gotori asi hatina
kumbodya mavisi enyu isu".*
Akapindura Dzikite achiita kudendera

*"Zvamuri kutaura izvo ndezve
mugotsi matsuro izvo , muchanyatso

kuona kuti chioko chakaipa ,
vasimudzei tiinde navo kuna mambo ,
nhasi muchandomuona
Mafuratidze".*

Rakadero rume riya zvakare chiso
chakaita kupetaniswa uye shaya
dzichihuta huta senhova yerusvava.

Mamwe ma chinda akabva
atosimudza Dzikite na Chorwira ndiye
nhutu navo ne divi rekumabvazuva
kwakadziva kuchikomo chiya
chavakaona chiutsi .Vanoti
vachangoti pote chikomo chiya

ndokunzwa ruzha raivako uye
zvingoma zvemichonyoyo
zvichinzikwa kudandaurwa . Havana
kutora nguva vakabva vatoti pfacha
pamuzinda, ndokunanga kwaiva
kwakarongwa mazitombo asi museri
macho mainzikwa kutaurwa.Vakabva
vapota seri kuya ndokuona
kwakagarwa nevarume vaisvika
vapfumbamwe asi mumwe wavo
ndiye ayinge akapfeka zvakasiyana
nevamwe uye chigaro chake chainge
chakashongedzwa uye chichihwinya
semeso echidharimbo chiri murima .

Chorwira na Dzikite vakabva vaita

zvekukandirwa pasi uye kuri kumberi
kwe varume vapfumbamwe vaya.

*"Garai makataridza zviso zvenyu
kuno",* rakadero Rume riya zvakare .
Richipedza kutaura rakabva rananga
painge pane murume uya ayiva
akapfeka zvakasiyana nevamwe,
ndokusviko chonjomara rakatarisa
murume uya .

*"Mambo wangu tati tichibva
kunotarisa misungu yedu kujinga kwe

munda wenyu uko, tabva tawona
varume vaviri ava vatauya navo
vachiita kuchakacha ipwa ne mavisi ,
zvinoreva kuti ndivo vaidya , uye
hatina kuziva kuti vabvepi,"* rakadero
rume riya richirondedzera murume
uya wekupfeka zvakasiyana
nevamwe , zvaireva kuti ndivo
Mambo vacho.

Asi Mambo Mafuratidze havana
chavakataura kunze kwekusunga
chiso chavo badzi, vakatarisa vana
Chorwira avo vaininge voita sendonda.

*"Handina mazhinji andinga

bwereketa navo , asi zvavapano
vanofanirwa kurohwa senyoka
yapinda mumba , iwe
Madzambagate se Jinda rangu guru
wonayi zvokuita navo "* Mambo
vakabva vatonyarara ndokuzembera
chigaro chavo.

Madzambagate akabva atosimuka
nguva iyoyo ndokudoma
Mupwanyiswa na Zingwanda kuti
vatsivamise Dzikite na Chorwira ,
vakabva vatovatsivamisa .

Iwe Munhikwi, Topiresu na Chokera
Tambai nevanhu ava". Akadero
Madzambagate akasunga chisununu
achizunza maoko uye miromo
ichitamba tamba .

Vakomana vainge varehwa vakabva
vasimuka mumwe nomumwe
akabva atatora shamhu yake
ndokutofamba vakananga kwainge
kwatsivamiswa vana Chorwira .

*"Vabviseyi zvitehwe zviri kumisana
kwavo izvo, murove panyama

chaipo".*

Akadero Madzambagate . Zingwanda na Mupwanywiwa vakaita zvavainge vaudzwa, ndokukandira kwakadero zvitehwe zviya. Vainge vanzi varove vaya vakabva vatosimudza shamhu dzavo mudenga kuti vachitamba nana Chorwira. Nguva iyoyo Mambo vakabva vakanda ziso ravo pamisana ya Dzikite na Chorwira . Vakabva vaona mufananidza wakava katyamadza .

*"Heyi chiregayi zvamuri kuda kuita

izvozvo , isai shamhu pasi".*

Vakadero Mambo vachiita

zvekukwamatata sezvo shamhu

dzaininge dzatova mudenga.

=====

=====

Kumira kwakaita vana Muchadura
vachida kuteerera kuti ringava inzwi
rani , vakabva vanzwa riri inzwi ra
Tariro raichema, nguva iyoyo
Muchadura akabva aziva kuti
kumberi hakuna kumira zvakanaka .
Nguva iyi Tumbare akabva atakura
mhara, vakabva vafamba
chinhambwe kubva pavanga vamire
apa . Vanoti vava mujinga
memuzinda panova pavainge vava
kukwanisa kuona zvaiitika kumuzinda

. Vakabva vaona besanwa revanhu
raiitika mumuzinda mavo uye
vakaona dungwe revarwi vairatidza
kuti pane chavakabatirana vakananga
nedivi rekumabvazuva kune chimwe
chikomo chaivako.

*"Varume ngatimireyi pano tione
zvirikutira nzvimbo mumuzinda umu
tingangoderero tichinowira
mumukamwa mamupere"*

Akadero Pomerai achiratidza
kupererwavo nezvaiitika mumuzinda .

*"Varume chatinomirira pano
handichioni ini , handeyi hamuoni kuti
ndiri kuremerwa nemhara , handeyi
tinozvionera pamhino sefodya"*
akadero Tumbate ndokutotanga
kufamba vachitopinda mumuzinda .

Comments

*KUPERA KWECHITSAUKO 0 8 *

*NDOKUDAYI MOSE TEAM RANGU,
ZVINHU HAZVISATI ZVAMIRA
ZVAKANAKA BT ZVICHEMO
ZVENYU NDIRI KUZVIZIVA PHONE
NDOIRI KUNETSA KU TYPER CHETE
SAKA MAKWIKWI . MUVE NEZUVA
RAKANAKA*

[4/10, 17:38] +263 71 416 0957:
[https://chat.whatsapp.com/CM1926
nFffwD6WAhrb9Rit](https://chat.whatsapp.com/CM1926nFffwD6WAhrb9Rit)

*PFUMO RAMUCHADURA*

_*Wrettin by PHIBION
MANDONGWE*_

*Call or app*

0714160957

&

Edited by Patie

+27 61 925 1492

_*VANA MUCHADURA VANOSVIKA
PAMUZINDA*_

CHITSAUKO 9

Vana Muchadura pavakaonekwa
vachipinda mumuzinda nekusiwo
rekumavirira . Jangara akabva
ananga pana mambo sezvo
panezero raanga afunga nguva iyi .
Anosviko pavari ndokuti

"Mambo wangu ndaona kuti
vakomana vava vamakatuma
kumovhima vava kudzoka , Saka

zvanga zvakadii kuti Tariro timuise
muchizarira Muchadura asati asvika ,
nokuti tikasadero hurongwa hwedu
hwese hunopinda musango kana
akazviona".

"Mazano marairanwa
ndozvandokudira izvozvo Jangara
kuva munhu akachangamuka . Saka
chinono chinengwe bere rakazodya
richifamba, itoita kuti vamwe varume
vamubate . Handiti baba Muchadura
vangobuda vachidzika nezasi
kwebani uko here ?, Saka chimbidzai

"
.

Vakadero mambo .

Jangara akabva atodoma vamwe
varume vaviri vanga vari padare apa
kuno bata Tariro uyo ayinzwikwa
kuungudza ari munhanga make .

Varwi vaviri vaya vakangosviko
mubata ndokumusunga makumbo
pamwe nokupfekera mashizha
mumuromo make .vachipedza izvi
Ndokunanga naye kuchizarira zvisina
ani nani akazviona . Vakasviko
muvharira ndokudzoka zvavo padare .

"Yaa hapana munhu anofanirwa kuti
bufu nyaya iyi sezvo imi muri pano
ndimi mazviona angoti bufu chete
woziva kuti wotoshanyira vari nyika
dzimu".

Akadero Jangara achito zeyesa
zeyesa tsvimbo raiva muruoko make
iyo yainge ine musoro wakakura
sekahadyana .

Machinda anga agere padare apa ,
akango gutsirira misoro yavo

kuratidza kutenderana nemashoko
aya.

Nguva iyoyo ndiyo yakanzwikwa
kufamba kwevanhu vachipinda
mumuzinda . Ndokuona vari vana
Muchadura.

Tumbare na Pomerai vayiita
kutsitsivara ne Mhara dzainge
dzakati rezu-rezu pamapendekete
avo . Vaifamba vachiita zvokukweva
makumbo , zvairatidza kuti Vakaneta
pamwe chete nenzara sezvo miromo

yavo yaiwonekwa kucheneruka .

"Heyi simukayi muchingure
vakomana avo hamuna meso here ,
seyi muchiramba makagara".

Raiva inzwi ra Jangara apo
ayipopotera varwi vainge vagere
padare apa . Vamwe varwi vaviri
vakabva vatosimuka vachimhanya
ndokunochingura majaya maviri

ayinge akaremerwa . Ndokuchinanga
padare . Vainge vachingura vaya
vanobva vandotura mhara dziya
mberi kwamambo , idzo dzainge
dzakakura sezvi Jon'osi
zvichangotanga kumera nyanga .
Mambo vakabva vanyemwerera
vachiona izvi kuri kufara . Zvinova
zvakafadza Vavhimi.

Vana Tambare vakabva vatogara pasi
vachiita zvokuzvijata seN'ono riri
kuwa mumuti .

"Mangwanani mambo".

Akadero Tambare nevamwe vake
vose , vachimutsa mambo .

"Ndamuka zvakanaka , yaa ndokuita
nemazvo kwamaita uku . Tisingadi
kupedza mhambo yedu Jangara
wona kuti ndivanani vachavhiya
Mhara idzi , zvoitwa nokukasira, ava
vakomana vanofanirwa kuzorora uye
kuti vawane chokuisa mumukamwa
vawane mate matsva",

"Zviri kunzwikwa mambo wangu"
Jangara akabva ayita kunzwa nokuita
ndokudoma machinda mana badzi
pane vanga varipo padare apa .
Vakabva vatakura mhara dziya
ndokubva vananga panerimwe
dombo panova ndipo payivhiirwa
mhara dziye .

Kubva zvaka gara Muchadura pasi
apa , panova padare po hana yake

yainge isinga gadzikani uye
isingamiri kurova kwayo . Zvinova
zvaimuratidza kuti pamuzinda pano
hapana kumira zvakanaka . Kuti
abvunze zvaiva mumoyo ne
mupfungwa uye zvaayiona zvaisaita .
Uye ayinge atononokerwa kubva
padare apa , pfungwa dzake dzainge
dzava kuna Mai vake vaakasiya
vachidzimbikana nomuviri uye na
baba vake. Pavakachizonzi chiindayi
kumana kwenyu munopiwa zvokudya
uye muchinotsveta zvombo zvenyu .
Muchadura akabva asimuka paanga
agere ndokukanda nhanho mbiri
chete akabva atsika mavhu ayinge

akanyorova , ndokubva asimudza
tsvoka yake kuti awone kuti chii
chaatsika . Akarohwa nehana kuona
tsoka yose yakaira kuzara ropa
zvinova zvaka shamisawo Pomerai
uyo ayinge ari shure kwake . Vamwe
vose vakaramba vakangomira
vakatarisa , asi chakavanetsa
ndechokuti Havana kuona pairatidza
kuti Muchadura akuvara , Saka ropa
iri harina kuonekwa kwa paraibuda .

"Heyi Ko chamamirira ipapo chii".

Akadero Jangara neinzwi rine ukasha sezvo ayiziva kuti iropa rechii rainge ratsikwa .

"Hamenno kuti iropa reiko ratsikwa na Muchadura ".

Akadero Pamerai .

"Saka ndizvo zvamunga mirira ipapo kunge maona chinotyisa, ropa hamurizivi here imi , tifambireyi apo .

Tichakudaidzai manje manje
mamboti zororei mozotakura
mapadza nevamwe .".

"Nhayi changamire wangu munoti
ndingasa vhunduka wo here
kungoyerekana ndatsika ropa seizvi ,
ndoda kutoziva kuti ndereyi".

Akadero Muchadura achiratidza
kusatya .

"Tikakuudza kana ukaziva wozodii,
handidi kupikiswa wanzwa izvozvi
ndinokupa zvokuita".

Muchadura haana kupikisa mushure
mokunge awona bvumo rainge riri
muruoko ma Jangara rainge
rakasvuka ropa . Akaona kuti kuda
kuzivisa kwangu ndingapinda muna
tayisireva . Anobva atotendeuka
ndokunanga kugota kwake
kunotsveta zvombo zvake . Ayifamba
achiita kukamhina sezvo gumbo rake

rainge risati ranyatsa kupora kwaiva
kungoshinga zvake somurume.

Anovhura sasa yake ndokupinda .

Kwakuto kochejera dati rake pa hoko
yainge yakaroverwa kumadziro . Asi
mabatwa rake haana kuridzosera
pakare . Akaramba ayinaro riri
muhava maro uye muri mukati
menhembe yake , zvokuti
haraiwonekwa nanizvake ,

Nekuda kwenzara uye nyota yaayiva
nayo akabva atonanga kuimba yamai

vake. Asi anowana musiwu wakati
dherengende , ndokupinda mukati .
Haana kuona Mai na baba vake
zvinova zvakaita kuti nyota pamwe
ne nzara zvipere . Akaona kuti
mumba umu hamuna kumbobvira
maveswa Moto zvawo . Haana
kuramba arimo , akabva ananga
kunhanga kwa Tariro achifunga kuti
zvimwe ndinga muona . Asi mainge
musina munhu . Paakabuda mumba
umu ndiyo nhambo yaakaona vanhu
vachibva nedivi remabvazuva vanova
vavakaona pavainge vachipinda
mumuzinda. Akafunga kuti pavanhu
ava panongona payina baba vake .

Akamirira kuti vasvike . Ivowo havana
kutora nguva vaininge vatosvika

Akabva akanda ziso rake ikoko asi
chaakaona hapana . Akatanga
kuzvibvunza asi mhinduro akaishaya .
Kuti abvunze mambo kana Jangara ,
ayiona kuri kusasika ura pachitsiga .
Sezvo mambo ayivaziva kuti
hutsinye ndipo pamusha paho.
Akabva agara zvake pa jinga petsapi

yainge iri padivi peimba yake ,Asi
ayinge akabata shaya pfungwa
dzichifunga kurefu . Asi kudzivaira
kwese kwaayiit uku kwaiva
mumaziso a Rugara rinovawo jinda
ramambo . Chaiitika Pana Rugara
ayiziva zvose maererano nenyaya
yomuzinda uyu ,asa ayisafara nekuita
kwa Mambo Gotoru uye kuuraya
kwaVakaita Mai Muchadura . Kuti
anyeurire Muchadura zvakasara
zvichiitika zvaisaita nokuti Mambo
vainge vatsindira munhu wese kuti
mashoko aya asabuda . Rugara
anotanga kutenderera kunge munhu
arikutsvaka chaarasa . Anofamba

achipoterera nomuzinda wose
zvinova zvakaita kuti asvike nepaiva
pagere Muchadura . Akabva
angozevezera semunhu arikuimba
zvake .

"Hakuna chisingabudi zijaya rangu .
Baba vako vadzika nezasi uko saka
Ndivo vachakunyeurira zvizere
ndaenda ini".

Rugara akabva atofamba zvake.
Muchadura paakanzwa Rugara
achitaura mashoko aya akashaiwa

kuti zvinoreveyi . Zuva rainge rorereka
zvino kureva kuti rava kupinda muno
Mai varo . Ndiyo nguva yakaona
Muchadura baba vake vachisvika
pamuzinda . Asi hapana chavainge
vakabata . Vanonanga kuimba yavo
yokurara . Muchadura ndokutofamba
zvake onanga kumba kwapinda baba
vake . Anosviko vhura musiwu asina
kumbo gogodza . Zvinova zvaka
vhundutsa baba vake panguva iyi .
Pavakazoona kuti mwana wavo ndipo
pakazogadzikana hana yavo . Asi
misodzi yavo yakatanga kuti mokoto
nematama avo ichiita kuchururuka
sechitubu. Zvinova zvakanetsa

Muchadura .

Muchadura akabva afamba kubva
pamusowo paayinge amire achienda
paiva na baba vake.

" Chii nhayi baba chiri kukudyayi
moyo uye chaita kuti mucheme".

Akabvunza Muchadura asi chiso
chake chairatidza kusafara zvachose .
Asi hapana mhinduro yaakanzwa
kubva kuna baba vake zvinova

zvakaite kuti abvunze zvekare
mibvunzo yakawanda .

"Nhayi baba hino mukaramba
muchichema ndoudzwa nani chiri
kukunetsai . Asi Mai vaenda
nyikadzimu kani . Chii baba__?".

Muchadura ayinge atobudisawo
misodzi panguva iyi . Zvinova
zvakaite kuti baba vake varwadziwe
nokuchema kwa Muchadira .
Vakabva vanyarara ndokupukuta

musodzi yavo ndokutu,

"Vhara mukova mwanangu
ndikuudze zviru kundinetsa zvole
pazuva ranhasi uye zvakasara
zvichiitika asi ndovimba newe
mwanangu".

Vakadero baba Muchadura
vachikwidziridza madzihwa ayinge
obuda .

Muchadura akabva atosimuka
ndokunopfiga mukova . Achipedza
akabva atodzoka ndokugara pajinga

nababa vake.

"Swedera kuno madziro anonzwa mwanangu".

Muchadura anobva ati kwati kwati na baba vake.

Kusvika kwakaita baba Muchadura vachinanga mumba mavo, Havana kuziva kuti vaonekwa na Jangara .

Uyo ayinge agere zvake panerimwe
danda raiva pajinga pedare rinova
rerimwe ematanda akasara pakubika
doro ravaida kuzonomwa kumhimbe
mangwana.

Jangara paakazoona Muchadura
oteverawo mumba umu . Akaziva kuti
munotaurwa zvikuru chete mumba
umu. Akabva anopira Mambo nyaya
iyi.

Asi Mambo vakabva vati tuma munhu
ano teerera zvavanenga
vachibwereketerana

Mumba imomo otiudza kuti
varikurongeyi . Jangara akaba totuma
varwi vaviri kunotapa manzwi.

COMMENTS PLZ

KUPERA KWECHITSAUKO 9

[4/10, 17:38] +263 71 416 0957:

<https://chat.whatsapp.com/BF5CoguM3W7IQ1I0RMpC3R>

*PFUMO RAMUCHADURA*

*Written by Phibion Mandongwe*

*Call or app...*

0714160957

0774512473

*&*

*Edited by Patie*

+27 61 925 1492

*CHITSAUKO**10*

Vakomana vainge vanzi tambai
nevanhu Topiresu, Munhikwi
naChokera pavakangonzwa inzwi
ramambo wavo iro rakaita
zvokukwamatata vachiti siyai
zvamuri kuita , vakabva vangoita
kunzwa nokuita kurega , asi
zvakashamisa machinda avo kuti
seyi Mambo vati tiregerere makororo
aya .

"Vasimudzeyi vauye padyo neni

tinzwe nhau yavo yavafambira , tanga takasira kutuka nyamukuta iko kuzvara tichada".

Vakadero Mambo Mafuratidze ,
Zingwanda na Mupwanyiswa Vakabva
vatosimudza Dzikite na Chorwira ,
ndokuvaisa pamberi pamambo .
Ndokumira kumativi kwedare zvavo .

"Varume mondiregererawo
nezvandanga ndichida kukuitayi saka
motenda vadzimu venyu vaita kuti

ndione (muchisa) mufananidzo iri
pamusana penyu iyo , saka ndabva
ndaziva kwamabva".

Mambo vakabva vanyarara zvavo
.machinda maviri aya akango
gutsirira musoro badzi pasina
chavataura . Vanozoti pava paya.
Chorwira akabva agadzirisa pahuro
pake ndokuti.

"Changamire wangu , hatingashori
zvamaita asi nokuti manga

muchifunga kuti tirivaongorori uye
kuti taba Mavisi pamwe chete neipwa
dzenyu , asi maudzwa zvomugotsi
matsuro , isu tabva kwa Mambo
Gotoru uko kumabva zuva inova
shamwari yenyu tsika nditsikewo
chaiyo , saka tatumwa kuno
maererano nenhaurwa yamakambo
taurirana ivo vati munozviziva ".

Akabva atonyarara zvake Charwira

"Ichakwadi ichocho ndosaka
ndakumbira ruregerero rwukuri ,

Nhau yamataura ndoiziva zvikuru ,
ndainge ndakatoringa nzira nguva
nemisi , Ko zvamauya musina muripo
wacho zvee tozvifambisa seyi-----?"

"Mambo vati motondonzwa kuti
muripo wacho wakamira seyi".

"Igarozviva kuti mai mukadzi wababa ,
hazvina kupikisa uye kutapudza

pamwe nokuwedzero. Panongodiwa
mhandara yakaisvonaka ichange iri
mukadzi wangu".

"Zviri munzeve kana iri senyaya iyoyo
Haina dambudziko zvayo . Saka
nyaya iripo ndeyekuti isu nguva
chaiyo hatina chitotirongedzerai
zvinhu zvacho titopinda munzira
sezvo nguva yeruvhunza vayeni
inofanirwa kusvika tasvika. Asi kana
tikatadza tofanirwa kudonha
pamuzinda nguva iyo inenge
yochema Jongwe rokutanga".

"Kohamucha siyi hope kuno kani,
zvakanakai iwe Madzambagate
ndiwe unoziva zvakavanzika zvizhinji
zvepano pamuzinda nditevere
nokukasira. Iwe Topiresu enda
Nevayenzi ava kuimba yavo
movapawo chokudya . Tiri kuuyako
ikoko saka ita nokukasira".

Mambo vakabva vatosimuka
pachigaro chavo muruoko

vakarembedza bvumo , iyi yaiva tsika
yekare , hakuna Mambo ayifamba
asina bvumo kana Tsvimbo muruoko
rwake , kunyange ari pamuzinda pavo
zvayiitirwa kuti muvengi
angangoyerekana asvika
vasingafungiri saka zvaibatsira
pakuzozvidzivirira .

Madzambagate akabva atotevera
Shure kwamambo . Vanonanga nedivi
rechamhembe Kunova kwaiva
neimwe imba yainge iri

nechokumucheto kwechivanze.
Vanopfuura nepaitamba mhandara
uye majaya ayo ayiridza ngoma
achiimba nziyo dzechinyakare uye
vamwe vairidza hosho vamwe
zvitanda zvakavezwa nomufunu uye
nomukamba vayidzanza zvaimwisa
mvura zvokuti vaviri ava
vakatombomira kwechinguva
vakayeva zvaitwa nepwere idzi.

Madzambagate akabva amisa
zvaitwa nepwere idzi kuti Mambo
vambopfuura sezvo guruva rainge

rawandisa . Ndokuchitanga kupfuura
zvavo asi hapana nyaya dzaitaurwa
nevaviri ava. Asi Madzambagate
ayiva nomubvunzwo asi kuti abvunze
zvaisaita . Havana kutora nguva
vakabva vatosvika paimba
yavaiyenda .

Imba iyi yaiva yakavakwa nemambwe
akaita hurungudo asi ari makuru .
Pamabwe aya painge pasina kuyiswa
dhaka kwaiva kungo gadzika badzi ,
Madzambagate akabva avhura

musiwo weimba iyi,
ndokudungamidzana zvavo
vachipinda.

Mumba umu mainge musina zvigaro
sezvo yaisava yokugara kana kurara ,
maiva nemauswa akaoma uye
mabwe ayinge akakura semakuyo .
Imba iyi yainge yakakura kureva kuti
kutambarara nechepamusoro payo
paiva pasina kupfirirwa kunze kwe
muzasi mitsetse mina badzi . Zvaiita
kuti chaedza chipinde mukati umu .

"Yaa nyaya iri pano toda kupa Mambo
Gatora Hambakubvu imwe chete
pane twidiki utwo ,ndizvo zvavinga
Majaya ayo saka tisingadi kupedza
nhambo chisharudza imwe chete
wotoro nhava iyo woisa imomo
tiende ,sezvo vakomana vacho
wanzwa zvavareva kuti Havana
nguva".

"Tavapa pasina muripo here
changamire wangu". Akabvunza
Madzambagate .

"Hapana Chakaipa Gotoru
haandibatisi pasi anounza muripo
wangu".

Madzambagate akabva atosharudza
Mambakubvu imwe chete ndokuyiisa
munhava vachibva vatobuda zvavo .
Ndokunanga kuyimba iya kunova
kwaindiswa vana Chorwira na Dzikite.

Vakatosvika Vakomana vachitodya
zvavo Nyama yainge yakagochwa .

Mambo ne Jinda ravo vakasvikogara
pazvituro zvainge zvirimo
ndokutambidza Chorwira nhava iya .
Charwira akangokanda ziso rake
munhava kamwe chete ndokubva
atonyemwerera zvinova
zvakaonekwavo na Dzikite .

"Yaa Muripo wangu ndiri kuudza nokukasira handisi kuda kutuma vanhu vangu ikoko . Dai zvaibvira waikwanisa kusvika pano kuswera mangwana kana kuti vhiki ino haifanirwi kupera usati wauya , tiri kunzwanana here----?"

"Zviri kupinda Mambo wangu, isu kuchamirisa hatichadi sezvo vaguta havaoneki tondosvitsa dama renyu kuna Mambo Gotoru".

Akadero Chorwira achitoombera
maoko .

"Chipiwai midzonga mishanu
mufambe muchidya".

Vakadero Mambo .

Topiresu haana kumirira kutumwa
akabva atondotora nyama
yevakomama nenguva isipi ayinge
atodzoka . Kwakupa vakomana

nyama yavo .nguva iyoyo Chorwira na
Dzikite vakabva vatosimuka
ndokukwambatira miseve yavo
kwakuchipinda munzira vakatora
yavainge vabva nayo.

Nguva iyi zuva rainge rorova huma
kureva kuti rainge rerereka .
Chorwira na Dzikite vainge vochiita
kukanda nhanho zvino, pasina ayiti
bufu nomumwe . Dzikite ndiye ayiva
kumberi . Vanopfuura nepamunda
uya panova pavakabatwa Dzikite
akabva angotarisa munda uya ,

ndokungo dzungudza musoro badzi .
Zvinova zvakaonekwavo na Chorwira
uyo anga ari kumashure.

"Ko ukangodzungudza musoro
tasvika pano kutsvene here----?"

Akadero Chorwira achibvunza.

"Saka iwe hapana chawafunga here

patasvika pano ! Seyi uchibvunza
maune iwe-----?".

Anopindura Dzikite.

"Ndingango fungeiko ini , ndasiyana
newe unongofunga zvokuba Mavisi
mumunda mevanhu. Wakangamwa
here kuti tanga tapinda papfumvu ,
tikazopona nepaburi retsono".

"Aaa paya pane zvandanga ndafunga

hedu dayi vada kutiregedzera
twushamhu twavo twuya waiwona
zvai yitika".

Chorwira paakanzwa Dzikite ataura
izvi , akawira pasi nokuseka ,
kanhava kaiva ne Hambakubvu
kakabva kawira kwakadero uko .

Akachizosimuka hake asi Dzikite
ayinge aratidza kushatirwa nokuseka
kwainge kwaita Chorwira.

"Saka chawaseka ipapo chii---?".

Akabvunza Dzikite.

"Unoti ndingasasekawo here , neziso
rawanga wakabudisa patanga
takatsivamiswa paya , ndatofunga
kuti watoshatisa nhembe ini nguva
dziya".

"Iwe vakuru pavaiti Imbwa nyoro
ndidzo tsengi dzamatovo vaireva ani
paya-----?".

Akadero Dzikite.

"Handizivi ini sezvo ndaiva ndisipo
pavaidero, itondiudzawo".

"Ndosaka uchiseka sepwere ,ndini
ndaibvirwa sakawo-----?"

Dzikite haana kuzopedzisa zvaanga
achida kutaura akabva amira
panzvimbo imwe chete uye rwumwe
rwuoko rwake rworuboshwe akanga
ava kupa chiratidzo kune mumwe
wake kuti mira. Sezvo kanga awona---
----?

COMMENTS PLZ

KUPERA KWECHITSAUKO 10

[4/10, 17:39] +263 71 416 0957:

<https://chat.whatsapp.com/L5QDFQSS1W6KU6jKXwRJGL>

*PFUMO RAMUCHADURA*

*Written by Phibion Mandongwe*

*Call or app...*

0714160957

0774512473

*&*

*Edited by Patie*

+27 61 925 1492

*CHITSAUKO**11*

Mambo vakaratidza kushatirwa
nokuita kwababa Muchadura pamwe
nomwana wavo. Mushure mokunge
vaudzwa na Jangara kuti vazvivharira
mumba mavo,

Iyo nguva yokuti vanhu varare isati

yakwana , uye zuva risati rapinda
munaMai varo. Sezvo nguva idzi
machinda ose raiva besanwa
pamuzinda apa kutakura mapadza ne
zvimwe vachinanga nawo kumunda
wamambo uyo waiva kujinga re
gomo Madidi.kunova kwaiva
nenhimbe mangwana.

Jangara akabva atodeedza
machinda maviri Pfumbirai na
Tsvedzu ndokuvaudza kuti vanotapa
manzwi anenge achitaurwa na Baba
Muchadura pamwe na Muchadura

wacho. Machinda akabva ayita
zvavayinge anzi vaite . Vakainda
vachiita kunyahwaira chaiko kuitira
kuti mutsindo yavo isanzwikwa .
Havana kutora nguva vainge
vatosvika paberevere reimba yaiva
nana Muchadura, Vakaita rombo
rakanaka kuti imba iyi yainge
yakadzikira zvikuru zvokuti chero
wakamira unokwanisa kuisa dzeve
dzikanzwa. Vakabva vatoti kwati
kwati nemadziro sezvi furira,
Pfumbirai ndiye ayiva murefu
pamachinda maviri aya , hazvina
kumunetsa kuteerera akabva angoisa
nzeve yake nechepamusoro

pemadziro, shasha iyi Haina kuziva
kuti yanyangira yaona.

"Chiregai kuchema baba , ndavhara
musiwo wacho chindipirayi nyaya
yacho".

Akadero Muchadura mushure
mokunge agara pasi.

"Mwanangu mashoko andichakuudza
pano anovhundutsa uye usachema
zvako nokuti yadeuka yadeuka
haichajorereki, nokuti ukachema
Gotori anotuma vanhu vake vakauya
muno tikabatwa saka wochiteerera ,
Chokutanga ndinoti-----".

Baba Muchadura Havana kupedzisa
mashoko avo misodzi yavo yakabva
vatanga kuyerera zvakare, zvinova
zvakanetsa Muchadura kuti chii
chambonyanya kurwadzwa baba
wangu chavasingadi kutaura ichocho.

"Nhayi baba kana mukachema
makanditarisa murikuzama kutii
chiiko, seyiko muchindivanzira zviri
pamoyo penyu uye chirungurira
chirwere mukanyara munofa nacho,
vakuru vakadero wani koimi choita
kuti musataura chii?".

Anotaura Muchadura chiso chake
chatoshanduka nguva iyoyo zvinova
zvakaonekwa nababa vacho vachibva
vanyarara, ivo vakachizogadzira inzwi
ravo ira rairatidza kuti rakanga
ravakuto shoshoma.

"Mai vako vauraiwa-----!"

"Murikuzama kuti chiko imi baba chii chaitika uye azviita ndiyani, Gotori avakuda kundipinda munhembe manje hakuna mumwe ndagumbuka ini sarai ndakunopedzerana naye ndomene anosiya nyemba chete".

Akadero Muchadura achitosimuka
paayinge agere apa maziso ake anga
achitsvuka serovambira
riripamushana. Baba vake vakabva
vamubata gumbo nguva iyoyo.

"Gara pasi mwanangu Inga ndati
usachema ko wakuchemeyi .
Ndingakuudza zvinganiko, teramira
semvura iri muguvi . Usaita chinya
sechegurwe rinozvidambura
makumbo wanzwa , unoda
kunozvikanda mumukamwa

mamupere chokwadi !, Gara pasi
ndikuraire pamwe mukana wakaita
seuyu handizouwani zvake , ndoda
kukuudza zvakavanzika zvausati
wakanzwa asi nhasi ndafunga
kukudza nokuda kwechiitiko ichi,
handidi kuti ugare murima
mwanangu , garapasi".

Vakadero baba Muchadura
vachikweva mwana wavo gumbo ,
Muchadura akabva agara zvake pasi
akafuratira kumusiwo. Nguva iyoyo
akabva anyarara asi misodzi

yaingoyerera badzi.

"Chitaurai baba mwana wenyu ini
ndateya nzeve".

"Zvakanaka mwanangu ziva kuti
hakuna mwena usingagumi uye
Chinobururuka chinomhara. ndoda
kuti uteye nzeve dzako ndoda
kukutaurira nezve pamusoro
pemuzinda uno, kuti wakabvepi uye
ndewani".

Vakabva vambonyarara kuita senge
pane chavanzwa kuti washa-washa
asi vakabva vati pamwe makonzo ari
muberevere , izvo kwaniko, ndi
Tsvedzu na Pfumbirai vainge
vochinyatso teya nzeve zvino.

"Taurayi baba"

Akadero Muchadura.

"Bambo vako iwe vanova baba vangu
ini pano, ndivo vainge vari Mambo
pano Vachidaidzwa ne zita rokuti
Mambo GARUDZO . saka vainge
vakura zvokusagona kufamba chaiko .
Asi ini ndaiva ndichiri rusvava
chairwo ndichikambaira . Saka kuti
vandisiire humambo zvaisaita .
Vakabva vasiira Jinda ravo guru kuti
kana ini ndazokura rozondipa
humambo wangu asi sandizvo
zvakaiteka. Gotori ayiva Jinda rababa
vangu vanova bambo vako uye
vaivimba naye zvikuru . Saka
paakaona kuti humambo uhu
hurikunaka . Akabva atohuchiva

kwakuwuraya dzimwe hama dzedu
dzose kusara kwangu ini sezvo
ndaiva rusvava. Saka humambo huri
pano ndehweddu mwanangu
totambudzwa here pano pamusha
pedu".

Baba Muchadura vakabva
vambonyarara nokuda kwemusodzi
yavo yainge yobuda .

"Saka zvinoreva kuti Gotori arikudya
chebamba here baba ". Akabvunza

Muchaduro .

"Ndizvozvo mwanangu inyoka
inouraya chaisingadyi iyii mwanangu
tidii naye"

"Baba imi makatozvitadza asi ini
handijaidzi makudo neanokamhina
,Nyoka ndinorova musoro wayo ini,
vachadura sezita rangu nokuti-----"

Muchadura haana kuzopedza kutaura

mushure mokunge awona musoro
wemunhu uri paberevere reimba
yavaiva asi ayiratidza kuti akatarisa
divi asi achiteerera zvaitaurwa
mumba umu , akabva ayisa
chigumwe chake pamuromo kupa
baba vake chiratidzo chokuti nyararai
. Akabva asimuka achiita
kunyahwaira paanga agere,
ndokusunungura bakatwa rake riya
raanga akasungirira muchiuno make ,
ndokuribvisa muhava maro ,
kwakuribata zvakasimba chiso chake
chaininge chachisungika chaiko uye
shaya dzake dzayiita kuhuta huta
pamwe chete nomhuromo wake ,

akabva aruma muromo wezasi
pamwe nokutatamura ruoko rwake
rwerudyi rwunova ndirwo rwaiva
nebakatwa. Akabva azamudzira
akanangisa panzeve yomunhu uya
ayinge akateerera ndiye svata svata
rose , achibva arivhomora ndokubuda
rakatsvuka ropa kuti piriviri.

Akazongonzwa mhere
yakakwetsurwa katatu badzi ichibva
yatonyarara akabva atoziva kuti
munhu uyo atoenda nyika dzimu.

Tsvedzu paakaona mumwe wake
awira pasi uye ava kukwamatata
akavhundukawo achibva awira pasi
nguva iyoyo Kuri kukatyamadza
nechiitiko ichi . Akazomuka zvake
ndiye chitsoka ndibereke kunanga
padare painge pagere vana Jangara
pamwe chete na Mambo nemamwe
machinda avo . Asi haana kuziva kuti
mhere iyi yainge yatonzwikwavo nana
Jangara nechekare. Tsvedzu
akasviko wira pasi kuri kumberi kwa
Jangara . Asi haana kuziva kuti
Jangara haadi gwara rakaita saizvi,

akabva ayitambidzwa tsvimbo imwe
chete achibva amuka nguva iyoyo .

"Hatidi gwara wazvinzwaka , Chii
chaitika mhere yaridzwa kwawabva
ndeyeiko".

"Pfumbirai afuga rake oga uko,
abayiwa nebakatwa asi handina
kuona kuti angava ani azviita pakati
paMuchadura na baba vacho. Uye
zvatanzwa vachitaura Vati muzinda
uno hausi wenyu mambo uye vari

kuda kutokupfuudzai ndizvo zvaitika uko changamire wangu".

Tsvedzu akabva atonyarara.

"Ngavanotorwa vauye pano nokukasira handidi zvisina Basa pamuzinda wangu . Uye ndoda kunzwa kuti ndiyani awuraya munhu wangu wandatuma nhasi mumwe anoyenda nyikadzimu chete havandizivi zvakana".

Vakadero Mambo Gotoru
vachiratidza kushatirwa zvikuru.
Jangara akabva atotuma ma chinda
mashanu kuno bata Baba Muchadura
na Muchadura wacho . Vamwe
vakabva vanzi vanotora Pfumbirai
uyo ainge atosiya nyemba.

Muchadura paakapedza kubaya

munhu waasina kuziva kuti ndiyani.
Akabva atodzoserera bakatwa rake
muhava maro ndokurisungirira
muchuuno make zvokuti hapana
ayimbokwanisa kuona kuti
anebakatwa zvinova zvakashamisa
baba vake kuti anga ayine bakatwa
pose apa . Achingo gara pasi kudero,
vakabva vanzwa mitsindo yaiuya
ichimanya kuyimba kwavaiva . Haana
kuita hanya nazvo sezvo ayiziva kuti
kutouya kutorwa uku.

"Mwanangu kana wasara uchengete
-----".

Baba Muchadura Havana muzopedza
kutura zvavanga vachida mushure
mokunge musiwu waitwa
zvekurohwa negumbo gonhi richibva
rakwachuka . Mumba makabva
mapinda mhitsa dzakayamwa
mukaka dzikaguta . Havana kuda
kubvunzurudza twakawanda
vakasviko batirwana baba no Mwana
ndivo tande kudare kwaiva
noruzhinji.....

COMMENTS PLZ

KUPERA KWECHITSAUKO 11

[4/10, 17:39] +263 71 416 0957:

*PFUMO RAMUCHADURA*

*Written by Phibion Mandongwe*

Call or app...

0714160957

CHITSAUKO 12

Muchadura na baba vake Havana
kukwaniswa kuudzwa mhosva yavo
panguva iyi, vaininge vachibatwa
semwanda weuswa , vanosviko
jatirwa kumberi kwa Mambo Gotoro
senhava dzine shavi. Chiso
chamambo chainge chachinja chaiko
kunge uso hweNyati zvino .

"Vasungei mbira dzakondo
havafanirwi kugara saizvi ".

VaKadero Mambo zvino, vachiita kutadza kutaura chaiko ,nokuda kwekushatirwa kwainge kwavabata panguva iyi, zino raisaonekwa bodo. uku huma yavo ichishereketa pano, panosangana tsiyo. Machinda akaita nhange mutange uye iri nzve-nzve . Yokutora makashu okuti Muchadura na baba vake vasungwe sokureva kwaita Mambo Gotori. Makashu akabva atouya nguva iyoyo baba nemwana ndokusungwa .

"Yaa!, iwe Tsvedzu tipire zvawanzwa
zvichitaurwa nevarume ava
nokukasira hatidi kuyera Nyoka
negavi iyo iripo, ita kuti daku daku
mumwe nhasi anofanirwa kutosiya
nyemba chete pavaviri ava "

Vanotaura Mambo vakaita
zvekunongedzera Tsvedzu ne bvumo
ravo iro raiva mumaoko,Tsvedzu
nenyaya yekutya akabva adedemura
zvose zvaakanzwa paayiteerera,
chakasara chine mudzimu wacho.

Achipedza kureketa ndokunyarara
zvake . Nguva iyi Muchadura
akangokwanisa kutarisa Tswedzu
neziso rine mubvunzo uye richityisa.

"Iwe Nyoka ndiudze kuti chii
chawanga uchizama kuudza mwana
wako , zvinoreva kuti iwe ndiwe
gonye rapinda muno mumuzinda
mangu hino nhasi uchandiudza
chakatadzisa imbwa kuseka iyo
kunyenama ichigoma". Vakadero
Mambo vachibaya baya Baba

Muchadura ne bvumo pabendekete
ravo,iro rainge ratotsuka ropa namwe
nokusimira panguva uyi . Asi baba
Muchadura hapana shoko
ravakadavira.

"Zvinoreva kuti wakaisa maguru
munzeve here, wakanzwa nani kuti
muzinda uno ndewenyu uye ini kuita
munhu anodya chebamba sokutaura
kwako, Ndidavirei nokukasira".

"Chinoziva ibvu kuti mwana wembeva
anorwara,handinga zivi
zvokumashure kunze kwenyu imi asi
mava kuda kungotirovera munhava
chete nokuti,,,,,,,,," Muchadura haana
kupedza mashoko ake nokuda
kwetsvimbo yainge yamushanyira
kumusana kwake yaasina kuona kuti
ndiyani ayita izvi,

"Mwana wembwa unotaura chii ipapo
kana Mambo vachitaura ,musoro
wako umopisa hino nhasi unopfidza
chete". Raiva inzwi. Ra Jangara

zvaireva kuti ndiye ayinge arova
Muchadura ne Tsvimbo .

"Iwe Jangara hatidi kupedza nguva
tichirovera hoko pachitehwe
cheshindi, vanhu ngava vese moto
nokukasira tiite zvinotevera hona
zvuvu rovakutopinda muna Mai varo,
nhasi munhu wese anofanirwa
kuzvionera pamhuno sepfodya ,kuti
muno mumuzinda mangu hamuitwi
zvematakanana , itayi nokukarira ndiri
kutonyangadzwa ndichiona imbwa

idzi". Vakadero Mambo vachiudza
Jangara uyo ayinge amire Shure
kwaMucharara .Jangara akaonawo
chisho chamambo vake
chashanduka haana kuda kumirirra
kunzwa mashoko emberi akabva
atounganidza machinda aya
ayitakura mapadza , kwakumaudza
kuti vavese Moto wakawanda kwazvo
. Vachinda akabva atanga kuyita
zvarehwa nemukuru wavo Jangara .

Huni dzakaunganidzwa nenguva diki
diki Moto kwakuchitundidzwa,
vakabva vadzoka kuna Jangara
ndokumushuma, kutimoto wenyu

wabaka . Jangara achiudzwawo
akabva apirawo mambo nyaya iyi.

"Yaa chiunganidzai vanhu vose pano
vaone tichigocha mbwende idzi
kuitira mangwana pasawanikwa
chiitiko chakadayi zvakare".

Vanotaura Mambo vachiudza
Jangara zvakare. Asi apa Jangara
akapa basa iri Rugara rokuti adaidze
vanhu. Rugara akabva atoridza
hwamanda inova ndiyo yaiva nyore
kuti munhu wese anzwe ,

yaingoridzwa kataku badzi zvaireva
kuti kunenge kurikudaidza vanhu .
Achipedza kuridza akabva atonogara
zvake nechemberi kwababa
Muchadura . Asi meso ake ayinge
akanjenga musodzi sezvo vanhu aya
vayiwirirana . Hapana
chaayikwanisawo kuita kuti Varume
ava vasaurawa.

Chembere, harahwa,mhanhara

pamwe nendumurwa raiva besanwa
kumanyirana kuuya padare apo
payiwonekwa mavivi emoto. Pasina
nguva munhu wese ayinge avapo uye
agara pasi,

"Munhu wese nyarara hamuna
kudaidzirwa kuita ruzha pano muri
kuzvinzwa, dzikamayi musaita
semachesa ari mumatendere
mumwe anodumbirwa izvozvi
ayikakazve".

Akadero Jangara achifamba famba
ari kumativi kwevanhu, pakabva
pachiita runyararo semakwari awona
godo ,kana kunzikwa ayinge achiti
bufu zvake .

Jagara akabva Amira mberi
kwavanhu sezvo zvaida kutaurwa
ayizviziva sezvo varivo nyakuronga.

"Pamusoroi dare regai tikuudzeyi
chaita kuti mudayidzwe usiku huno .
Paita vanhu vanoda kupidigura
mambo saka tati muone vachipiwa
mutongo wavo kuitira mangwana
pasawana anotora nzira idzodzo .
Nhofunga tichapa munhu wacho
mukana wekuti awudze vadzimu
vake kuti vamugashire ".

Achipedza kutaura izvi Jangara
akachiisvitsa kuma mambo asi
Mambo vakabva vangomupa
chiratidzo chokuti huya pano .
Jangara akabva atoyenda pavaiva
.akabva awudzwa mamwe mashoko
zvokare .

" Yaa Mambo varikuti mumhu achafa
munhu mumwe chete sezvo ndiye
anga ari munyengeri. Saka mwana
achambopiwa mutongo wekugara
muchizarira kwemazvuva akati kuti.

Saka ndoda varume vana vasimudza
murume uyu mumumise akwanise
kutura mashoko maviri matatu
badzi, iwe Tsvedzu itouya newe
Tumbare na Muchodo ,newe,
simudzai murume uyu amire".

Baba muchadura vakabva
vatosimudzwa vakaita
zvokubafirwanwa chiko, sezvo vainge
vakasungwa , nguva iyi vakabva
vangokanda ziso ravo kuna

Muchadura raireva zvakawanda asi
shungu dzakazovabata bokutobudisa
misodzi nguva iyi, vachibva
vatsikitsira zvinova zvaiva mumaziso
aMuchadura .

"Hatina kuku simudzira kuti ucheme
wazvinzwaka tibvisire twumisodzi
twako itwotwo ,chatinoda kuti
uwoneke mwana wako uyo uye
kukumbira vadzimu vakugashire
ufambe zvakanaka, saka chiita
zvandareva tiwone kuita zvinotevera".

Akadero Jangara asi baba
Muchadura hapana chavakakwanisa
kutura . Uye zvaivanetsa kuti ko
Tariro mwana wavo arikupiko
wavasina kubvira vamuona kana
kunzwa kuchema kwake kuratidzawo
kurwadziwa nechiitiko ichi , zvinova
zvakaitea kuti vazive kuti pane chaitika
pamwana wangu . Nguva iyoyo
vakabva vati " Muchudura mwanangu
ndakusiira mushauno ndewako uye

Tariro haa-----?".

"Wamusiira musha upi wanunotaura
iwe ,Hee une musha iwe , Vakomana
chisimudzai mukandire muchomoto
umo vachifamba zvakanaka" akadero
Jangara mushure mokunyararidza
baba Muchadura netsvimbo
yaakavarova ,

Machinda aya akabva atovasimudza

ndokuva kandira muchoto maiva
nemavivi chaiwo . Vakaridza mhwere
yainzvisa tsitsi uye yakavharisa
mizinda wose . Matumbu pamwe
chete nemaziso zvainzikwa kuputika
putika kusvika vaperera kutsva .

"Yaaa maziona zvinoitwa(Nhire
/Nhinhi) ndiwo mutongo wacho uyu
saka imi vakomana chisumudzai
Muchadura munomu vharira
muchizarira icho chinoiswa nhapwa
kana mapedza panofanirwa
kurindwa kuti asabuda".

Akadero Jangara , Muchadura akabva
atosimudzwa ndokuyendwa naye
muchizarira chake ,umo maakasviko
kandwa akasungwa kudero chichibva
chavharwa.....

Comments plz

KUPERA KWECHITSAUKO 12

[4/10, 17:40] +263 71 416 0957:

<https://chat.whatsapp.com/CM1926nFffwD6WAhrb9Rit>

***PHUMO RAMUCHADURA*_**

*Written by Phibion Mandongwe*

Call or app...

0714160957

0774512473

*CHITSAUKO* *13*

Chorwira haana kuda kupikisa
mumwe wake sezvo ayinge anzi mira
. Dzikite semunhu anga asina
chaanga akabata akabva avhomora
museve wake mumwe chete
mudati rake raanga akabereka
kumusana . Ndokuupfekera pauta

wake apa ziso rake raisabwaira bodo .
Uye rakaringa panhu pamwe chete.
Akabva awutatamura ndiye regedzu ,
uchisvikoti tibvu ndiye me me meee.
Zvaireva kuti yaiva mhembwe yainge
yaurawa. Achipedza izvi akabva
atarisa mumwe mwake
ndokunyemwerera zvake sezvo
Nyama yainge yaita apa ,
akachimanya hake kunopedzisa
kuuraya mhembwe yake .

Kuita kwa Dzikite kwakanga

kwavhundutsa Chorwira pakutanga .
akazofara zvake panguva pfupi
yaitevera,,sezvo ayinge ofunga
pfumvu yaayinge akambosongana
nayo kwa Mafuratidze ,pavakapona
nepaburi retsono , ayiziva kuti tsuro
hainga poni murutsa kaviri , hana
yake yakazodzikama zvayo.Akabva
akwambatira kanhava kake ako kaiva
nehambakubvu sezvo ariye
nyakubata. Ndokutevera Dzikite uyo
ayinge ava mushishi rekuvhiya
mhembwe .

"Wanga waiwona nenguvai nhayi
Dzikite inga unemeso seechivangu"
akadero Chorwira achitotonona pana
Dzikite.

"Ndasiyana newe ini unotaura
nemaziso pamwe
nenzeve,wakangwarira paduri sehuku
Chorwira".

"Hayiwa tibvirepo Gudo ranonga roro ,
waisatadza kuyiona seyi iwe uriwe
wanga urimberi.".

"Usawanza twunyaya twusina basa,
ngatiti daku daku titore nyama
yatinoda ,nokuti rwendo rwedu
rwuchipo uye tichatadza kubata
nguva yeruvhunza vayeni chete".

Anotaura Dzikite achito dimbura
nyama yavavida unova mushuna
achiisa munhava yake .

"Chinodiwa kusvika chete , hazvineyi
kuti tasvika nhamboyi".

"Gotoru unomuziva here iwe ,
tofaniwa kusvika nguva
dzaakataura nokuti tikasadero

murango tonoupiwa,".

Vakomana ava Havana kupedza
zvavo nguva varipo nokuti basa iri
vainge vakarijaira zvavo . Vakatora
nyama yavo yavaiwona kuti vanodya
kusvika vasvika kumuzinda kwavo.
Ndokuchipinda zvavo munzira ,
havana kuda kuyigochera ipapo,
nekuti vaitya kuti chiutsi
chingaonekwa vakazoteverwa
vakatambiswa chamutengure .

Pakudzoka kwavo kwaisavanetsa
zvavo sezvo wainge wavo
mudzakiswa uye nzira yokunanga
kumuzinda kwavo vainge voiziva
.vanoyambuka chikova chiya
chavakayambuka vachibva mugomo
rinova ravakakwira pavakazoona
chiutsi chaibuda kwa Mafuratidze,

Vanokwira kamukwidza kaivapo
sezvo nzira yacho yainanga
nepamupata pemakomo. ndiyo nguva

yakatanga kuonekwa Dzikite kuti aneta nokuda kwemafambiro aayiva oyita, ayinge otsika panhu pamwe sendondodza. Asi Chorwira haana kuda kutaura zvake, vanoti vavapakati pachu Dzikite anobva atura befu ndokumira .

"Ndaneta ini Charwira ,Apo nyota yandibaya".

"Haungatadzi kuneta nokuti hatina kumbozorora kwenguva, asi mvura ndoyatisingawani chatingakwanisa kuita kuzorora, asi tapota seri kwechioma chino".

"Ndinenge ndichafambirwa nani pasara apa, asi unondibereka hako".

"Ndipe hako nhava iyo ndibate
pamwe ndiyo yakuremera tiwane
kusvika paseri apo". Akadero
Chorwira akamira akayeva Dzikite.

"Kufa kwemurume kubuda ura kuita
kuti Mai vangu havana
kunditsikisawo pakatsika gudo
hawaindisiya iwe. Rega zvako
ndifambe ndofa kamwe".

Nguva iyi shiri dzainge dzoti tsviri
tsviri kureva kuti dzainge dzoimba
kuonekana nezuva, iro rainge
ratsvuka semarasha. Makomo ose
ayinge achizara bvute zvino.
Vanokwira kusvika vapota seri.
Ndokuchitsvaka pokuti vazorore
pakanaka. Dzikite ndokutogara pasi
zvake . Chorwira anonongerredza
zvikuni ndokuvesa moto wavo .
Kwakuchitanga kugocha nyama iya.
Vaiti yaibva votsveta pamashizha

achisanopora sezvo vaisada kugarisa
apo nokuda kwechirangano chavo
namambo . Vanoita chinguva
vakadekarapo , nyaya dzaisataurwa
kwaingonzikwa muromo chete
waidya pamwe nokufuridza sezvo
yaipisa.

Vakazosimuka vavakunzwa zvirinane
ndokuteremuka mudzaswa,
kunzekwaiva kwachiti mwiro

zvipukanana zvaisanzikwa kufamba
kwazvo . Mhindo ndiyo yainge
yovavhiringa mafambiro avo .sezvo
mwedzi wainonoka kubudza
waitobudza kwava kutoyedza chaiko
sezvo wainge wavapedyo nekufa
.Chorwira ayipota achitarisa nhava
yake, kuona kuti Hambakubvu
ichimhenyu here. Vanopinda
nemusango raityisa kwazvo zvimiti
ndizvo zvainzikwa kuvhunika
mushure mokutsikwa navo . Dzikite
anga achiti kwati -kwati na Chorwira
panguva iyi. Sezvo sango racho
rairatidza kuti ingangova imba
yezvikara . Pavakazoribuda vakatura

befu rainzikwa nemumwe , asi
kubvunzana ndipo paiva pasina.
Sevanhu vaitya kuremerwa uye
nokuguta kwavanga vaita vakabva
varasa imwe nyama yavainge
vagocha.

"Chiutsi kaicho chiri kubuda
nechemberi kwedu uko". Akabvunza
Chorwira sezvo ndiye ayinge
avakumberi achiitira kukweva

mumwe wake.

"Ehe ndinoona sekudero ini asi
maonero andiri kuita chiri kubva
kumuzinda chaiko kwedu".

Anopindura. Dzikite achiratidza
kuhadzika nechitsi ichi.

"Kuti kutsvene here mberi uko iwe,
hazvidero ari muvengu auya

akasakadza muzinda here".

. "handioni sekudero ini , pamwe hazvo asi bodozve angava muvengi rudzii asina kubvira awonekwa nhasi wese, rangarira kuti tabva kumuzinda nhasi hatina chatasangana nacho paya . Dayi anga ari muvengi tatomuona Kare. Kune zvikukutu chete zviri mberi uko.pamwe vanhu vabairwa mombe ka iya yairehwa kuti vachabaya sezvo mangwana kuri kunhimbe".anopindura Dzikite . Asi Chorwira waishushikana.

Kuona kwavakaita chiutsi ichi chaiva
chiratidzo chekuti vavakusvika
kumuzinda ,asi mufambo waivapo
zvawo kwete kupinda kwavabva .
Mumwe no mumwe akanga ava
kuzvitongesa oga Havana kuzotora
nguva yakareba vakabva vatosvika
kugomo Madidi . Rinova raiva
kumunda kwamambo wavo .
Zvisineiwo Jongwe rekutanga
rakabva ratochema . Vanonanga
nekusuwo diki kwakadziva

kuchamhembe . Vanoita zvokuvanda
nemakwenzi vachisvika apa asi
Havana kuziva kuti vainge
vatoonekwa .

"Ndimi vanaani miraipo nekukasira
uye isai maoko mudenga kana
muchida upenyu".

Raiva inzwi raibuda nechemberi
kwavo. Asi Chorwira akakasira
kuriziva ndokuti, "Nhayi Pomerai
Unofunga kuti tiri vavengi kani
zvawakwidza inzwi, ndini Chorwira na
Dzikite".

"Murikubvepi nguva ino uye Unofunga kuti ndingaona here murima muno kusina Jena guru uku, huyai kuno mundipire nhau yenyu ndimi vapa nduki imi". Anotaura zvakare Pomerai , uyewo vana Chorwira vakabva vasvika paanga ari. Pomerai anomanyira kubata bata nhava yaiva na Chorwira achida kunzwa kuti muneyi ,sezvo ayisaziva kuti chii nekuti pakatumwa Vakomana Ava ayisavapo pamuzinda nevamwe vake

vaya vari gumi.

"Ko muri kubvepi uye ichi chii".

"Zvinhu zvamambo izvi Pomerai
tirege zvedu tipinde toda kunozorora
kwatabva hapasi pano.". Akadero
Dzikite achitofamba .

"Ayizve ! Zvokuda kundijairira nekuti
ndiri mudiki ka ndozvandisingadi
izvozvo kasisi kutsonga hakasi
kanyana , ndini murindi wanhasi
nevamwe vangu vakavata Apo . Saka
hangingatendi kuti mudarike ndisina
kuziva zvamuri uye nekwamabva,
kana zvisingaite munovata kuno
kusuwo mozopinda mumuzinda
kwachena Charwira anoona kuti
vangaswerapo sekutaura kwaayita
anoona zviri nane kuudza murindi
nhau iyi vakwanise kupinda
vanozorora ,

"Wakutotinonotsa Pomerai chiri
munhava umu iHambakubvu
yamambo yatabva nayo kwa Mambo
Mafuratidze saka yakatomirirwa
namambo kutaura kuno".

Pomerai anoramba anyerere kuita
sepasina chaanzwa . Anozongovapa
chiratidzo chokuti endai zvenyu
ayishandisa (munwe/ chigumwe)
chake. Nguva iyi Pomerai anobva
atanga kufunga nezve hambakubvu

yarehwa iyi. Semunhu ayiziva pamwe
nokungwara akaziva kuti pachatobva
mhandara inonoripa anotarisa
pamhandara dzose dzaiva
mumuzinda kuti ingayendeswa
ndiyani . Sezvo hambakubvu muripo
wayo imhandara yakanaka kwete
zvishoma , anoona Tariro ariye
akapinda vose kunaka. Nguva iyi
Pomerai musodzi yake inobva
yatanga kuyerera ichinyorovedza
tsoka dzake.

Dzikite na Chorwira pavakaona vanzi
fambai , Havana kuda kuchamira
vanonanga kumuzinda . Vachisvika
vakaona kuti zvirinane kuti tinange
nezvinhu kuna Mambo vaone kuti
tasvika . Saka Dzikite akabva ati
kumutsa Mambo usiku hwakadayi
hazvitenderwi zvirinane tozomuka
tichivapa, vaviri ava vakabva
vatotenderana ndokubva vananga
musasa mavo . Kwakusviko
zvikandira pasi sezvo vainge vaneta.
Havana kutoranguva ngonono
dzakabva dzatanga kubvumirana-----.

COMMENTS PLZ

KUPERA KWECHITSAUKO 13

[4/10, 17:40] +263 71 416 0957:

<https://chat.whatsapp.com/L5QDFQSS1W6KU6jKXwRJGL>

:_*PFUMO RAMUCHADURA*_

*Written by Phibion Mandongwe*

*Call or app...*

0714160957

0774512473

*CHITSAUKO* *14*

Musiwo wechizarira pawakangonzi

dhwaga. Pakabva pasarudzwa
majaya matatu anofanirwa kurinda
Muchadura asabuda muchizarira ichi
. Basa iri rakapiwa Munhikwi ,
Tafuma na Tsvedzu ,ndokusara
vakarinda zvavo . Vamwe vakabva
vadzokera Muchodo anonanga
paiva pamire Jangara ndokumuudza
kuti , "Changamire wangu zvamareva
taita ,".

"Hoo vasara vakarinda kuti asabuda
ndiyani".

Akadero Jangara achifinyamisa uso

hwake zvinova zvakaita kuti
Muchodo ataure achikakama .

"Ta ta tasiya Munhikwi , Tafuma
pamwe na Tsvedzu".

"Hoo munhu iyeye haafanirwi kubuda
imomo, akangobuda chete
motozivawo kuti kufakwenyu
kugochwa senhashu pano".

"Haabudi sezvo tangomukanda
akasungwa mbira dzakondo kudero".

Jangara akabva achiyenda paiva
namambo ndokutaurirana zvakare
zvaisanzikwa nomunhu wese, haana
kutora zvake nhambo aripo ,
anochifamba kudzoka kuchita
chevanhu,

"Yaa ndovimba zvatanga

takudaidzirayi zvaita mochidzokera
zvenyu sezvo hapana asina
kuzvionera pamhuno sefofya
zvinoitwa nhunzva tunzva uye
muzive kuti mangwana kuchange
kuchikamwa imbwa , munhu wese
unofumo kuuya pano padare
tokuudzai zvokuita sezvo mangwana
ririiro zuva renhimbe .Mapadza
atotakurwa Kare saka
tichangosimudza doro redu pamwe
nokucheka mombe".

Jangara akabva ambonyarara sezvo
vanhu vainge varova mhururu pamwe
nomuridzo. Asi chiso chaPomerai
chaisaratidza kufara bodo

,payipururudza vamwe ayinge
akatotsikitsira pasi achibaya baya
pasi nechigunwe chake.

Vanhu pavakazonzi chiindayi
Pomerai anoenda nokuchizarira kuya
senge munhu ayida kunorasa mvura
asi chake kwaida kuona kuti
ndivanani vapiwa basa rokurinda
Muchadura . Akakwanisa kuona
Tafuma pamwe na Tsvedzu asi
mumwe haana kuona kuti angava ani

sezvo munhu uyu ayinge akaita
kukotama . Paanga oda kuti afambe
anyatse kuona akabva anzwa
kugomera kwemunhu ayiva
muneimwe imba yaayiva akazembera
paayidongorera vana Tsvedzu .
akabva amirakufamba kwaanga
achiita zvakamunetsa kuti munhu
uyu arikugomera mumba umu
ndiyani,uve apara mhaka yeyi sezvo
imba iyi yaiva chizarirawo , pakada
kuti anodongorera
nepahwangwaridzo kuti awone kuti
ndiyani akabva anzwa manzwi
evanhu vaviri ayibva neseri kweimba
iyi akabva ayendawo nerimwe divi

rinova raisauya nevanhu ava, akabva
atonanga kumba kwamai vake asina
kuona kuti ndiyani ayigomera uye
mumwe murindi ndiyani .

Anosviko wana baba namai vake
vagere asi hapana nyaya dzaitaurwa
nevaviri ava, zvinova Zvakamunetsa
kuti baba vanosiva nomufaro mazuva
ose ,ko seyi nhasi vachiratidza
kusuruvara kudayi. Akaona kuti

abvunze zvaisaita sezvo nguva
dzainge dzafamba uye ayinge
odakubuda zvake. Mai vachipedza
kupakura Pomerai anatora sadza
rake ndokungoti nyobvo nyobvo
ndokusiya anoyenda mberi kweyimba
kwakutora mukombe wedeteni
wainge uri pamusoro pechirongo
,kwakuchera mvura ndokunwa .
Paanga oda kubuda baba vake
vakabva vamudaidza, iye ndokudzoka
pavaiva anosviko kotama ndokuteya
nzeve kuti anzwe mashoko ababa
vake.

"Mwanangu ndoziva kuti une
mubvunzo mizhinji asi handikwanisi
kukupindura zuva ranhasi sekuziva
kwako kuti Baba veshamwari yako
Muchadura taiva mukombe
nechirongo asi-----". Baba Va
Pomerai vanozivikamwa nezita rokuti
Rugara havana kuzoenderera mberi
nokuda kwemachinda ayinge odana
Pomerai kuti vachiinda kunorinda
muzinda . Vakabva vatoti kuna
Pomerai chiinda zvako totaura
kwachena . Iyewo achibva atoenda
asi akasara ayine mubvunzo pahana
yake kuti baba vangu vanga vachida

kuti kudini .

Jangara na Mambo pavakaona kuti munhu wese ayenda kumana kwake vakabva vatorana ndokuinda kuimba yaiva youmambo ,inova yainge inezvose zvavo zvavaishandisa .

Jangara akabva abatidza tsvatsva kuti munyotsojeka mumba vaite nhaurwa dzavo zvakanaka. Vanogara pazvituro zvaivamo uku musiwu vaine vavhara nechekare .

"Ndovimba kuti vakomana
vatakatuma kwamambo Mafuratidze
vavakutosvika kanakuti vanosvika
jongwe rokutanga rarira , saka
tozvifambisa seyi manje nokuti
mangwana tinebasa". Vanodero
mambo.

"Muchireva pakuita seyiko
chanjamire wangu".

"Kuti zvinoita here tinoona
Dzinomurumbi Godobori wedu
atonogadzira hambakubu yacho
ndibve ndatoidya zvangu".

"Hazvirambi izvo Mambo wangu .
Zvinobva nokuti vasvika nguvai
towana kugadzirira asi zvaida risiri
zuva ramangwana nokuti uko vanhu
vanoda kushandiswa zvikuru . Kana
ndisipo vanhu havangaiti basa ,

tozviita kuswera mangwana tofumo
bata jongwe muromo takananga
kwaanogara".

"Zano pangwa uyinerako vakuru
vakadero ,apa wareketa ko
wambonoona here mhandara iya kuti
ichimo here tuma machinda atayiva
nawo paya anotarisa uye vamupe
chokudya haafanirwi kuti avate
nenzara sezvo hatizivi kuti vana
Chorwira vanouya neshoko ripi ra
Mafuratidze.".

"Zvakanaka regai nditondovaudza kusati kwasviba".

Jangara akabva atobuda mumba umu ndokutuma machinda maviri anova ayinge akaona Tariro achiiswa Muchizarira, kuti vanotarisa kuti arimo here pamwe nokuti vamupe chikafu .vakomana vaya vakabva vatoenda. Jangara anobva atotoro bvumo rake ndokutenderera muzinda wose achida kuona pamwe

nokunzwa kuti vanhu vaimbotaura
nezveyi . Asi haana shoko raakanzwa
akabva ananga kumba kwemukadzi
wake . Anosviko tambirwa
nomunhuhwi wesadza rerukweza iro
raimonwa nomukadzi wake. Akabva
atatora chituro chake chaiva kuseri
kwegonhi ndokugara , Mukadzi
anobva aswedza murume wake
achiuchira . Akabva azopakurira
Jangara sadza iro raiva nechimukuyu
chine dovi rainge rakakorera.
Achipedza kudya anosiya awudza
Mukadzi wake kuti ndiri kuuya .
Ndokubuda onanga kwaiva
namambo . Akatovasvikirawo

vachidya . Vaviri ava vanoita nguva
varimo mumba umu vachifunga kuti
Dzikite na Charwira vangasvika asi
kwaiva kurinda guyo sembwa.

Vanozoonekana zvavo sezvo nguva
yokuti vachirara yainge yakwana,

Jongwe rechitatu parakatanga
kukukurudza Jangara akabva
atomuka, ndokutora bvumo rake
ndiye panze kunomutsa munhu wese

sezvo nguva yainge yachikwana
zvino . Anonanga padare ndokuridza
hwamanda katatu. Ndokufamba
zvake onanga paiva nemoto. Vanhu
vakatanga kubuda mudzimba
sezviremwa remwa zvirikubva
mubako . Raivabesanwa vakuru
pamwe nevadiki. Pasina nguva
munhu wose ayinge avapo padare .
Jangara anotuma Rugara kuti
anyararidze vanhu. Rugara anoita
zvaayinge awudzwa , mambo
pavakanzwa kuti vanhu vaungana
padare vakabva vamuka zvavo asi
Mukadzi wavo anoshatirwa kusiiwa
ega avete ,akada kuyedza

kunyengerera Mambo vozomuka
zvavo kwadziya asi vakati tana
kuramba. Vakabva vatotorawo
bvumo ravo ndokubuda mumba
vorurama padare. Vanosviko gara
zvavo pachituro chavo . Machinda
ose akabva amutsa Mambo . Jangara
ndokuchitanga kutaura zvaifanirwa
kuitwa pazuva iri. Asi paanga oda
kutaura ,akabva amira mushure
mokunge awona Chorwira na Dzikite
vachibuda muyimba yaiva pajinga
pedare iri. Paakaona Chorwira
akakwambatira nhava . Akabva
atarisa Mambo ndokuona Mambo
vakatokandawo ziso ravo kunana

Chorwira uku nyemwerero ichisvika kugotsi.

Jangara akabva atoti kune machinda maviri aya asati agara pasi " Nangai kuimba iyo tiri kuuya ikoko . Dzikite na Chorwira vakabva vaita zvavainge vaudzwa ndokunanga kuimba iya yavainge vari namambo nezuro .

"Munhu wese simuka wakananga kumunda uko kugomo rekumadidi kurukweza . Ndiko kwatichange

tichisakura kunofanirwa kupera nhasi
chaiye . .saka tichada varume Gumi
vachasara pano vachiuraya mombe ,
saka ,Rugara wochisana kutungamira
nevanhu ava chisimukai tiyende".

Akadero Jangara achibva anyarara
zvake. Vanhu vanosimuka sengoza
dzirikubva pahundi vakananda
kuzunde ramambo kunosakura.

Pakabva pasara varume Gumi , vaya
vokuuraya mombe vakabva
vatoudzwa mombe nhatu dzokubaya
ndokutonanga kumatanga uku
mumaoko mavo vakabata makashu
pamwe nemaonga.

Jangara na Mambo
vanotungamidzana vakananga
kuyimba kwaiva nanaDzikite na
Chorwira. Vanosviko gara pazvituro
zvavo . Dzikite na Chorwira
vanomutsa Mambo wavo panguva iyi .

"Yaa tigashire zvee nhume dzangu".
Vakadero Mambo.

"Muchigashireiko Changamire wangu
, Zvinhu zvenyu izvi mambo".

Akadero Chorwira achitotambidza
Mambo nhava yaiva nehambakaubvu.
Mambo vanotambira vachiita
kunyemwerara chaiko. Vanoibudisa
munhava muya ndokurovana maoko
na Jangara kuri kufarira .

"Yaa chitipirai kuti zvanzi inode

muripo wechii---"? .

"Zvanzi inoda muripo wemhandara
uye vati varikuyida kuswera
mangwana chaiko . Saka vati moita
muchichimbida uye mhandara
yacho yanzi ngaive yakanaka".

Akadero Chorwira achibva anyarara
zvake.

"Yaa maita zvakanaka chiendai
muchinozorora nokuti ndimi
muchienda nemhandara yacho saka
nhasi hapana chamunoita".

Dzikite na Chorwira vakabva
vatobuda ndokusiya Mambo
naJangara vachitaurirana zvavo..... ..

_*=====

=====*_

COMMENTS PLZ

KUPERA KWECHITSAUKO 14

[4/10, 17:40] +263 71 416 0957:

[https://chat.whatsapp.com/L5QDFQ](https://chat.whatsapp.com/L5QDFQSS1W6KU6jKXwRJGL)

[SS1W6KU6jKXwRJGL](https://chat.whatsapp.com/L5QDFQSS1W6KU6jKXwRJGL)

*PFUMO RAMUCHADURA*

*Written by Phibion Mandongwe*

*Call or app...*

0714160957

0774512473

*CHITSAUKO 16*

Mambo na Jangara vakachizobuda
muyimba muya . Asi vainge vasina
chavaiva nacho kunzwe
kwemapfumo ayiva mumaoko mavo
badzi. Vanopfuura nepaiva nana
Tsvedzu sezvo vainge voenda
kwainda vamwe kuzunde. Jangara
anosiya awudza varindi kuti muwe
wenyu anozouya otera chikafu kana
nguva dzafamba. Vanotekaira
vokwidza kuchikomo Madidi, kunova

kwaiva nemunda wacho. Vaviri ava
vanonzwa manyuku nyuku kunzwa
vanhu vachiimba nziyo dzepasi
chigare uye guruva rakati tsvete
mudega .

Pavakasvika pamunda,mambo
vanomboyeverwa kwechinguva
nebasa raibatwa apa. Hapana
ayikotoroka zvisina shumo sezvo
ndiwo waiva murairo. Vanochifamba
zvavo vonanga pachidhanga chavo

chavainge vafano gadzirirwa kuti
vozogara paiva nebvute raitonhorera
samare uye paiva pakakwirira
zvokuti vaikwanisa kuona wese
anenge avakuita husimbe. Jangara
anofamba onanga kwaiva na Rugara
uyo ayishandisa vanhu panguva iyi ,

Vanobvunzana zvavo asi havana
kuita nguva yakareba vamire .
Jangara anotanga kutevera Shure

kwevanhu, achinyatsoona kuti
varikuitanemazvo here sezvo
mumwe nomumwe ayiva muraini
rake . Hapana ayibvumidzwa kudya
magaka kana ipwa zvadzo pamwe
nemavisi panguva iyi. Basa
rakabatwa hayikona zvokuti wega
waipakutenda . Asi sekuzivawo
kwenyu paruzhinji hapashaikwi nhire ,

Pakaita mumwe murume ayinge oti
saku saku tsvi-i zvinova zvakaonekwa
na Jangara uyo anga achitevera

Shure kwevanhu. Akabva afamba
achiiendako kunonzwa kuti chii
chirikutora zvimbo pamunhu uyu .
"Koiwe chii chirikuitika". akabvunza
Jangara .

"Changamire wangu ndaneta".

"Ungataura zvokuneta nguva ino here
iwe , wakuda kukwidza hashu dzangu
mangwanani ano mhanje".
akadero Jangara.

"Kwete chokwadi changamire ,
ndiwanireiwo rimwe zvaro rokuti
ndiite". Akadero murume uya .

"Hakuna rimwe randinokupa sakura ,
ukaita musarinya unosiya nyemba
,handidi kupikiswa wanzwa chiita
zvandareva,".

Anotaura chiso chichifinyamiswa.
Murume uya akabva atokotama asi
waingoona kuti arikurwadziwa . Zuva
parainge ratikwireyi rosvasvaira

pakurova nhongonya . Munhu wese
akabva anzi ambopiwa chikurura
mabhachi doro remuraudzo uye
nemaheu sezvo paiva nevamwe
vaisamwa doro. .Munhu wese akabva
ayenda kunogara pabvute ndokupiwa.
Vakachagara kudero ndiyo nguva
yakasvika machinda maviri pane
vayinge vapiwa basa rekuvhiya
mombe .vanonanga Pana Jangara
ndokumuudza kuti tapedza kuvhiya
saka toita seyi .Jangara anovaudza
kuti ngaibikwe vanhu vachauya
yosimudza sezvo ichadyirwa kuno
kana yazosara todzokera nayo
kumuzinda vanhu vovata vachidya

pamwe nokumwa doro . Achipedza kutaura izvi machinda aya akabva atotendeuka zvawo , Jangara akachizoti kumurume uya tevera varume avo unoshukudzirawo moto nekuti pano kurikuita husimbe ringatozovira ndakupfuudza murume uya akabva atosimuka .

Jangara akachizosimudza vanhu kuti vachipedza basa iri. Munhu wese kabva adzokera paraini rake. Tinarwo

mwana komana wamambo ayisa
shanda zvake . Chake kwaingova
kudya mavisi pamwe nepwa sezvo
hapana ayikwanisa kumuti shanda.
Mambo vaipota vachigocherwa
nyama yavo yemhara uye imwe
yaitova pamoto ichibikwa .

Basa rakabatwa zvaimwisa mvura
musi uyu ,zuva paraiva rorereka ndiyo
nguva yakapedza vanhu kusakura asi

munhu wese ayinge achineta zvino
.Jangara anochiti kuna Rugara
atume vanhu vachinotakura nyama
yainge yabikwa iwuye kuno . Asi
Rugara akabva ati "zvakadii kuti
vanhu vachingodzira kumuzinda
kwacho sezvo kuriko kwabikirwa
nyama vanhu vongotakura doro chete
vondozorora mukamwe , sezvo kuti
vanosimudza mahari enyama hazviiti
vaneta".

"Kuwanda kwakana uye zanopangwa

uyine rako, chirega titi vanhu
vachidzira ikoko".

Akadero Jangara . Anochiti munhu
wese tora badza rako unange
kumuzinda ndikokwatichanodyira .
Uye majaya ose ndoda kuti
musimudze doro iri tichinanga
kumuzinda .".

Munhu wese akabva ayita zvaaiyenge
awudzwa,hapana akagunun'a nazvo .
Chero zvazvo zvakayita kuti vanhu
vazhinji vashore nokuita uku . Rakave

dungwe semashikishira vanhu
vonanga kumuzinda , hapana ayitaura
nemumwe sezvo simba rainge rapera
uye nzara pamwe nenyota.

Vachisvika pamuzinda vanhu
vanogara pamabvute edzimba
vamwe ezvimiti zvaiva kumucheto
kwechivanze . Mambo vanonanga
padare pavo apo payiva nebvute
remukamba raitonhorera . Vanosviko
gara pachigaro chavo icho chainge
chakaroverwa matehwe emhuka
dzakasiya siyana mazita adzo .
mambo vakabva vatopiwa nyama
yavo pamwe nechikari chavo
chemupeta .

Nyama yakachizouya zvino ndokupa vanhu pamwe ne doro racho akava machikichori chaiwo pamuzinda apa . Jangara akabva atuma jaya rimwe rinodaidza mumwe wevarindi vaininge vakarinda Muchadura awuye atore chikari chavo chedoro pamwe nenyama. Jaya riya rakabva ratomanya . rinosviko vawana varipabvute zvavo vachidya

nyaya.ndokuvaudza zvaayinge
awudzwa. Munhikwi ndiye akanzi
nevamwe vake inda unotora .
Vanobva vadzoka kuna Jangara .

"Ndauya changamire wangu".
akadero Munhikwi".

"Yaa piwa doro renyu apo uye
nenyama yenyu asi Muchadura
musamupa tozomuona mangwana
zuva rovira". Akadero Jangara.

"Zvakanaka changamire wangu "

Munhikwi akabva atopiwa doro rake
nyama akabva abatirwa nemujaya
uya. anosvikodya pamwe nokumwa
nevamwe vake .

Pamuzinda pose yanga yangove
zhowe zhowe kuri kuimba pamwe
nomuridzo uye mhururu. Zuva
rakavira vazhinji vainge

vasingachazivi kuti kunze kuneyi .
Jangara achiona kuti vanhu vamwa
doro vakaguta akabva asarudza
mamwe majaya ayinge asingamwi
doro anorinda Tariro asabuda ,kwaiva
na Muchadura kwaiva na Tsvedzu
ayisamwa doro kunze kwemaheu
badzi. Kwainge kwati zvarara vamwe
vakachipinda mudzimba
kusanganisira na Mambo .

Pomerai paakaona kuti zvaanga
achida kunzwa zvaita , akabva apinda
pasi pehwaro redura sezvo raiva
rakavakirwa pamusoro pematanda .
Ayida kuti asaonekwa sezvo Mambo
na Jangara vainge vobuda .

Anoita chinguva aripo ndokuzoti
awona kuti vayenda akabva abuda
ndokudzokera kunorinda kusiwo
remuzinda kwaayinge asiya vamwe
vake. Anosviko wana vamwe vake
vakatogara uye vachitaura nyaya
dzokuvhima vachiyidzirana nharo.

Zuva parainge rorereka vakabva
vavigirwa nyama pamwe nedoro
uye namaheu vakafara haikona . Asi
Pomerai ayiratidza kusafara
zvachose . Haana kumbonyanya
kudya zvake uye musu uyu doro
haanakurimwa akariramba hanzi
rondinzwisa mudumbu . Izvo
nyambasirwe kwete shasha yainge
yaronga tsoro yayo kare. Hameno
kuti inobudirira here, nguva

dzakafamba zuva rikanyura . Vamwe
vake vainge vachingoti rabada
sematsvinyu arikudziya mushana kuri
kudhakwa pamwe nokuzvimbirwa
nenyama .

Pakwainge kwasviba Pomerai anobva
anyahwaira . Ayiita kugwesha kusvika
abva pane vamwe vake .

Ndokuchisimuka hoyo kumuzinda.
Anoinda nedivi rezasi kunova kwaiva
nechizarira chainge chakaiswa
Muchadura.....

*=====

=====*

COMMENTS PLZ

*KUPERA KWECHITSAUKO 16*

[4/10, 17:40] +263 71 416 0957:

<https://chat.whatsapp.com/GeiPALw6kwRC2bn0mU0kON>

*PFUMO RAMUCHADURA*

*Written by Phibion Mandongwe*

Call or app...

0714160957

0774512473

CHITSAUKO 15

Kukandwa kwakaitwa Muchadura
muchizarira , Akasviko rovera
padombo rainge riripakati pechizarira
ichi,uye rakaita musarasara rakabva
ramukuzvura nechepabendeke .
Haanakukwanisa kuchema ,asi
kungoshinyira pamwe nokuumburuka
sembongoro iri pamadota, kuti
akwenye paakuvara zvaisaita nokuti
ayinge akasungwa mbira dzakondo .
Muchadura akadamba kufa

pazuvairi, Sezvo marwadzo ayinge
amuwandira ,kuita sefodya inoti uku
yakarumwa uku inotsva. Muchizarira
umu maiva nerima rainge usiku
hutatu . Anoti akavata pasi kudaro
anozama kuzvishingisa kuti amuke
asi zvakaramba n'anga murapwa
achida .

Masungirwe anga akaitwa
Muchadura ayinge omurwadza

.gashu raayiva akasungwa naro ,
rainge rocheka maoko ake, ndipo
paakatanga kuona huyipi hwamambo
Gotoro pamwe naJangara kuti inyoka
dzinoruma chadzisingadyi. Anotanga
kurangarira mafiro ayita baba vake
pamwe namai vake zvinova
zvakamubaya panyama nhete chaipo
uye ririronda risingaperi zvachose.
chimwe chinhu chakamunetsa kubva
zvaabva kunovhima ,haana
kumbobvira awona chiso
chehanzvadzi yake Tariro . Ndipo
paakatanga kuona hupenyu hwake
kuti atova makata kutanga musi uyu.
Asi akaona kuti hazvichadi kupusa

sezvo kufa kwemurure hubuda ura.

Anoshanyarika zvakare paanga ari
achida kuvata nerimwedivi . Ndiyo
nguva yaakanzwa kugogonerwa
nechinhu chaiva muchiuno make .
Akabva arangarira kuti ibakatwa rake
hana yakabva yakadzikama sezvo
yanga yokindidza sengoma
yemuchongoyo. Husiku hwese uhu
haana kumbodziti chwa-a , akavata

mbishi chaidzo, uye ayinge ogwauta
nacho chando sezvo payinge pasina
chaayinge akafuka . Ndipo
paakatanga kuyeuka rudo rwamai
vake pamwe nababa vake. Misodzi
yake yakatanga kukoromoka
ichidzika materu ematama ake
akabva adzungudza musoro wake
kaviri

*"Gotori na Jangara vanofanirwa kuti
vadure sezita rangu, nyaya iyi
ndoipira kwamuri vadzimu vangu,
hongu ndiri mwana mudiki chose , asi
itayi munditungamirire pahondo
dzangu kusvika ndadambura musoro

waJangara nebakatwa rangu iri,
Gotori anofanira kusiyawo nyemba
nekugochwa semhashu kwaayita
baba vangu . Tarisai ndavanherera ini
chandakatadza hapana o-oo!
ndopika na baba vangu vakafa
vachipisirwa mumeso angu nabambo
vangu Garudzo varipachuru ini kana
vakasatondiuraya nhasi chete
havachandigoni, baba vangu
havangafiri muzinda wavo bodo.
Ndatoshinga ini sevo ateya mariva
murutsva haachatyi kusviba magaro*

Muchadura anotaura mashoko aya shungu dzakamubata , chiso chake chichioneka mananda. Machongwe ose akakukuridza akachangosvinura achizeya nyaya iyo kuti oyifambisa seyi asi mhinduro chaiyo akaishaya . Paakazonzwa hwamanda ichiridzwa akabva aziva kuti kwayedza uye vanhu vari kushevedzwa padare . Pasina nguva anonzwa mitsindo yevanhu vairatidza kuti vari

kumanyira kudare . Papera
chinguvana anochinzwa Jangara oti
_ "Dzikite na Chorwira imi nangai
muimba iyo tirikuuyako izvozvi" _
Zvinomunetsa kuti konguva yose
yatakasvika pamuzinda Handina
kumbobvira ndaona machinda aya
vanga varipi, uye varikunzi nangai
kuimba iyo kuneyi . Muchadura
ayikwanisa kunzwa zvose zvaitaurwa
apa nekuda kwekuti chizarira chake
chaisava kure nedare .

Hapana kutora chinguva anonzwa
Jangara achiti vanhu vaende kuzunde
asizvaireva kuti ivo vaimbosara.
sezvo basa iri akanzwa richipiwa
Rugara rekuinda nevanhu .
Paakanzwa mutsindo yevavhu
vonanga kuzunde . Anozvishingisa
kutikwanise kugara anobidirika
rushanu ndokuzvimanika nemadziro
echizarira uye akafuratira magokora
akabaya pasi . Anoramba akadero
kusvika akwanisa kugara asi
akamborwadziwa ndokutura
mafemo katatu . Anochitarisa neche
padivi pake kwakuona hwangwaridzo

yaiita kuti akwanise kuona zvaitika
padare . Anogwesha akananga
pahwangwaridzo iya asi yainge iri diki
yaikwana chimumwe chidiki
chekumucheto cheruoko. Vanhu
pavakange vaperapadare anoona
Mambo pamwe na Jangara
vakadungamidzana vonanga kuimba
yeumambo . Kupinda kwavakaita
kwese zvaiva mumaziso ake
Muchadura. Anoramba akaringa divi
iroro anoona kuti nzve-e kwemunhu
akanosvikoti kwati kwati pamadziro
pemba yainge vapindwa na Mambo
pamwe na Jangara , asi haana
kukwaisa kuona kuti ndiyani . Uye kuti

ko Mambo neJinda ravo vairongi .
Anoramba akaisa meso ake ikoko .
Ndokuchiona Dzikite na Chorwira
vaya vachibuda mumba umu .
Zvakatomunetsa kuti maimboitwa
hurongwa hwechii asi nechemumoyo
make akangoti hakuna mwena
usingagumi ,sezvo chinobhururuka
chinomhara . Kunyangwe chichitora
nhambo . Asi ayiziva kuti musi
mumwe gava richadambura
musungo . Nguva idzi kwainge
kwachichena uye shiri dzainge
dzoimba ndire ndire kuri kufarira zuva
. Pwere dzainzwikwa kuchemedzana
zvaireva kuti kwaiva kumutswa uye

dzimwe kuri kuchemera
(munya/nzvuu/sadza rakarara) .

Anochibva zvake pahwangwaridzo
iya . Ndokurara zvake nedivi sezvo
kugara kwainge kwava kumurwadza.
Paakavata ndipo paakayeuka kuti
muno ndakachekwa nemusarasara
webwe rainge riri pakati pechizarira.
Anobva agwesha akananga pabwe
riya . Ndokurifuratira sezvo anezano

raanga afunga panguva iyi .

Anotsveta maoko ake padombo riya
sezvo ayinge afunga kucheka gashu
raanga akasungwa naro maoko riya
nemusara sara uyu. Anokwizira
maoko ake padombo riya
zvinesimba, anoita chinguva achidero
,asi akanzwa gashu riya rava kunyura
mumaoko ake uye ropa raingerobuda
zhinji sezvo aitoita achichekwa
nedombo riya semunhu ayinge
akafuratira. Asi haana kuda kudzora
tsvimbo nekuti gudo rabata kumeso
,anova marwadzo .akaramba
achikwiza haana kuda kurasa tariro.
Akaita rombo rakanaka kuti raiva

dete zvaro gashu iri uye rainge risina
kunyatso sukutwa zvakanaka Paanga
ava kuda kukanda mapfumo pasi
,gashu riya rakabva rati dambu ,
ndokuita chinguva akambovata
kudero .ndokuchimu ka zvake papera
chinguva , anga achisarirwa ne gashu
rainge rakamusunga makumbo badzi
,zvainge zvava nyore hazvo sezvo
zvainge zvoita kusunungura
nemaoko ,

"Muchadura anofanirwa kufira
muchizarira chete haangambo urayi
Pfumbirai shamwari yangu yepamoyo
hazvigoni, izvozvo". Raiva inzwi

raitaura mujinga mechizarira ichi.

"Haa chero akasaurawa zvake asi atova nherera uye nhapwa yedu, uye unoti hanzadzi yake achaiwana here uye kuziva kwainoda kuendeswa namambo here ?".

"Taura zvako Tsvedzu , Asi tariro haayifanirwa kuripiswa nehamba

kubvu , mambo vaifanirwa kumuroora
,kumuripo uko voendesa imwe
mhandara . Kana kuti Tariro oroora
na Tinarwo ,ndiko kufunga kwanguwo
sezvo Tariro chigagairwa chaicho."

"Nhayi Munhikwi ! Unofunga kuti
mambo vakapusa here, zvibereko zva
Baba Muchadura hazvidikwi pano ,
Muchadura ndongoona senge
vakamusiira hushingi hwake chete
dai zvisizvo akatoendeswa

nyikadzimu uyu".

"Varumwe ngatisada kunanika ura hwedu pachigutsa ,tikanzikwa tichitaura izvi tinopinzwa parumana nzombe. Ngatichirongana kuti achanotora chikafu chedu ndiyani sezvo Jangara ati touya totora". Anotaura mumwe wavakoma ava.

"Tozongoona kana nguva yacho
yasvika ngatigareyi pabvute apo".
Akadero mumwe zvakare.

Mashoko ayitaurwa panze apa ayinge
achipinda munzeve dzaMuchadura
uyo ayinge akateya nzeve setsuro uye
akashama muromo wake. Mashoko
aya akamuomesa mate

mumukamwa,



Kubuda kwakaita Pomerai achiyenda

kunorinda muzinda pfungwa dzake
dzaipishana zvikuru nokuda
kwemumwe wake uyo ayinge
avharirwa muchizarira . Hapana
waayitaura naye pavairinda uye hope
chaidzo haana kuvata , pava
pakatipahwo husiku ndipo
paakanzwa kuti chokoto-chokoto
ndokusimuka paainge agere
kwakunoti kwati-kwati negwenzi
remuroro raivapo . Paakanzwa kuti
ndi Dzikite na Chorwira akabva ati
miraipo sezvo ayida kuziva
kwavaibva . Paakaona nhava yainge
yakakwambatirwa na Chorwira
akada kuziva kuti muneyi ,

ndokubvunzana asi zvaakazonzwa
zvakamurovesa nehana.akatadza
kutura kana kubvunzisisa kunze
kwekungoti chiendayi .

Chakatanga kuuya munjere dzake ndi
Tariro , sezvo ndiyo mhandara
yaayiziva yakanaka uye neruvengo
uye hutsinye huna Mambo Gotori

akaona ariye achaendeswa semuripo .
Chokwadi mhanza nemavende
pamwe neman'a hazvisiyani dzoita
nganiko nhamo panemumwe wangu .
Vakuru vakati rume rimwe harikombi
churi . Muchadura haanga zvikwanisi
oga izvi ndikasamirawo naye
pane zvimwe , sezvo kutsva
kwende bvu varumwe tinodzimirana.
Akaona kuti anofanira kuitavo
nepaanogona napo .

Pakarira hwamanda akabva asiya
vamwe vaayirinda navo .

Ndokunanga kumuzinda sezvo pane
zvaayida kunoonamwe nokunzwa.

Paakanga osvika pamuzinda anoona
vanhuvose vagara pasi . Haana kuda
kusvikapo panguva iyi. Akabva ati
kwati kwati namadziro etsapi yainge
iri paJinga pe imba yamambo .

Paakanzwa kuti "Dzikite newe
Chorwira nangai kuimbaiyo". Akabva
akanda ziso rake ikoko ndokuona
Dzikite na Chorwira vachiuya kudivi
kwaanga arikuya. Anobva akwenya
mhino nekasiyanwa kuti asaonekwa .

Vakomana vakabva vapinda muimba
iya, inova yamambo iye akati nde-e.
Vanhu pavakanzi vachiyenda
kuzunde , ndiyowo nguva yavasimuka
Mambo na Jangara ndokuuya
mumba maiva nana Dzikite .
Pakangovharwa musiwu . Pomerai
ndiye svetu sekatsi achisvikoti nama
pamadziro peimba yaiva na Mambo
nemachinda avo , pakatanga
kutaurwa akabva atikwangwa nzeve
dzake kuti anyatsokunzwa .

Zvakataurwa mumba umu hapana
chaasina kunzwa. Pakabuda
Chorwira na Dzikite zvaiva mumeso
ake . Akazochibvawo zvake asi moyo
wake wanga wava kushusikana kuti
ndoita sei.....

*=====

=====*

COMMENTS. PLZ

KUPERA KWECHITSAUKO 15

[4/10, 17:41] +263 71 416 0957:

<https://chat.whatsapp.com/L5QDFQSS1W6KU6jKXwRJGL>

*PFUMO RAMUCHADURA*

*Written by Phibion Mandongwe*

*Call or app...*

0714160957

0774512473

*CHITSAUKO* *17*

Pamuzinda painge pachinyararwa
zvino, ngonono ndidzo dzainge
dzochinzikwa kubvumirana . Ndiyo
nguva yakawana Pomerai mukana
iyoyo, anodzira nedivi rezasi kunova
kwaiva nechizarira kwainge
kwakavharirwa Muchadura , anoita
kufamba achiita zvokukweva
makumbo ake kuti asanzikwa,
paakanga avakusvika anobva amira

mushure mokuona munhu ayifamba
famba kumberi kwechizarira
ichi.anoramba akakanda ziso rake
ikoko anoona munhu uya avakuenda
nedivi rekudare uye ayinge akabata
bvumo muruoko rwake rwerudyi ,
anoona kufamba kwacho akabva
aziva kuti uyu ndiTsvedzu hakuna
mumwe anofamba saizvi.

Nguva iyi akabva ati kuhwatata paseri

pedombo raivepo anomboita
chinguva achiringa mativi ose uye
kuona kuti Tsvedzu avakupi.
paakaona asingachamuoni anobva
ayita semupurwa ndokutanga
kugwesha akananga kuchizarira kuya
,regayi zvichinzi kana wafunga
kuteya mariva murutsva hauchaty
kusviba magaro .Pomerai ayinge
arovera moyo padombo.

Haana kutora nguva akabva atosvika pachizarira paya anotarisa zvakare kuti hapana munhu arikuuya here sezvo ayitya kungoyerekana abatwa nemujenya . Asi haana munhu waakaona zvake, anobva atanga kusungura achiita zvishoma zvishoma kusvika apedza ndokusunda musiwo wechizarira chiya achiita zvishoma zvishoma zvakare. Ndokubva apinda asi maiva murima zvokuti ayisaona zvirimukati uye kuona kuti Muchadura wacho aripapi.

Haana kuziva kuti zvose zvaayiita
zvaiva munzeve dzaMuchadura ,
Muchadura anatora bakatwa rake
ndokugwesha achiinda seri
kwemusiwo wechizarira ichi .
Pomerai paakangoti pfe-e
Muchizarira ichi ,akabva anzi dzvi-i
zvinesimba naMuchadura zvinova
zvakaitea kuti awire pasi panguva iyi .

"Ndiwe ani uye urikudeyi , taura
nezevezeve uye ukangochema ndava
kutokucheka nebakatwa rangu iri".
Akadero Muchadura achitotsveta
bakatwa pahuro pa Pomerai.

"Wava kutotambisa nguva
Muchadura ndiregedze apo, Zita
rangu unoridii ziva kuti ndauya
kukubudisa mumukamwa mamupere
". Akadero Pomerai .

Muchadura paakangonzwa inzwi iri
akabva atozviva kuti ndiPomerai
,ndoku tomuregedza . Pomerai
paakamuka vaviri ava vakabva
vambundirana zvavo vanoita
chinguva ndokuzvoregedzana .
Vachangoregedzana vanonzwa
mutsvindo wairatidza kuti mhunhu
arikutouya kuchizarira kwavaiva ,
Muchadura akabva abata Pomerai
kwakumuisa Shure kwake uye kuri
kuseri kwegonhi rechizarira ichi

ndokumubata muromo kuti anyarare,
Muchadura akabva angotsedeura
musiwo uyu mbichana .

Munhu uya paakasvika akabva abata
musiwo uyu ndokuvhura kuti awone
kuti muchine munhu here , sezvo
asina kuona kubuda kwemunhu umu ,
asi chakamushamisa ayinge asiya
pasina kuvhurika kudayi, payinge
pakasungwa zvakabata . Nokuda

kwekuti ayinge asina mwenje akabva
ayita zvokupinda kuti anyatso
gutsikana kuti Muchadura arimo here
, asi haana kuziva kuti kwaiva
kutozvipinza pamusungo , chokwadi
chinoda kufa chinovingira . Munhu
uyu paakangoti free Muchadura
haana kuda kudya manonoko sezvo
simbi ichirohwa ichapisa uye dzainge
dzawira mutswanda dzisingachanetsi
kunongera , akabva angoti svetu
ndiye mba-a , kwakutomanyira
pahuro chaipo ndiye dzvi-i zvokuti
munhu uyu haana kukwanisa kuridza
mhere bodo. Pomerai anosimukawo
ndokuita chirwira ngwe-e ,

vamomukwevera mukati mechizarira
ichi mavaiva, Muchadura anobva
atsvanzvadzira gashu raiva
kumakumbo kwake . Anobva
aritambidza Pomerai iye ayinge asina
kumboregedza huro. Pomerai
anotambira gashu riya
ndokumusunga mbira dzakondo.
Muchadura haana zvimwe
zvaakafunga uye kana kuda
kumbotaura nemunhu uyu sezvaayita
Pomerai pakutanga. Akangovhomora
bakatwa rake raiva muchiuno make ,
ndokurumo muromo wake wezasi
pamwe newekumusoro,
ndokurinyudza pahuro yemunhu uyu

zvinesimba . Anorivhomora zvakare
ndokurinyudza pachipfuva chemunhu
uyu kanokwana katatu . Rume iri
rakabva ragomera uye nhembe dzake
dzairatidza kuti dzainge dzatozara
ndove Kare sezvo paine pobuda
mweya wainhuwa , rume rakabva
ragwinha katatu badzi , ndiye kana
nyemba dzikayibva modyamega.....

Vachipedza izvi vanozevezerana
zvakare vachiudzana zvokuita.

Muchadura anobva adzosera
bakatwa rake pekare munova
muchiuo . Vanosiya vasungirira
munhu uya panhungo yepakati
kwakusara akaremba seshiri
yabatwa pamudzito . Vanobva
vatokambaira vachibuda muchizarira
ichi, Pomerai anobva asunga
sezvazvanga zvakaipa paasunungura.
Vanohwatata zvakaipa ndokuita
kugwesha semakwerevezhe vachibva
apa kusvika vabuda muchivanze
chemuzinda , ndokuchisumika zvavo,
vanobva vateerera kuti vanzwe kuti
hapana arikuuya here , vanonzwa
pasina vanobva vafamba

vachikwidza nedivi rekuMadidi
kunova kwaiva nemunda wamambo
kuya kwekusakurwa masikati.
Vachangoti fambei Muchadura
akabva amira ndokutarisa mumwe
wake uyo ayiva kumashure.

"Pomerai ndinokutenda nebasa giru
rawaita , zvavapano iwe chidzokera
kumuzinda handingaendi newe
kwandafunga ,sezvo iwe uchiziva kuti
pamuzinda paberekera ingwe

handidiwipo, saka chandava
kukukumbira ndobavo undivigirevo
museve yangu iri mudati ririkuseri
kwegonhi mugota mangu hona
ndingori nebakatwa chete ndodavo
chokuzorwisavo muvengi kana
zvikara zvesango, sezvo handizivi
kwandichabudira". Anotaura
Muchadura akabata mapendekete
aPomerai.

"Nhayi Muchadura wafungepiko,
paneimwe nyaya yausiri kuziva

yakavanzika , Tariro hanzvadzi yako
kune kwaari kuda kuyendeswa na
Mambo Gotoro , nekuti ndakaona
Chorwira na Dzikite vaine
Hambakubvu ndikaziva kuti hakuna
mumwe anonoripiswa kunze kwa
Tariro nokuti handisi kutomuona
pamuzinda . Uye ndavateerera nhasi
mambakwedza ndanzwa
vachirongana najangara zvokuda
kumuendeswa kuswera mangwana .
Saka maonero angu anenge ari
Muchizarira kutaura kuno. Saka kana
zvichiita ngatidzokere tinotarisa imba
yaari timununure hazvigani kuti
uyende uchusiya hanzvadzi iri

parumana nzomber" . Akadero
Pomerai achiratidza kurevesa uye
akashinga chaiko .

Muchadura anomboramba
akanyarara uye akatsikitsira pasi
achikwenya musoro wake
.ndokuzosimudza musoro
kwakutarisa mumwe wake ndokuti,
"Hongu zvawataura ndazvinzwa asi
ziva kuti tsuro hayiponi murutsva
kaviri. Kuti ndidzokera hazvichaiti,

avo siya vakaderi ziva kuti ushe
madzoro, uye chino bhururuka
chinonhara zvacho. Kunyarara Sandi
kupusa Pomeri asi kamoto
kamberevere kachapisa matanda
mberi , vachadura sezita rangu
handinga manyiri kumedza kutsenga
ndichada , vari kuzvisikira moto
muziso avo , iwe unofanirwa kuyita
zvandareva ini ndichaswera ndiri
mugomo umo muMadidi, handiti
unoziva zimuShavhi riya
ririkwakadziva kuchamhembe ndimo
mandinenge ndakakwira , asi
ikozvino ndinopfura nemumunda
ma mambo vako umo,

ndichimbatora mavisi maviri zvawo sezvo nzara yandibaya". Akadero Muchadura.

"Hoo asi mukama wekuti ndikuvigire museve yako ndinouwana manheru , sezvo ndini ndine janha rekurinda kusiwo diki uko . Asi ukaona ndatadza pane zvinenge zvanditadzisa , saka chirega ndidzokere ini". Akadero Pomerai achitotendakuka kudzokera , anonanga kwaanga abva kunova

kwaanga achirinda nevamwe vake
vaasiya vachiridza ngonono .

Asi pfungwa dzake dzaipishana kuti
Muchadura afunga kuyenda kupiko
kwaandivanzira .pasina nguva
anobva asvika zvake asi anowana
vose vakavata zvinova
zvakamutsamwisa zvikuru. Akabva
avhuna shanhu yemusharu wainge uri
pajinga nesuwo.....

Kusara kwakaita Muchadura ,
anomboita chinguva akamira kusvika
asingachanzwi kufamba kwaPomerai
. Ndokuchizofamba zvake okwidza
kumunda kwaMambo. Kunyangwe
zvako kwaiva nerima ayinge ashinga
kuno pumbuzira mumunda awanewo
rimwe zvaro rokunyausa kukamwa,
sezvo apunyaira haashayi musodzi.

*=====

=====*

*COMMENTS PLA*

*KUPERA KWECHIKAUKO 17*

[4/10, 17:41] +263 71 416 0957:

<https://chat.whatsapp.com/BF5Cogu>

M3W7IQ1I0RMpC3R

*PFUMO RAMUCHADURA*

*Written by Phibion Mandongwe*

*Call or app...*

0714160957

0774512473

CHITSAUKO 18

Pomerai anoshatirwa zvikuru kuwana
vamwe vake vakarara semashamba.
Haana kuda kuvamutsa bodo .
Akanopfuurira mberi kujinga
kwemusuwo wemuzinda , kwaiva
nemusharu wainge une shamhu
dzakaisvo naka chose, akabva

avhuna nhatu dzainge dzakati koreyi
zvishoma. Pedzezvo anosvuura
makavi emupfuti ndokudzoka kune
mbwende dzake idzo dzairidza
ngonono dzichiita kubvumirana.
Anosunga mumwe no mumwe
makumbo pamwe nemaoko , asi
hapana akazvinzwa kana kusvinura
zvako . Anobva asukudzira moto
wainge watomhova zvawo nechekare.
Ndokutora shamhu dzake dziya
kwakudzibvura muchoto kuitira kuti
dzisavhunika paanenge otambo ne
mbwende dzake dzinovata pabasa,
komuvengi akasvika handiti
vanongotumburwa muvengi otonoita

zvaanoda kumuzinda ,kana
handijaidzi makudo neanokamhinha
ini.

Pomerai anoona kuti shamhu dzake
dziya dzaisvo naka .

Ndokuchisimuka , anoyenda paiva
memukuru wavo ndokuyiregedza
shamhu ichibva kugotsi kwake ,
anoyiregedza zvakare rume
rakabowa semombe iroro usatamba
nemusharu kana uchinge wabvurwa .

Anoyinda kunevamwe zvekare
ndokuvarikita zvokuti akazorega
kuvarova atoneta , kukagoti ayiva
nehasha dzokutambudzwa kwa
Muchadura pamwe na Tariro .
Marume ayingoyuwira ,asi kuti
akwenye zvaisaita sezvo vainge
vakasungwa .

" Hamuzivi chamavinga kuno handiti ,
kokana muvengi akasvika handiti
anoyita zvaanoda , mamborimwireiko
doro racho,". Anodero Pomerai
achiratidza kutsamwa kukuru kwazvo

nokuita kwevamwe vake.

"Hatizivi kuti dzati batawo seyi ,
chitiregeterawo hona watisvuura
Pomerai , unoda kutiyendesa nyika
dzimu here".

Anotaura mumwe murume
pavarohwi ava.

"Ndichakusunungurai kana kwayedza
ikozvino garai makadero" .

Nguva iyi dova ranga rochitanga
kunzwika uye kachando kainge
kofuridza matama . Pomerai
anosimudza vamwe vake vaanga
asunga ndokuvatsveta patsangadzi
yainge yatozara dova zvayo , achida
kuvarwadzisa nechando badzi icho
chainge choonekwa kuchena
pamauswa sevo paiva pabani,
ndokuchidzoka zvake pamoto wake ,
anogara zvake akazembera dombo
raivapo pfungwa dzake dzakatanga
kupishana panhau yemuseve
yaMuchadura kuti ndinoitora here.....

*



*



Mambo vanoona kuti doro ravagara
mumusoro vanobva vazevezera
Jinda ravo Jangara kuti
"ndavakunorovera matama pasi , asi

usakangamwa chirangano chedu .
Tofanirwa kumukira Kuna
Dzomurumbi anondigadzirira
Hambakubvu iya tozoona kutuma
Vakomana kwaMafuratidze kana
tichinge tadzoka".

"Zvakanakai Mambo ndinokumutsai
runyanhiriri chairwo nguva yerudzoka
mazizi" .

Mambo vanobva vatonanga muyimba
yavo, musi uyu havana kurara
nemukadzi wavo sezvo zvirizvo
zvinotenderwa kuti kana vachida
kunogadzirwa chikaranga che
hambakubvu hazvaitenderwa kurara
nomukadzi .

Jangara anombosara kwechinguva
paakaona kuti ruzhinji rwapinda
mumba anombo tenderera
ndokuchinanga zvake mumba make
achiita kudzadzarika . Anosviko
zviwirisa pachitehwe chemhara

painge pakarara mukadzi wake .
Hope dzakabva dzamubata
dzedahwa chaidzo, zvokukangamwa
kuti kunze kunei . Asi semunhu
ayinge ajaira kukasira kumuka
hazvina kumunetsa. Jongwe
rocutanga parakango kukuridza
akabva atopepuka pamwe
nekurangarira rwendo rwamambo .
Anobva azunungusa mukadzi wake
ndokumuudza kuti tichambo buda
namambo asi tichakasika kudzoka
zvedu , asi haana kumuudza kuti vari
kunanga diviripi. Mukadzi wake
akangodavirira kuhope ndokubva
atotanga kufoza zvakare. Akabva

atosimuka ndokubatidza tsvatsva
yake mumba makabva maita
chayedza . Anatora bvumo rake
pamwe netsvimbo , ndokuchibuda
onanga kunomutsa mambo .

Jangara paakabuda panze
anombopota serikweimba kunorasa
mvura anosumudza musoro wake
ndokusanganidza maziso ake
nechiyedza chemoto waibaka kusiwo

diki remuzinda kwaiva nana Pomerai .
Anobva anyemwerera kuratidza
kufara nokuchengetedza muzinda
kuneungwaru kwayiita varindi vake.
Achipedza anobva atonanga kuimba
yamambo iyo yainge yava kuonekwa
chaedza mukati mayo, zvairatidza
kuti mambo vainge vatomuka.

Anosviko gogodza pamusiwo
wamambo pamwe nokutaura Zita
rake . Mambo vanobva vatodavira
pamwe nokuvhura musiwu. Jangara
anobva atopinda .

"Mangwanani Mambo wangu ".

Anoderu Jangara achimutsa mambo .

"Mangwanani wamuka seyiko jinda
rangu".

"Inga zvamanga matomuka , asi
hamuna kumbotsivama kani mambo".

"Kwete ndapeputswa nejongwe rarira
iro ndikati watokangamwa rwendo
rwedu rwuya zve".

"Kwete Mambo zvanga zvirimo
mundangariro , Saka tochibuda
zveduzve , nokuti tinofanirwa

kuchimbidza kudzoka pano".

"Ndizvozvo zuva rofanirwa kubuda
tavakutodzoka, chitora hambakubvu
yacho iyo yandaisa munhava umo. Ini
ndabata choro ichi pamwe nebvumo
rangu".

Jangara akabva atatora nhava iya
yainge yarehwa. vaviri ava vanobuda
vachiita senyoka kuri kusada
kuonekwa . Vanonanga nekusiwo diki
kunova kwaiva nana Pomerai

vakarinda . Vanosvika nepaiva
nevarindi sezvo vaiva pasuwo chaipo .
Jangara ano shamisika kuona
Pomerai ariye akagara , vamwe vose
vakarara pasi . Paakasvika padhuze
anoona vamwe vose vakasungwa
makumbo pamwe nemaoko zvinova
zvakaite kuti abvunze chainge
chatora zvimbo .

"Ko vamwe vasungwa nani nhayi iwe
ndokuita seyi uku " .

Anobvunza Jangara achiratidza

kushatirwa nazvo.

"Ndovimba kuti vane miromo yavo
,hangingava pinduriri ini".

"Usandipedzera nguva ndiri kubvunza
iwe sezvo hauna kusungwa , ko paita
muvengi here pindura nokukasira
hatina nguva isu ,unoona kuti ndina
Mambo ava varikutoda kuzivawo
chayitika".

"Mhandu ndotofunga kuti ndeivava vakavata, nguva yebasa, vabvunzei kuti vasungwa nani". Anotaura zvakare Pomerai asingaratidzi kutya kana kudii.

"Saka iwe hausi kundi teerera here mashoko angu".

"Chanjamire wangu vanhu ava ndini ndavasunga mushure mokunge vose vavata ndikasara ndichirinda ndoga . Handiti murikuona shamhu idzo ndatopedza navo kare siyai vakadero kudova ikoko handidi kurindiswa nematera ini, vane hope sedze matahwa". anotaura Pomerai achiita kuzarirwa nehasha.

"Hoo saka tototi vanhu vakarinda ivo vakarara, vasiye vakadero tirikudzoka

usavasunungura , ndokuratidza
urume uku Pomerai uri murwi
mukuru chaiye . Ndichadzoka
ndovapa mutongo wavo ndomene".
Anotaura Jangara avakutofamba .
Pomerai anobva atomutsa Mambo
zvinerukudzo , Mambo vakabva
vatonyemwerera ndokudavira
vavakutotevera Jangara uyo anga
atova kuseri kwemuzinda . Pomerai
anobva atoti vamwe vachafarira
n'anga inobata mai.

Mambo na Jangara vano
tungamidzana vakananga kujinga
kwegomo raiva kumabvazuva kunova
kwaigara Dzomurumbi n'anga yavo ,
Gomo iri rainzi Manhede .

Kunze kwainge kwava kuonekwa
zvako sezvo jena juru rainge rabuda .
Havana kunetseka zvavo zvokuti
pasina nguva vainge vatova mujinga
maro Manhede . Vakabva vatokwira
vachiita zvishoma zvishoma Mambo
vaitobatsirwa ne bvumo ravo iro

rainge rava gumbo retatu .

"Mirai ipapo ndivanani vanditsika,
musafamba zvenyu mungasiya
nyemba ndidavirei muri ipapo".
Rinonzikwa inzwi nechemberi kwavo
raiva nemaungira pamwe
nemasasaradzi".

"Tisu takutsikayi sekuru". Anodavira

Jangara achiombera.

"Mabva kupikwacho". Rinotaura
zvakare inzwi riya.

"Ndini Jangara na Mambo Gotoru
tauya sekuru". Anotaura Jangara
achiombera zvakare .

"Siyayi zvombo ikoko muuye zvenyu tinzwe chifambirwa chenyu".

Jangara na Mambo Gatora vanobva vaita zvavainge vaudzwa .

Ndokuchikwira kuya kwaibva inzwi riya. Havana kutora nguva vakabva vasvika paiva nebako raiwonekwa chaedza mukati maro asi kuri nechekumberi kwaro. Vanobva vapfugama ndokutanga kuombera zvakare "tisvikewo tisvikevo sekuru".

"Svikai zvenyu pindai mugare
pamusiwo apo mutaure nhawu yenyu
handina nguva masvika ndava kuda
kubuda" . Anotaura Dzomurumbi asi
ayisaonekwa kwaayiva asi arimo
mubako umu nechekumberi.

"Tauya nehambakubvu iya sekuru
muchiiita chikaranga chiya".

"Hoo motenda vadzimu venyu
masvika ndiripo, mumwe wenyu
ngaauye nayo kuno ndikugadzirireyi

mubve madzokera ndiri kuona
kumuzinda kwenyu kusina kumira
zvakanaka muchasvika
mukagumbuka". Anotaura
dzomurumbi.

"Moreveyi sekuru hazvina kunyatso
pinda munzeve". Anobvunza zvakare
Jangara.

"Kana ndichitaura teereraai nokuti
handidzokorori chinhu, ndati
kumuzinda kwenyu hakuna kumira

zvakanaka kutaura kuno asi
muchasvika murikunozvionera
pamhino sepfodya asi mochenjera
nokuti ndaona mapedzwa mose
neimwe ndumurwa zvizhinji
handichatauri nekuti hazvisizvo
zvamavinga, chipindai muuye kuno
mose nokukasira". Akadero
Dzomurumbi .

Jangara na Mambo vanobva
vatosimuka pavainge vakagara,
vanofamba vakaita kukotamba

vachipinda mubako iri, vanobatsirwa kuona nemwenje waiva mukati umu . Vanoti vava kusvika . Dzomurumbi anobva ayisa dehwe pakati raiva ravhara kuti asaonekwa kureva kuti rainge raganhura pakati .

"Chigarai ipapo , iwe Jangara nditambidze hambakubvu yacho nepasi pedehwe apa". Akadero Dzomurumbi .

Jangara anobva akatanura nhava iya
ndokuyitsveta pasi pedehwe riya ,
Dzomurumbi akabva atoyigashisa.

"Murikuda kuyidyira kuno here kana
kuti monodyira mberi moyo wayo".
Anopotsera mubvunzvo Dzomurumbi
.

"Hongu sekuru toda Kubva tatopedza
chikaranga chacho kuno ".

Anopindura Jangara.

" Zvakanakai asi panoda muripo we
mombe makumi maviri". Anodero
Dzomurumbi .

" Hazvina kuyipa ndosaka tatouya
sekuru". Anopindura Jangara.

Dzomurumbi anotora hambakubvu
iya ndokuyipwanyira pasi kanokwana
kashanu . Anochitora bakatwa rake
ndokubvisa makwande ekamba iya ,
bakatwa rake raicheka zvakanyanya
haana kutora nguva akabva abvisa
moyo wayo . Ndokuukandira
muchikari chaayinge atogadza
pamoto sezvo waingovamo kare.
Anosimuka ndokutora nhava yake
yaiva yakabairwa pahoko yaiva
kumadziro . Anovhendenyura
munhava muya ndokubudisa zvimidzi
zvitatu zvaiva zvitema ndokukanda
muhari muya . Anobva adzoserera

nhava iya pekare . Ndokutora chimwe
chitende chaiva pamusoro pedombo
raiva pamberi pake . Anovhomora
chitanda chaiva chakavharisa dende
iri, ndokudurura zvinhu zvainge
zvakakora seuchi uye zvichinakuka
sederere. Ndokuchidira twumvura ,
asi mvura iyi yaiva yemumhango uye
yaiva yakatsvukuruka, ndokukanda
zimbe rimwe chete muchikari chiya
richibva radzima, ndokuchifunhira
nechimwe chikari . Zvinoita nguva
zvichikwata pamoto apa.

Ndokuchizobura awona kuti zvaita
sezvo moto waiva usiri wenhamo
mubako iri . Zvose izvi hazvina

kuonekwa na Jangara pamwe
namambo sezvo vaiva
vakavharidzirwa nedehwe riya.

Dzomurumbi paakabura zvinhu zviya
anomimina muto wese ndokuutsveta
mundiro yemuti anobva atora moyo
wehambakubvu iya ndokuukandira
mundiro iya.

"Gashira Apo muzukuru.chipa
mambo vako vadye kana vapedza
vanofanirwa kumwa muto uyo wese
hapana chinosara mundiro imomo"

Akadero Dzomurumbi
achitotambidza Jangara ndiro iya .

Jangara anobva atogashidza mambo.
Ivowo ndokuchiita zvavainge
vaudzwa . Pavaidya vayiita kusunga
chiso kusvika vapedza zvaireva kuti
zvaishata.

"Tapedza sekuru" . Vanotaura mambo vachiuchira kuratidza kutenda .

"Zvakanakai muripo wangu uri kuuya rinhi". anobvunza Dzomurumbi .

"Muripo wenyu utarisirei kuswera mangwana sekuru". Anopindura

Jangara.

"Zvakanakai chisimukayi muchiyenda
ini ndapedza nemi asi muchengeta
mashoko angu andareva".

"Zvakanakai sekuru". Akadero
Jangara achiombera pamwe chete
namambo. Vaviri ava vanobva

vatosimuka nguva iyoyo .

Pavakabuda mubako iri vanoona zuva rainge rakatsvuka pamusoro pemakomo makuru, zvaireva kuti kwaiva kutobuda kwaro . Vanobva vatanga kudzira materu vakananga zasi kwegomo . Vanosvika pavainge vasiya zvombo zvavo . Mumwe nomumwe ndokutora zvake ndokuchidzika zvavo . Havana kutora nguva vainge vatova pasi paro.

Vanonanga nenzira yavabva nayo .

Mambo vanobva vagadzirisa inzwi ravo nekukosora katatu kwakupfira chikararwa chainge chakasangana ne nemuto uya wavamwiswa.

"Mashoko aGodobori wanyatsa
kumanzwisisa here Jangara".
Vanobvunza Mambo .

"Aaa !! ,, handina kunyatsa
kumanzwisisaini , sepaya panzi
tikaita zvokutamba tinopera
nendumurwa, angava ani
angatipedza pamajaya

arikumuzinda.". Anopindura pamwe
nomubvunzo zvakare Jangara.

"Angava ani kunze kwaMuchadura
watakaisa muchizarira". Vanotaura
Mambo .

"Regai tione kuchawira tsvimbo
nedohwe , ndoda kunosvika
ndichimupfuudza izvozvi atevera
baba vake kunyika dzimu". Akadero

Jangara achiratidza kurevesa .

"Ngatiwaure nhambwe handiti
wanzwa zvichinzi tiri kunosangana
nemuyedzo , pamwe tosvika usati
waitika sezvo tabva kuri kutsvene".
Vakadero Mambo .

Vaviriri ava vanofamba pasina
achataura nomumwe
kwaingonzwikwa tsoka badzi .

Havana kutora nguva vakabva
vatosvika pasiwo diki apo paiva nana
Pomerai . Jangara anobva abvunza
kuti kumuzinda kwakamira seyi . Asi
Pomerai anobva ati handisati
ndasvikako asi ndovimba kuti
kutsvene.

Jangara anobva achiti "chisunungura
vanhu avo vachiuya kuno tivape
mutongo wavo".anotaura Jangara
ava kutofamba akananga kumuzinda .
Vanoti vava kudakusvika pachivanze
chemuzinda vanoona machinda
vachiita besanwa pamuzinda zvinova
zvakaitea kuti mambo na Jangara

vazvishayire donzvo !.....

*=====

=====*

COMMENTS PLZ

KUPERA KWECHITSAUKO 18

[4/10, 17:41] +263 71 416 0957:

<https://chat.whatsapp.com/GeiPALw6kwRC2bn0mU0kON>

<https://chat.whatsapp.com/F8cQAttI6VJuXk0sVW9qR>

*PFUMO RAMUCHADURA*

*Written by Phibion Mandongwe*

Call or app...

0714160957

0774512473

CHITSUKO 19

Kubuda kwakaita Mambo na Jangara
pasiwo remuzinda . Pomerai
anosimuka ndokunyahwaira sekatsi
achitevera Shure kwavo . Anovaono
vakananga kugomo Manhede ,
anobva atomira sezvo ayinge atoziva
kwaiyenda vaviri ava . Anotendeuka
kudzoka pasiwo paya paanga ava
kuda kugara akabva ayeuka
zvemusezve ya Muchadura anoona

uriwo mukana wekutonotora sezvo
munhu waanga achinyanya kutya
ayinge abuda. Anobva atorova gotsi
nezvitsitsinho akananga kumuzinda.
Akaita rombo rakanaka kuti gota
raMuchadura rainge riri
nechekumucheto kwechivanze uye
riri divi raayibva naro anotanga
atarisa mativi ose kuti awone kuti
hapangadero pane arikundiona here
ndikayerekana ndapinda mupfumvu.
Asi akaona pasina kana nomumwe
ayifamba , sezvo kwainge
kuchakasviba kwaingonzikwa
ngonono nepwere dzaivhumuka ,

Haana kuda kupedza nguva kurovera
mbambo pachitehwe cheshindi.

Anobva atovhura gonhi ndokupota
seri kwaro anotsvanzvadzira
kumadziro achiita kufambisa ruoko
rwake sezvo maiva murima akabva
atoita mahwekwe nayo yakaremba
pahoko payaiva ndokutoyiturura
achibva abuda . Haana kusiya avhara
musiwo akangousiya wakavhurika
ndokutomhanya akananga kusiwo

diki kwake kuya kwaayinge abva
.Nguva iyi ndiyo yakarira jongwe
repiri uye hutunga hwainge hwava
kuonekwa kutsvuka kumabvazuva ,
hweva iya inonzi nyamasasi yainge
yopenyawo kumabvazuva uye yati
kwireyi zvishoma . Pomerai
anonanga pajinga pechikoma panova
pakapisirwa Mai vaMuchadura .
Anosviko tsveta museve
yaMuchadura mugwenzi remusekasa
raivapo . Ndokuchidzoka zvake
pamoto wake . Anousukudzira
chaedza chichibva chati ngwe-e
mativi ose , anobva ato zembera
dombo rakeriya zvakare shiri

padzainge dzoimba nziyo dzadzo
tsviri-tsviri ndiyo nguva
yaakabatwavo nehope ,
anozopeputswa nokuda kwezuva iro
rainge romurova huma.

Paakangosvinura hapana kuita
chinguva Mambo na Jangara
vakabva vatodzoka kwavainge
vaenda , Jangara anochiti Pomerai
sunungura mbwende idzodzo muuye
kumuzinda izvozvi....

Pomerai akabva atosunungura
machinda ake aya, ndokutotevera
Shure kwaJangara na Mambo
.vachangoti fambei vava kusvika
kumuzinda Pomerai anoshumba
kuseka mushure mokuona Jangara
na Mambo vakamira semadzukununu
ari munzungu , uye vakaudzvura
meso avo vaka tarisa kumuzinda,uko
kwayiwonekwa besanwa remachinda
ayimanya pamwe nokufambisa
mumaoko mavo vayinge vakabata
zvombo ,miseve pamwe
nemapfumo , zvinova zvakashaisa
Jangara na Mambo, simba

rekusimudza tsoka zvaro .

Vanoramba vakaringa kuya ndokuona kuti vanhu vepamuzinda badzi vari kumanya manya. Jangara na Mambo vanobva vatofamba , vakananga padare painge pakaungana vanhu , ukuwo vana Pomerai vaivawo kumashure .

Mambo pavakagara pachigaro chavo . Rugara anofamba kubva paayinge amire akananga paiva na Jangara ,

anosviko muudza chiitiko chavainge
vaunganidzira vanhu rungwanani
rwakadayi. "Changamire wangu
ndatambira shoko kubva Kuna
Munhikwi anova umwe wevarindi
vainge vakarinda Muchadura,
Varikuti apoya pamwe nokusiya
awuraya Tsvedzu ndokusiya
amusungirira panhungo". Akadero
Rugara achibva anyarara zvake.

"Urikuti chii iwe ! ,, Ko vana Munhikwi
vacho varipi ngavauye pano
nokukasira vataure nhau yavo kuti

vaivepi mumwe achiurawa , vadaidze
izvozvi". Anotaura Jangara hashu
dzazara pahuma pake zvokuti
payinge poita kutamba tamba
senhova yomucheche ,uye tsinga
dzachiti tare tare chiso
chakafinyamiswa zvokuti pwere
yaisatarisa kaviri . Anobva atofamba
akananga painge pagere mambo,
ndokuvapira nyaya iyi, Mambo
vanoratidza kukahadzika nazvo, uye
chiso chavo chainge chazara
mananda nguva iyoyo.
Vakangokwanisa kuti _"vainge
vakamurinda ngavauye pano
nokukasira uye Muchadura wacho

ndiri kumuda pano izvozvi rangarira
masho aya aGodobori haarevi nhema
Tingapera takasvinura sedemba. " _
vanobva vato nyarara Mambo ,
Jangara anobva asumuka kuti awone
kuti Munhikwi na Tafuma varikuya
here. Hapana kutora nguva vakabva
vasvikwa navo kubva kuchizarira
kuya vainge vavakutorinda chitunha
badzi . Vachisvika vanonangwa navo
kumberi kwamambo avo vainge
vakafuta kunge nyoka yakafa.

"Vasungei mbira dzakondo muvasiye
vari ipapo , chiudza machinda atevere
Muchadura haana kwaati ayenda
kutura kuno ava tovatonga kana
mawana Muchadura wacho nokuti
tingapedze nhambo, itayi nokukasira
Jangara hapana kumira zvakanaka
kutura kuno". Vakadero Mambo
vachiita kukwamatata zvinova
zvakashamisa mhomho yose .
Jangara akabva ayita kunzwa nokuita
nguva iyoyo.

" Murwi wese tora zvombo zvako
mutevere Muchadura ndiri
kumudapano izvozvi muuye naye ari
mupenyu ndiri kuda kumutumbura
ndomene uye zvinorwadza". akabva
atonyanyarara zvake .

Machinda anoyita nhange mutange
kunotora zvombo mumwe no
mumwe zvake vanobuda vakaita
fararira sezvo vaisaziva divi raayinge

abuda naro . Pomerai semunhu
ayiziva tsoro yake , anonanga nedivi
rekusiwo diki , apa achiita kumanya
kunge munhu akashatirwa ,
anonanga kuchikomo chiya
kwaayinge asiya dati remiseve
yaMuchadura, ndokukwidza hewo
onanga nedivi rekugomo madidi
kwaayinge awudzwa kuti
ndokwauchandiwana. Varwi
vamambo Gotori vaininge vadyarana
sango rose , asi kwavayiita kwaiva
kutsvaka tsono yawira mugungwa .

*

*

Muchadura anonanga mumunda
mamambo maayida kutsvaka mavisi
pamwe neipwa, anoti achangopinda
haana kufamba nhambwe dzakati
wandeyi anobva atogumburwa
nezivise rainge rakakura seshamba .

Moyo wake wakabva wanyevenuka
ndokuritanha. Anobva atogara pasi
ndokuriputsa shasha yakabva
yatanga yaombera akaita kupfunya
chisero anochidya vise riya kusvika
rapera, ndokusimuka anobata dumbu
rake iro rainge razvimbira anovhuna
ipwa dzake ndokuchifamba
akananga mugomo reMadidi
maayinge avimbisa Pomerai .

Anokirwa akananga kuchamhembe

kunova kwaiva nemushavhu
waakareva . Semunhu wejaya gomo
iri harina kumunetsa kukwira ayitoita
sembira chaiyo kunyagwe kwaiva
nerimo zvako . Paakanga ava
pamhanza pachu ndiyo nguva
yakabuda jena guru iro rakazo
mubatsira kuona zvakanaka. Ayingo
kwenya mhuno nekasiyanwa kuti
asawana chinomuwana mugomo iri.
Anotsvaka zimuShavhi riya kusvika
ariwana ndokusvuura makavi
emumwe muti waasina kuziva kuti
muti rudziyi, ndokukwira nesvinga
rake repwa riya. Anobva asvika
pamhandi yainge yakanaka

ndokugara zvake ipapo
kwakuzvisunga nemakavi aya ipwa
dzake akabva adzisungawo nemakavi
kuti dzisawa. Semunhu ayinge
agutisa hope hadzina kunonoka
kumubata kunyagwe kwaitonhora
zvako .

Anozotopepuka kunze kwatochena
uye zuva rainge rato chenesa nyika
yose. Anozvisunungura ndokudzaka
pamwe neipwa dzake. Ndokugara
zvake pasi pemuti uyu achifefeterwa
nerwumhepo rwemangwanani .anoti
achangoti gareyi anonzwa kutaura
kwevanhu nechezasi kwe gomo iri,
anobva asimuka ndokunyahwaira
achienda kwaayinyatso ona kuti
ndivanani uye varikuindepi achiita
kuvanda nemashizha emiti .

Anokanda ziso rake kuya kwaayinge
anzwa kutaurwa . Anorohwa nehana
achiona ririgurusvusu revarwi
vekumuzinda kwake , avo vainga

vakabata miseve pamwe nemapfumo
kusanganisira netsvimbo. Mudumbu
make makatanga kurira nguva iyi ,
anobva ayita segwereveshe kufamba
nedumbu akananga kuzimushavhi
rake riya , ipwa akangodzipfekera
muchipako chematsvinyu ndiye n'ana
-n'ana mumuti, ndokunanga divi
rainge rakapfumvutira uye kuri
kumadya husvu chaiko, anoona
vanhu vava kukwira mugomo
maayiva , anoona kuriko kutoparara
kwehwake hupenyu.anoti
arimukushushikana kudero anonzwa
kuti chokoto-chokoto kuri kufamba
kwemunhu ayiva muzasi memuti

waayiva akakwira , Hana yake yainge
yava kukindidza sengoma
yembakumba. Anochauka zvishoma
nezishoma achida kuona kuti ndiyani ,
asi haana waakaona panguva iyi
sezvo munhu wacho ayinge atomira.

"Iwe Muchadura zvombo zvako izvi ,
ini ndavakuyenda asi wongwarira
kubatwa handina mashoko
akawanda newe sezvo tiri
kukutsvaka". Akadero Pomerai
ndokutotendeuka kutodzokera,

Muchadura anozama kuda

kushevedza Pomerai , asi iye ayinge atoyenda kare .

Pomerai paakangotsveta museve yaMuchadura haana kuda kumira pasi pomuti uyu sezvo vamwe vake vaininge vatokwiravo mugomo iri ayitya kuti Muchadura angaonekwa akabatwa zvinova zvaayisada .

Anobva ananga painge pakachena zvokuti ayiona vanhu vaiva pasi pegomo uye nevaikwirawo . Anobva adaidzira achiti " Garirayi uyooo uyooo ! Nechekubani ukoooo

manyisayi garirai Muchadura uyo".
Achipedza kudero anobva adzaka
achimanya akananga kwaayiva
akanongodza,

Varwivose pavakanzwa Pomerai
achidaidzira vakabva vakanda
maziso avo kwaayinongedza achiti
garirai Muchadura , rakava
gangaidzwa mukwenyi wemhezi
yavavira mumoyo, zvaida kuzvionera

wega pamhino sefodya,
pakamanyiwa kwete zvokutamba
vanhu vakananga kwainge kwarehwa
kuya , ukagoti Pomerai wacho yaiva
mhare pakumanya akapindira vose
achingodaidzira kutigarira.....

*=====

=====*

COMMENTS PLZ

KUPERA KWECHITSAUKO 19

*NDOKUDAYI MOSE VATSIGIRI
VANGU*

[4/10, 17:45] +263 71 416 0957:

<https://chat.whatsapp.com/GeiPALw6kwRC2bn0mU0kON>

<https://chat.whatsapp.com/F8cQAttI6VJuXk0sVW9qR>

*PFUMO RAMUCHADURA*

*Written by Phibion Mandongwe*

LAST FREE CHAPTER

*Call or app...*

0714160957

0774512473

*CHITSAUKO 20*

Guruva rainge rachiti tsvete mubani
mose, uku mheterwa dzichiridzwa
kunge vanhu vari kuvhima . Yakava
bata mupfupi bata murefu , tsvimbo
dzainge dzachisimudzwa mudenge
zvino . Pomerai ayingodaidzira garira
, haana kuda kunyarara apa ndiye
ayinge ava mberi kwevanhu vose
sezvo ayinge avapindira. Anoona kuti
kwatava kwava kure sezvaanga
achida, akaona kuti ati handichaoni
Muchadura uya hazviiti sezvo ariye

anga achiti uyo kureva kuti anga
achimuna . Semunhu ayinge ari
kumberi kwevanhu akabva acheuko
shure kwake kuti awone kuti vamwe
vake vari kutevera here sezvo pane
zano raanga afunga kuita , anoona
vakaita kumuruma gotsi . Anobva
anyemwerera zvake sezvo akaina
tsoro yake ichibudirira . Anobva
angokanda nhambwe shanu
ndokuzviwisira pasi kunge munhu
apingwa kana kugumburwa . Anobva
atanga kuyikwetsura mhere apa
achishanyarika akabata gumbo rake.

Varwi vachiona Pomerai awira pasi
vose vanodarikira vachimanya vari
museve , sezvo hapana ayinge
asingadi kutendwa namambo kana
achinge abata Muchadura. Vose
pavainge vadarika, Pomerai anobva
asimudza musoro wake achida
kuona kuti vavakupi , anoona vava
kure ndokumuka. Anotora museve
wake mumwe chete pane yaanga
ayinayo , anobva abvisa nzara
yechigumwe chikuru chekugumbo
rerudyi chinobva chatanga kubuda
ropa kwete zvishoma , achipedza izvi
, anobva avata pasi zvakare ,

mushure mokunge anzwa kutaura
kwemachinda aya ayinge adarikira
achidzingirira Muchadura akabva
aziva kuti kwava kuuyiwa , iye haana
kuda kumira kushanyarika kunge
munhu(azhodoka/ aninguka).

"Zvaita seyiko Pomerai zvawava
kushanyarika sembongoro isu tiri
panguva yakaoma kudai he-e".
Anobvunza mumwe murume . Asi
Pomerai haana kudavira kunze
kwekungo nongedza gumbo rake iro
rainge rakatsvuka ropa.

"Iwe Pomerai Muchadura wawanga
uchireva hatina kumuona wani , iwe
wanga uchimuona here paya".

Anobvunza mumwe murume zvakare
sezvo vose vainge vachiungana paari.

"Moyo yenyu yakashata machinda ,
ngatiratidzaneyi rudo kana tichinge
tiri musango . Mandisiya ndakavata
pano tarisai muone kukuvara
kwandaita kutadza here nemumwe
adawo kundibatsira Ooo kana musina
kuwana Muchadura iyeye ndoda

kunovaudza Mambo . Mungasiwa
nemunhu chokwadi wandanga ndava
kubata , imi mavaka kuti hatina
kumuona ndokudii ikoko
ndonovaudza Mambo ini". Anotaura
Pomerai musodzi iri pamatama ake
kunge munhu ari kurwadziwa.

"Kwete Pomerai ndoziva kuti tatadza
kukubetsera tokumbirawo ruregerero
unganotiurayisa kumuzinda uko".
Anotaura zvakare murume uya
wekutanga kutaudza Pomerai.

"Kana muchitoda kuti ndisanotaura
chindisumudzayi kusvika kumuzinda

sezvo kufamba handichagoni".
Anotaura Pomerai achiratidza
kurevesa .

Machinda haana kuda kupedza nguva
akabva atobatirana Pomerai
ndokutonanga kumuzinda , hapana
ayitaura nomumwe panguva iyi sezvo
vainge vaneta , vaingonzwikwa
kufema sembongoro dziri kukweva
matanda . Havana kutora nguva
vainge vatosvika pamuzinda uyewo
nguva dzainge dzanguvaira zuva
rainge ratogara makomo zvaireva
kuti vainge vatoswera vari musango.
Vanonanga padare paiva na Mambo

pamwe na Gotori jinda ravo.
Vanosviko gara vose ndokuswedza
Mambo , asi Mambo havana kudavira
nemufaro vairatidza kuti
vakatsamwa zvikuru.

"Ko zvama dzoka musina Muchadura
wacho kwakanaka here". Anobvunza
jangara .

"Changamire wangu Muchadura
hatina kumuona kana rushoka rwake ,
maonero angu , vanhu vanoziwa

kwaari ndi Munhikwi na Tafuma
sezvo ndivo vaininge vakamurinda
vangarevesa kuti vakatadza
mubatirana munhu mumwe chete ivo
vari vatatu , Handiti munoono kuti ini
ndakasunga vandaiva navo mushure
mokunge vavata ndikato varova
zvamakaona imi, Saka chakatadzisa
kuti Munhikwi na Tafuma vabatirane
Muchadura wacho chii zvotiratidza
kuti vaininge vakavata panguva
yokurinda , ini handina mhosva
honayi ndakavata ndakasvunura
kwandayirinda uko". Anotaura
Pomerai achiratidza kushatirwa
zvikuru sezvo ayitaura achizunza

maoko ake.

Padare pakambonyararwa zvishoma.
"Sumudzai vakomana vacho avo
vauye pano". vanotaura mambo
vachinongedzera vana Munhikwi na
Tafuma avo vainge vari pakati
pechivanze vakasungwa mbira
dzakondo zvairatidza kuti ndipo
pavaswera vachitsva nezuva
.Vanobva vasumudzwa
ndokunogadzikwa mberi kwamambo
avo vainge vakatsvukisa ziso
serovambira ravharirwa mubako.

"Ndiudzei kuti maivepi paipoya Muchadura". Vanobvunza Mambo shaya dzavo dzichiita kutamba tamba.

"Mambo wangu ndokumbirawo ruregerero Hope ndidzo dzakati-----". Munhikwi asati apedza kutaura bvumo rinoyerekana ranyura pachifuva nekutosiya nyemba, vanobva vapedzisa Tafuma zvakare.

"Indayi munovapisa pamwe naTsvedzu haana kutorwa muchizarira maari". Vanotaura Mambo , machinda ndokutobatirana

zvitunha izvi. Vakananga kwavainge vakambopisira Mai Muchadura .

"Dzikite na Chorwira ngavadzoke".
Vanotaura Mambo . Jangara anoshevedzera sezvo vaine vavakure . Dzikite na Charwira vakabva vadzoka vachimanya. Vanosviko gara mberi kwamambo vakaita kupeta makumbo .

"Yaa varume nyaya iripano nhasi ndiro zuva rokuti muchienda kwaMafuraidze Nemuripo uya , asi sezvo zuva ragara makomo kudayi

hazvichaiti, chava pano panongorira
Jongwe rokutanga ndipo
pamuchaenda muchamutswa na
Jangara . Asa garai maka gadzirira".

"Zviri munzeve Mambo
wangu".anopindura Charwira .

"Yaa chiendayi zvenyu".

Vakabva vatosimuka ndokutevera
vamwe vavo . Asi vakasvikowana

vatopedza zvavo . Nguva iyi zuva
rainge rachipinda munamai varo .
Vanodzoka padare paiva namambo
ndokuvaudza kuti basa tapedza , asi
mambo havana chavakanzwa sezvo
pfungwa dzavo dzaisava padare pa
nguva iyi. Machinda anobva
atopandaka mumwe no mumwe
kumana kwake.

Musi uyu mambo vakakasira kupinda
mumba mavo zvavaisaita mazuva
ose.

Jongwe rokutanga parakango
kukurudza Dzikite na Chorwira
vakabva vatomuka .Jangara
akazosara kuzotasanuka ivo vainge
vatoa panze zvavo . Jangara
akachizomuka ndoku udzamambo
kuti Vakomana vava kurova
nhetserwa . Mambo vakabva vati
"Enda kunovapa Tariro wacho, asi
Vakomana ivavo vanofanirwa
kudzoka nhasi uno ndine kwandinoda
kuvatuma zvakare". Jangara akabva
atoenda nanaDzikite kunovaraidza
kwaiva na Tariro. Vachibva
vatomusumudza akasungwa kudero
ndokumuisa pamafudze. Vachibva

vatopinda munzira vakomana
vakananga kwa Mafuratidze.....

*

*

Muchadura haana kuda kudzaka
mumuti panguva iyi. Anoramba ariko

kumadya husvu kwemuti kureva kuti
kumusoro soro, Anonzwa Pomerai
achiti kuvanhu garirai Muchadura uyo.
Anobva atarisa kwaiva kumire
Pomerai sezvo payionekwa . Anoona
Pomerai akanongedza divi rekubani
zvinova zvakaita kuti Muchadura
abatirwe nesetswa mushure
mokuona varwi vachiita senge
vachadambura nhembe vachiita
ushamwari nenhepo, asi kwaiva
kuseka nhamo serugare. Anozoti
papera chinguva asingachaoni vanhu .
Ndokuchidzika zvake mumuti umu,
anobva atonanga pazvombo zvake
zvainge zvangosiwa zvakandwa pasi

na Pomerai.anobva avhomora
museve mumwe chate mudari rake ,
ndokuupfekera pauta dati rainge
rasara neimwe akabva atobereka
kumusana . Anobva ambogara
padombo kwechinguva ,
ndokuzoyeuka kuti ndine ipwa
dzangu dzandaisa muchipako
chematsvinyu . Anosimuka paanga
agere ndokunotora ipwa dzake
kwakutanga kudya. ...

Anoita nguva arimo mugomo asi

haana kuzoona varwi vekumuzinda
kwake zvakare. Anoona uriwo
mukana wekudzika gomo iri , sezvo
zvombo ayinge ava nazvo chaiuya
chaizomuwana akapakata. Anodzika
nedivi rekumaodza nyemba
kwakadziva kuma bvazuva
kwemuzinda rinova divi risina
kuyenda nevarwi .pfungwa dzake
dzaipishana kuti zvino ndonangepi ,
anotanga kufamba ukuachicheuka
cheuka mativi ose, sezvo ayisaziva
kuti varwi va Gotori vazogumirepi .
Anobva ayambuka chimwe chikova
asi chaisava nemvura zvacho.
Anotanga kuwamura nhanho sezvo

ayida kuti zuva parinozopinda muna
mai varo ange afamba mutunhu
wakareba, kunyangwe asingazivi
kwekuyenda, Sezvo zuva rainge
rarereka.

*=====

=====*

Comments plz

KUPERA KWECHITSAUKO 20

NOW BOOK FOR SALE

***FOR ALL* *INFORMATION* *CALL
OR APP***

0714160957